

# WANTOK

NIUSPEPA BILONG OL PAPUA NIUGINI STRET

Ernst & Young audited/  
circulation 15,177

36 pes

Namba 1052

Wik i stat long Fonde, Ogas 25, 1994.

40 toea

## BRA kilim wanpela soldia long Panguna

VERONICA HATUTASI i raitim

BOGENVIL Revolusin Ami (BRA) i pait bek nau. Mekim na wanpela PNG Difens fos soldia i dai, na narapela tupela i kisim bagarap tasol long bodi.

Dispela i bin kamap long wanpela pait long ples Guava long Panguna, long dispela wik Tunde, Ogas 23.

Opis bilong Praim Minista tokaut long nem bilong soldia ya olsem Koporel Steven Pokapin. Na i bilong ples Loniu long Manus Ailan. Em i memba bilong Bravo kampani, husat i bes nau long Guava.

Ripot i kam long Bogenvil i tok soldia ya i dai long Guava yet long Tunde nait. Bikos long bikipela bagarap em i kisim taim ol rebel paitman i sutim em long het long Tunde moning. Dispela em long taim pait i kamap namel long ol soldia na ol paitman long ples Guava. Guava em asples bilong Francis Ona, bos bilong BRA. Ol soldia i no kisim bodi bilong daiman i go long Arawa long Tunde apinun. Bikos bikipela ren na klaud i karamapim Panguna. Na stapim helikopta long go long hap.

Bodi bilong Koporel Steven i kam long Mosbi long asde nait (Trinde Ogas 24).

Narapela tupela soldia i kisim bagarap long birua bilong Mande Ogas 22. Tupela i kisim bagarap long Pakia Gep na Guava. Tasol bagarap ol i kisim long lek na nek i no bikipela tumas. Tupela i kisim marasim nau long Arawa Fil haus sik.


Ripot *Wantok* i kisim long asde moning i tok bikipela pait i kamap nau long tripela hap long Panguna. Em long Pakia Gep, Nu Moroni na Guava. Na ol BRA paitman i yusim ol strongpela sot gan, na ol arapela

samting long pait wantaim ol soldia. Dispela ol BRA paitman long Panguna na Kongara i save kisim ausait helpim wantaim samting bilong pait. BRA stat long pait bek long Mande. Na pait i wok long go het nau. Ripot i tok tu olsem sampela paitman bilong BRA i dai yu long pait ya.

Nau yet, ol BRA paitman long Kongara i helpim wanlain bilong ol long Panguna long pait wantaim ol sekyuriti fos.

Bihainim tekova long Panguna na pait namel long ol sekyuriti fos na BRA, siaman bilong Sentrel Bogenvil Interim Atoriti, Naona Taniung, i singaut strong long ol pipel bilong em long Panguna, na ol ples klostu long noken ranawe na hait long bus. Tasol long kam aut long ples klia bai sekyuriti fos ken kisim ol i go long kea senta. Stat long Tunde, Mista Taniung mekim dispela toktok i go long ol pipel long Redio Yuniti long Loloho.

Long wankain taim tu, wanpela operesen long surikim ol manmeri na pikinini i go long ol hap we i nogat pait long Panguna i stat pinis. Dispela i bihainim tekova bilong ol sekyuriti fos long Panguna las wik. i go moa long pes 2



*Trenspot bilong solwara* • Ol lain long nambis bai save long ol kain trenspot olsem bilong go kam long taun o maket. Hia em wanpela famili ausait long Vanimo taun i kam limlimbur long Vanimo taun, na i laik sel i go bek long ples.



# DELTA

**STRONGPELA TRU NA INOPI LAI NABAUT TRAK...  
DABOL KEBIN BILONG DABOLIM PLANTI MOA  
MANMERI INSAIT!**

*Daihatsu Dan*



**Ela Motors**  
OLGETA HAP LONG  
PAPUA NIUGINI

PORT MORESBY 229400 • LAE 422322 • RABAUL 921985 • MADANG 822188 • GOROKA 721844 • MT HAGEN 521885 • WEWAK 862265 • KAVIENG 942132  
KIMBE 935155 • TABUHL 589060 • VANIMO 871254 • POGERA 579367 • ALOTAU-WALTERS WORKSHOP 611174 • ORO MOTORS 297002

# PLIS RIPOT



**MOSBI-Nesanel Kapitel:** Ol plisman i tokaut olsem wanpela man i dai bihain long wanpela PMV ka i bamim em long Mosbi long las wik long Sarere nait.

Ol plisman i no tokaut long nem bilong dispela man. Tasol ol i tok em i bilong Laiagam long hap Enga provins. Ol i tok man ya i dai taim wanpela PMV ka i bamim em long Waigani Draiv klostu long Yunivesiti Bilong Papua Niugini.

Plis ripot i tok long samting olsem 30 minit i lusim 8 klok long las wik Sarere nait, man ya i laik wokabout i go long narapela sait bilong rot taim PMV ka ya i ron i kam na bamim em. Bodi bilong man ya i stap nau long haus sik. Ol plisman i wok long sekap yet long dispela birua

**GOROKA-Isten Hailans:** Wanpela kalabusman i dai long bagarap em i kisim taim em i pait wantaim ol woda plisman. Dispela birua kamap taim dispela kalabusman ya na narapela tripela poroman bilong em i laik ranawe long Bihute haus kalabus long Ogas 15.

Provinsal Plis Komanda, Sief Inspekta Simon Kauba i tok wanpela kalabusman i ranawe. Tasol taim ol woda i holim narapela tripela man, pait i kamap namel long ol na dispela tripela kalabusman. Na wanpela kalabusman i kisim bagarap. Ol woda plisman i kisim em i go long Goroka haus sik. Bihain nau man ya i dai long haus sik.

Plis ripot i tok dispela man husat i dai bin kalabus long sas bilong bagarapim meri. Tripela taim em i bin traim long ranawe long haus kalabus. Na long namba foa taim, em i traim long ranawe na em i bungim dai. Plis i wok long sekap long dispela samting na bai givim ripot long Korona long lukim.

**BOROKO-Nesanel Kapitel:** Ol plisman i tok sampela stilman i brukim beksait dua bilong Jonsens Famasi stoua long Boroko long bikmoning long Mande long dispela wik. Na stilim sampela mani.

Plis i tok ol i opim sef bilong stua na dispela stilim mani. Ol stilim tu ol redio na ol han was.

**WAU-Morobe:** I gat bikipela pait i kamap na stap nau namel long ol pipel bilong ples Watut na ol lain setla bilong Simbu provins.

Bihainim dispela pait, ol pipel bilong ples Watut i kukim 7-pela haus bilong ol setla. Dispela pait i kamap long Sarere nait bihain long sampela lain Simbu i spak na sutim het bilong wanpela man Watut wantaim ston.

Plis i holimpasim tupela man pinis em ol i bilip i stap insait long dispela hevi.

Taim ol plisman i go long stapim pait, ol man i kirap na pait wantaim ol. em nau ol plisman i salim toksave i go long Lae. Na wanpela Mobail Skwat bilong Lae i go long helpim ol na stapim dispela bikipela pait.

## PTC Wokas Yunien bos egens bot

JOE KANEKANE i raitim

**PRESIDEN** bilong PTC Woka's Yunien, Mista Philip Kairi i tok, tingting bilong PTC Bot long rausin em long wok bilong em, planti "kwesten".

Taim em i vot long wanpela sikret balot aste, long save sapos ol yunien lain bai i stapim wok o nogat, Mista Kairi i tok i no bin i gat wanpela as long sait blong wok bilong em i rong, taim ol i bin rausim em.

Long Mande blong dispela wik, Minista bilong Infomesin na Komyunikesen, Mista Martin Thompson i tok olsem, PTC Bot i bihainim lo taim ol i rausim Mista Kairi long wok bilong em.

Bihain tasol long dispela disisen, ol i tambuim em long go long ol PTC haus, Mista Kairi i surukim tok tu olsem Bot i no givim wanpela gutpela as long rausim em long wok.

"Taim mi bin stat wok wantaim PTC, mi no bin stap aninit long kontrak, ol i kisim mi taim mi bin

pinisim skul long PTC koles", em i tok.

I luk olsem taim PTC Bot i rausim Mista Kairi long wok bilong en, ol i no bin luksave long ol bos bilong Mista Kairi, pastaim long ol i rausim em long wok bilong em.

Wanpela as Minista blong Komyunikesen i tokaut em, Mista Kairi i bin kisim malolo long wok. Na em i no bin askim long kisim dispela malolo.

Mista Kairi i tok em i kirap nogut tru long painimaut olsem, ol i rausim em long wok. Long wanem em i bin stap wantaim PTC longpela taim tru na rekot bilong em i gutpela tru.

"Mi wantaim ol famili bilong mi i kisim taim tru, taim ol i rausim mi bihain long 18-pela yia. Long wanem mi bin toktok strong taim gavman i givim laisens long Pan Sat Kampani", Em i tok.

Mista Kairi i bin larim Vais Presiden blong Yunien, John Kin long lukautim olgeta wok blong Yunien, em yet bai sambai tasol long sait na larim ol lain i go pas long yunien long mekim ol wok.

Em i tok tu olsem bai em bihainim tasol wanem disisen em yunien i wokim. Maski sapos ol i laik holim wanpela stap wok o nogat.

## Nesanel kot painimaut yet long raskolman

**NESENEL** Kot long Lae bai painimaut yet sapos toktok bilong biknem raskolman, Bruce Yawas Yatapsa i tru long Albert Makota i bin kilim plisman we lo i mas rausim laip bilong em.

Bruce Yatapsa i bin tokaut long nesanel kot long las wik olsem em i no bin holim gan na kilim plisman Ditektiv Sejen, Michael Ulum bilong Siassi long las yia.

Bruce i tokaut long ai bilong kot olsem man husat i bin kilim plisman ya em Albert Makota.

Lo bai wok strong nau long holim Albert long kamap long kot. Na tokaut sapos dispela toktok i tru. Tasol nesanel kot yet bai skelim gut ol toktok bilong Albert. Bikos lukluk bilong nesanel kot long Bruce i soim olsem Bruce i no bin kilim Sejen Ulum.

Tasol sapos nesanel kot i painimaut olsem Albert i bin holim gan na kilim Sejen Ulum, Albert bai namba wan man insait long Papua Niugini long lusim laip bilong aninit long nupela lo bilong gavman long kilim ol man husat i kilim narapela man.

Tasol sapos Albert i tokaut long banisim em yet olsem ol toktok bilong Bruce i no tru, Bruce i kisim sas pinis long laip kalabus. Olsem na dispela sas bilong em bai stap wankain yet. Na em bai stap aninit long strongpela lukaut bilong lo.

Long dispela taim yet, Bruce i kisim pinis laip yia kalabus. Na i save gat wanwan sans bilong ol man husat i kisim kain sas olsem bihain long 75 yia long kalabus. Sampela taim lo i ken lukim olsem pasin bilong ol i senis. Na ol bai no inap bikhet moa taim ol i go ausait long haus kalabus.

## Umi bris i op gen pinis



• (antap) - Ol man-meri wantaim baisikel na ka i go i kam nau long Umi bris, Morobe em i bin bruk. Ol man-meri long hailans, Madang na Morobe i amamas nau. Bikos ol PMV ka i ran i go kam nau.

• (raithan) - Ol wokman bilong wanpela kontrak kampani putim ol samting bilong stretim bris anta long ka bilong ol.

Ol foto: ZEPH AIGAL.



All departments  
Phone: 25-2500  
Fax: 25-2579

# WANTOK

Published Weekly, Thursdays, for  
**Word Publishing Co Pty Ltd**

Printed and published by Anna Solomon of Bittern Place, Gordons, at Allotment 2, Section 209, Spring Garden Road, Hohola, for Word Publishing Co Pty Ltd.  
General Manager: Ian Fry  
Company Secretary: Vince Ohlinger SVD  
Group Editor in Chief: Anna Solomon  
Editor of Wantok: Leo Wafiwa  
Advertising Manager: Anthony Lilou

**Advertising deadlines**  
Display bookings: Monday, midday  
Camera ready copy: Tuesday, midday  
Classified advertising: Wednesday 2 pm

Regional office:  
Suite 7, Haus Tisa, Second Street, Lae PO Box 1726 Lae, Morobe Province  
Phone/fax: 42-0618  
District Manager: Zeph Aigal  
Papers distributed by air throughout PNG. Available by airmail subscription within Papua New Guinea and overseas.  
Australia & New Zealand Representatives: Tonkin Media Pty Ltd  
PO Box 101 Avoca Beach NSW 2251 Aust. Sydney, James Tonkin, (043) 85 1746 Melbourne, Glen Smith, (03) 807 2311

PO Box 1982  
Boroko NCD  
Papua New Guinea

Word Publishing Co Pty Ltd is owned by the four major churches of Papua New Guinea: Catholic 55%, Lutheran 25%, Anglican 10% and United 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms of acceptance are available at the office of The Times and are set out in full on the reverse side of its official Display Advertising Booking Form.

## BRA kilim wanpela soldia long Panguna

i kam long pes 1

Ol soldia wantaim helpim bilong ol gavman opisa long Arawa i askim long ol pipel bilong ol ples olsem Onau, Paruparu na ol ples klostu long kamaut long hap we ol sekyuriti fos i kem long en. Em long Kurarao na Java wara pam stesin eria.

Ol toktok i kam long Bogenvil i tok redio bilong gavman long Loloho, Redio Yuniti i salim toktok i go long ol pipel long Panguna kopa main eria long kam aut wantaim waitpela plak long hap we ol fos i stap long en, stat yet long Sanda nait.

Ripot long Bogenvil i tok i kam inap nau, nogat manmeri i kamaut yet bihainim ol apil. Bikos BRA i surukim ol pipel i go antap moa long ol maunten long Kongara. Tasol long las wik Sarere, ol soldia i kisim tupela manki long Nu Moroni. Tupela manki ya i stap nau long Arawa kea senta.

Ripot i tok tu olsem ol haus long Seksen 37 insait long Arawa taun i paia pinis. BRA i kukim ol long las wik Fonde moning. BRA i hait long hap bilong

wara saplai long Seksen 18, na sut i go nabaut long ol man i stap long ol BDC na BCL plet, klostu long olupela Arawa haus sik. Tasol nogat man i kisim bagarap long dispela samting.

Long Panguna, BRA i kukim ol haus long Kaverong na Karoona. Em ol haus we ol singel-man na meri, husat i wok wantaim Bogenvil kopa kampani i bin save slip long en bipo ol hevi long ailan.

Long ol arapela ripot, Arawa Fil haus sik i pulap nau wantaim ol sikman na ol pipel husat i laikim marasin. Planti bilong ol em ol lain i kamaut nupela tasol long bus. Ol i yusim olupela eksekutiv hostel bilong gavman, flat we ol lain wok manmeri long PNGBC beng na ol lain i wok long Shell i bin slip long en bipo, olsem wod bilong putim ol sikman. Na tu bilong ol dokta long katim ol sikman meri.

Ripot i tok tu olsem Arawa ples balus i op nau long ol balus i pundaun.

# Ikonomik tisa autim tingting Fainens minista tokaut long hevi bilong mani

GAVMAN bilong Papua Niugini nau i bungim hevi long mani i sot long mekim ol wok bilong em.

Sapos ol bikman i no stretim dispela hevi namel long sispela na 12-pela mun, ol liklik bisman long kantri bai kisim taim. Hevi ya tu bai i rausim planti ol grasrut long wok.

Joshua Kalinoe, wanpela Ikonmik tisa long Yunivesiti bilong Papua Niugini i autim dispela tingting long taim em i glasim ol hevi long mani i sot gavman bilong kantri tude i bungim.

Em i tok hevi i no go bikpela yet long dispela taim. Tasol sapos fainens dipatmen i no stretim hariap hevi ya, ol samting bai go nogut olgeta.

Planti ol liklik bisnis i save mekim ol wok kontrak bilong gavman. Bikos long hevi we i stap nau, gavman bai i pinisim ol wok kontrak wantaim ol. Na i min olsem ol kesuel woka, ol klina, ol sekyuriti na ol draiva, ol kapenta, plama na ol narapela grasrut lain bai i nogat wok, Mista Kalinoe i tok.

"Long taim ol liklik bisnis i no kisim mani i kam long gavman long ol wok kontrak ol i mekim, ol bai i no inap long peim ol wokman bilong ol. Na dispela bai i mekim hevi long nogat wok long kantri i go antap moa," em i tok.

Ikonomi bilong kantri bai i go daun sapos gavman i no mekim samting hariap long stretim hevi.

Stat yet long las potnait sampela wokman bilong gavman, ol kesuel woka wantaim sampela gavman dipatmen i no kisim potnait pe bilong ol.

Wantok i kisim tingting long sampela wokman long egrikaisa dipatmen long Mosbi.

Benjamin Aipa i wanpela kesul leba wantaim dipatmen. Em i holim dispela wok long faivpela yia. Em i marit na em i gat faivpela pikinini. Stat yet long las wik Fraide, em na narapela 13 wanwok bilong em i no kisim potnait pe bilong ol.

Taim ol i painim olsem dispela hevi i kamap, ol i lukim bos bilong ol. Na em i salim ol i go long pe masta.

Man ya i tokim ol long lukim em long Tunde. Long Tunde 1 kilok apinun, ol lukim gen pe masta. Ol wokman husat i save kisim kes mani tasol i kisim pe bilong ol. Na ol dispela husat pe bilong ol i save go long pasbuk i noga. Ol tokim ol long wet pastaim bikos ol bai stretim pe bilong ol long ol akaun long beng.

Mista Aipa i tok ol wokman i belhat tru long bos bilong ol long dispela samting i kamap. Tasol nau ol i luk-save olsem gavman yet i as long ol hevi.

Em i tok ol wokman i kisim taim stret taim ol no kisim pe bilong ol. Bikos planti bilong ol i dinau long ol hauslain bilong ol. Na tu long kaikai long ol iaka stoa.

Em na ol lain bilong em i kros tru na ol tok ol bai i bungim praim minista sapos ol no kisim pe bilong bipo long dispela wik i pinis.


Long nau, ol politisen na ol arapela bikman i no tokaut klia husat tru i as long dispela hevi na ikonomi bilong kantri. Mista Kalinoe i sutim tok long gavman long dispela hevi.

Ol politisen i save suvim tumas het bilong ol long ol disisen bilong katim mani, Mista Kalinoe i tok.

Pasin we gavman i yusim mani long displa taim i no gutpela. Bikos em i wok long katim bikpela hap mani long stretim ol bikpela hevi olsem trabel long Bogenvil. Em i givim eksampel long bikpela hap mani we gavman i yusim long peim ol soldia husat i wok long Bogenvil.

Beng bilong PNG i ripotim olsem stat yet long yia 1989, dinau bilong gavman i stat long K65 milien na go antap long K273 milien long 1993. Na nau, ol i ting mak i go antap moa na i stap namel long K300 na K350 milien.

Mista Kalinoe i tok sapos ol i lukautim gut mani na plenim gut wanem ol samting i mas stap antap na ol bai katim mani long ol, em bai orait. gavman i gat bikpela dinau tumas bikos em wok long yusim bikpela moa mani winim mani we em i ken pulim i kam. Na as tru bilong hevi em pasin bilong kipim rekot long ol samting we ol i yusim mani long en.



• Masket langalio

### GODFRIED YASSAFAR i raitim

BIHAINIM ol toktok we em yet i bin tokaut long dispela mun, na tu ol arapela toktok i kamap long gavman i nogat mani, Fainens minista Masket langalio i tokaut olsem em bai mekim olgeta samting long lukim olsem gavman i no bungim bikpela hevi bipo long dispela yia i pinis.

Mista langalio i tokaut tu olsem em bai mekim wok long lukim olsem i gat mani i redi, na stap long spenim bihainim ol wok kamap bipo long mani plen bilong dispela yia i pinis.

Mista langalio i tok bihain long gavman i bin pasim baset bilong dispela yia long las yia, gavman i bin putim kamap tu wanpela liklik baset. Mani bilong dispela liklik baset em K1,579 milien. Em i tok sapos olgeta han

bilong gavman i spenim gut mani long gutpela na stretpela rot, sampela bilong dispela mani bai stap yet bipo long pinis bilong dispela yia.

Fainens minista i tok gavman bai stretim ol samting long lukim olsem em i baim ol oganaisesen long bisnis na praiwet sekta we gavman i gat dinau long ol. Em i tok gavman i baim pinis K50 milien i go long ol bisnis na praiwet sekta we gavman i gat dinau long ol.

Em i tok long gutpela bilong ol pipel bilong Papua Niugini, na tu long ekonomi bilong dispela kantri, gavman i mas putim kamap sampela strongpela lo long pasin bilong spenim mani. Em i tok strongpela lo bilong spenim mani inap long pinis bilong dispela yia, na tu long narapela yia (1995).

Em i tok i tru olsem i bin gat

sampela hevi we sampela wokman meri bilong gavman i no kisim potnait mani bilong ol hariap. Tasol dispela hevi, Mista langalio i tok, i no min olsem gavman i nogat mani long baim ol wokman meri bilong en. Nogat. Dispela hevi kamap bikos ol seketeri bilong wan wan gavman dipatmen, na tu long ol provinsal dipatmen i no stretim gut ol samting. Eksampelwanem ol pablik sevan i kam aninit long lukaut bilong nesanel gavman.

"Mi laik tokim olgeta wokman meri bilong gavman insait long kantri olsem mi bai traim long mekim wok, na stretim ol samting long stretim dispela hevi. Na yupela olgeta wokmanmeri bilong gavman long ol taim i kam bihain, i mas kisim potnait mani bilong yupela long taim yupela i mas long kisim," Minista langalio i tok.

Em i tok hevi nau gavman i bungim, i no stat long dispela yia. Dispela hevi bin stat long ol yia i go pinis. Na i wok long hip i kam inap long dispela yia. Na i kamap ples klia. Tasol dispela i no min olsem gavmani sot long mani o ekonomi bilong kantri i bungim bikpela hevi.

Tasol em i tok olsem gavman bilong olpela Praim Minista Rabbie Namaliu i as bilong dispela hevi. Bikos gavman bilong Mista Namaliu i no bin stretim ol samting bihain long hevi long Bogenvil. Na tu taim hevi long Bogenvil i pasim bikpela Pangu-na gol na kopa main.

Na tu gavman bilong Mista Namaliu i no bin stretim hevi bilong prais bilong ol kes krop olsem kopi long Hailans rijon, na kakao na kopra long Niugini ailan rijon.

# Is Sepik dipatmen bai stapim ol leba wokman - nogat mani

STAT long narapela wik Fraide, Septemba 2, bihain long ol i kisim potnait mani, ol leba wokman meri (klina na draiva) long Dipatmen bilong Is Sepik bai no inap i go moa long wok.

Long wanem, Dipatmen Bilong Is Sepik i bungim hevi bilong nogat mani. Olsem na em i no inap long baim ol kesuel wokman meri sapos dipatmen i holim ol i stap yet long wok.

Long sevim mani na tu long lukim olsem dispela hevi no kamap bikpela, Seketeri bilong Dipatmen bilong Is Sepik, Bella Seiloni long dispela wik i putim aut wanpela toksave.

Insait long dispela toksave, Mista Seiloni tokim olgeta asisten seketeri long wan wan divisen long rausim ol leba wokman meri olsem klina na draiva.

Wanpela sinia pablik sevan insait long Dipatmen bilong Is Sepik i tokaut olsem hevi bilong dipatmen i nogat mani bai no inap rausim ol leba wokmanmeri tasol long wok. Dispela hevi bai kamap tu long ol provinsal pablik sevan. Long wanem, Dipatmen bilong Is Sepik i gat ol nesanel na provinsal pablik sevan.

Ol nesanel pablik sevan insait long provins, dispela sinia pablik sevan i tok, nesanel gavman i save baim ol. Na ol

provinsal pablik sevan em provinsal gavman i save baim ol.

Dispela sinia pablik sevan i tok ol provinsal politisien na ol leba wokman meri, provinsal gavman i save baim ol long mani provinsal gavman i kisim aninit long provinsal sels takis.

Dispela i min olsem sapos hevi bilong nogat mani kamap bikpela tru, Dipatmen Bilong Is Sepik bai rausim sampela provinsal pablik sevan. Bikos provinsal gavman bai painim hat long holim ol i stap long wok na baim ol. Sapos dipatmen i laik holim ol i stap yet long wok, Mista Seiloni mas paitim toktok wantaim ol bikman long

Fainens dipatmen long hetkwata long Mosbi. Na askim

long Wewak long givim tok orait i go long provinsal Fainens dipatmen long holim ol provinsal pablik sevan i stap long wok. Na dipatmen i ken baim ol. Maski provinsal gavman i nogat inap mani long akaun bilong en wantaim PNGBC.

Sapos dispela samting i kamap, provinsal gavman bai gat dinau long PNGBC. Olsem na taim provinsal gavman i gat inap mani insait long akaun bilong en, PNGBC bai rausim mak bilong mani provinsal gavman i nogat long akaun tasol i baim ol provinsal pablik sevan.



**WANTOK**

NIUSPEPA BILONG OL PAPUA NIUGINI STRET

**Ol pipel mas stap paslain olgeta taim**

Mun Ogas klostu bai pinis nau. Tasol tripela bikpela hevi bai no inap pinis. Ol bai stap yet taim mun Septemba i kamap. Dispela tripela hevi ya em (1) hevi namel long wokmanmeri bilong Pos na Telekomyunikesen (PTC) na menesmen bilong en, (2) hevi bilong toktok bilong gavman i sot long mani na (3) hevi namel long ol wokmanmeri bilong Papua Niugini Benking Koporesen (PNGBC) na menesmen bilong en.

Dispela tripela hevi karamapim olgeta pipel insait long kantri. Na ol pipel i ken bungim bikpela hevi moa sapos dispela tripela hevi no pinis hariap. Sapos gavman i sot long mani, kantri bai no inap ran gut. Ol pipel bai no inap kisim gutpela sevis.

PTC na PNGBC tupela i kam aninit long gavman. Sapos hevi bilong tupela institusen ya i go nogut olgeta, dispela bai bagarapim rot bilong gavman long kisim mani bilong en.

Em i moa gutpela nau long gavman i mas tingim ol pipel na painim gutpela na stretpela rot long stretim tripela hevi wantaim. Stretim na pinisim olgeta na kamapim bel isi namel long tripela institusen wantaim na ol pipel.

Sapos gavman i no mekim wanpela gutpela samting, ol pipel bai kisim bikpela taim stret. Bikos gavman yet, PTC na PNGBC i stap long givim sevis i go long ol pipel.

**Hevi bilong spak brus kisim nau ol yangpela**

**YAKAM KELO i raitim**

HEVI bilong spak brus i kisim pinis ol yangpela stat long 7-pela krismas i go antap long ol bikpela manmeri. Dispela em ripot bilong Simon Yanis, komiti memba bilong NCD Nakotiks komiti long Drag Awenes Kempen long Yunivesiti long Trinde, aste.

Mista Yanis i tok ol manki krismas bilong ol long 7 i go antap tu i wok long kisim spak brus (mariwana). Na dispela i kamap bikpela hevi nau long Papua Niugini.

Olsem na sapos dispela pasin bilong kisim spak brus i go bikpela long bihain, bai yumi gat ol man bilong kisim dispela kain smok i draivim PMV bas, balus, sip o insait long gavman opis na tu long ol arapela wok, Mista Yanis i tok.

Em i tok dispela hevi i kamapim planti hevi moa insait long famili laip. Na tu i bagarapim gutpela sindaun na wokabaut bilong olgeta manmeri insait long dispela kantri.

**Olpela palamen**

**membra indai**

PLANTI lida long kantri i salim pinis tok sori blong ol i go long famili blong wanpela olpela memba bilong Palamen, Oscar Tammur.

Mista Tammur i bin wanpela olpela memba blong Kokopo. Na i bin dai long Nonga haus sik long Sande.

Mista Tammur i bin stap long ami. Na tu em i wok olsem wanpela tisa bihain tasol long em i kamap wanpela memba blong Haus Ov Asembli long 1968.

Mista Tamur wantaim Sir John Kaputin na Damien Kereku i bin go pas long Mataungan Asosiesen, we ol i kirapim sampela bikpela wok i makim ol pipel long kamap papa blong ol graun, na ol narapela samting.

**Nupela Mis PNG**

WANPELA yangpela meri Wes Nu Briten i winim taitel olsem Mis PNG. Nem bilong meri ya em Tania Doyle wantaim 19 krismas.

Mis Doyle em i wanpela apkas bilong Wes Nu Briten. Mama bilong em i bilong Witu Ailan inait long Wes Nu Briten. Na papa bilong em i wanpela apkas waitman bilong Skotland na Ailan. Mama i karim em long Wes Nu Briten. Na nau em i wok olsem plantesen manesa long Walindi.

Famili bilong Mis Doyle i gat sispela pikinini. Na Doyle i kamap namba tu long famili.

Ol jas i tokaut long husat tru i winim resis long kamap olsem Mis PNG insait long wanpela seremoni long las wik Sarere nait long Islander Travelodge

Felix Oltomo, Nesenel Kodineta bilong Drag Awenes Kempen i tok dispela pasin i wok long kamap bikpela. Na hevi bilong em insait long komyuniti tu i wok long go bikpela taim.

Mista Oltomo i tok rekot bilong ol i luksave olsem planti pasin raskol nau i wok long kamap insait long kantri i. Bikos long pasin bilong kisim spak brus. Planti ol bikpela sas bilong kilim na i dai i kamap bihainim dispela samting.

Mista Oltomo i tok spak brus bilong Papua Niugini (mariwana) i go pinis long planti bikpela kantri, na ol i save kolim 'Niugini Gol'. Bikos kik bilong em i moa winim spak brus bilong planti arapela kantri.

Tasol em i givim tok lukaut olsem ol manmeri husat i save kisim dispela samting i mas go sekim ol yet long haus sik nau. Bikos nogut ol bai i no inap kamap papa o mama taim ol i marit. Dispela samting insait long spak brus i gat wanpela strong marasin we i ken bagarapim bodi bilong man o meri long i no inap kamapim pikinini long bihain.

Narapela hevi tu em spak brus i save kilim indai gutpela save na tingting bilong man long mekim samting.

**Pangu komiti askim long senisim gavman**

OL komiti bilong Pangu Pati i askim memba bilong ol insait long Oposisen long strong na senisim dispela gavman bilong Wingti na Chan.

Wanpela Pangu komiti lida insait long Mosbi, Martin Bavo i tok dispela gavman i mas senis. Bikos long lukluk bilong ol pipel nau, planti samting i bagarap pinis.

Mista Bavo i tok long las mun i kam nau, dispela kantri i no gat wanpela gutpela kaikai long bel bilong em. Em i min olsem dispela gavman i bagarapim mani bilong kantri. Na ol samting ol pipel i sot long mani long baim ol samting ol i sot long en.

Mista Bavo i tok sapos dispela gavman bilong Praim Minista Paras Wingti i stap yet, bai ol manmeri i krai long hangre. Bikos bai no gat mani na moa hevi bai kamap insait long kantri we sindaun bilong ol manmeri bai no gut olgeta.

Komiti ya i skelim olsem nau ol pablik sevan i wok long toktok planti long pe bilong ol, ol manmeri i wok long kisim bagarap long bikpela wara we i bagarapim ol gaden kaikai. Tasol bai no gat inap mani long helpim ol. Gavman i promis long givim K1.3 milien long stretim rot long Lae siti. Tasol i no gat mani yet long dispela. Na planti arapela hevi moa we i nogat mani yet long stretim.



• Mis Doyle husat sindaun long raithan.

hotel, Mosbi. Sevenpela meri husat i stap long resis i kamapim mani inap long K157,000. Mani ya bai go long helpim PNG Red Kros Sosaiti long go hetim ol wok marimari bilong em insait long kantri. Hap tok Mis Doyle i mekim taim em i win em "long mekim gut olgeta samting long helpim kantri i apim nem taim mi holim taitel olsem Mis PNG."

**langalio hatim PNGTUC seketeri**

**GODFRIED YASSAFAR i raitim**

MINISTA Bilong Fainens na Plening, Masket langalio i askim nau Jenerel Seketeri bilong Papua Niugini Tred Yunien Kongres (PNGTUC), John Paska long raitim na givim em evidens long strongim ol toktok we em i mekim long PNGBC.

Mista Paska long las wik Fraide i bin askim gavman long putim kamap wanpela wok sekap long PNGBC. Dispela em long sekim wok na rot menesmen bilong PNGBC i ranim beng.

Mista Paska i tok tu olsem PNGBC wok long rausim nem bilong ol manmeri. Na oge naisesin long lista bilong en husat i gat dinau long bekim. Na i no tok orait long aplikesin bilong ol manmeri husat i aplai long kisim mak bilong mani inap long K500 i go inap long K1000.

Mista langalio i tok olsem toktok bilong Mista Paska em i bikpela samting. Bikos em i egensim wok bilong menesmen bilong wanpela gavman institusen. Olsem na long strongim toktok bilong em, na tu

long soim olsem ol toktok bilong em i trupela na stretpela, Mista Paska i mas raitim ol evidens na givim i go long em (langalio).

Em i tok olsem minista husat i lukautim PNGBC, em bai amamas tasol long kisim ol komplek. Na em i ken paitim toktok na skelim ol dispela komplek wantaim ol lain long dipatmen bilong em. Na bihain givim dispela ol komplek i go long atoriti olsem Odita Jenerel long glasim na sekim.

"Jenerel Seketeri bilong PNGTUC i wok long pilai politik. Ol toktok bilong em i no makim ol wokman meri bilong PNGBC na ol tred yunien. Em i mekim ol dispela toktok long helpim ol lain i stap long Oposisen. Bikos ol i laik yusim beng bilong ol pipel na kantri olsem wanpela politik bal," Mista langalio i tok.

Em i tok Mista Paska i mas tokaut olsem em i wanpela politikel kendidet. Pastaim long em i traim long bagarapim na daunim wok bilong ol nesenel institusen olsem PNGBC. Bikos dispela beng i gat ol gutpela wokman meri husat i gat bikpela save long mekim wok.

**WANTOK**

NIUSPEPA BILONG OL PAPUA NIUGINI STRET

P.O. Box 1982 BOROKO  
Telepon Namba: 25 2500  
Feks Namba: 25 2579

**PE BILONG WANPELA YIA 52 NIUSPEPA**

PLES	AIR.
Mosbi	K30.00
Arapela PNG eria	K60.00
Australia na Nu Silan	K92.00
Esia pasifik na Japan	K123.00
Amerika na Yurop	K180.00



# Timba wok long Angoram Turubu eria bungim hevi

## GODFRIED YASSAFAR i raitim

OL wok kamap bilong loging operesen long Angoram/Turubu eria insait long Is Sepik provins i wok long go het. Tasol i gat tupela hevi tu i wok long kamap bihainim dispela loging operesen.

Dispela tupela hevi ya-wanpela i stap namel long ol papagraun na arapela i stap namel long papagraun kampani, Lanco na Sepik Riva Developmen Koporesen (SRDC). SRDC i go pas long ol papagraun na papagraun kampani long bringim divelopa kampani, Hyebridge bilong Saina i go insait long Angoram/Turubu eria long katim diwai.

Dispela hevi namel long ol papagraun i olsem sampela i laikim loging operesen i mas kamap long eria bilong ol. Na ol arapela i

no laikim dispela wok i kamap.

Ol lain husat i laikim loging operesen i mas kamap em ol papagraun bilong ples Kaup na Wandumi long hap bilong Angoram distrik. Na ol lain husat i no laikim em ol papagraun bilong ples Samap na Wau long Turubu.

Hevi namel long papagraun kampani, Lanco na SRDC i olsem Angoram/Turubu timba projek i stap aninit long Lowa Sepik Lokol Fores Eria (LSLFA). Olsem na SRDC i nogat rait long bringim wanpela divelopa kampani go insait long LSLFA long karim aut wok bilong katim diwai. Lanco i sapos long go pas long mekim dispela samting.

Ol dispela toktok i stap insait long wanpela ripot *Wantok* i kisim long Wewak.

Bihainim dispela tupela hevi, ol papagraun bilong

Angoram/Turubu timba projek eria i bin bung na holim wanpela miting. Insait long dispela miting, ol papagraun husat i no laikim wok bilong katim diwai kamap long eria bilong ol, i paitim toktok na tok orait long kisim dispela timba projek i go long kot. Bikos ol i tokaut olsem: (1) SRDC i no bin bihainim stretpela rot long sainim agrimen wantaim ol, (2) stapim dispela timba projek long go het, (3) olpela divelopa kampani Mosko Lumber i mas baim kompensesen long bagarapim envairomen long 1990 na 1991.

Long sait bilong SRDC i no bihainim stretpela rot long kisim ol papagraun long sainim agrimen, ol i tok long 1989 SRDC i kisim ol klen lida tasol i go long Wewak taun na askim ol long sainim agrimen. SRDC i no bin bungim olgeta papagraun na tok klia long ol

long wok kamap bilong dispela timba projek. Ol i tok tu olsem ol i no lukim na ritim tupela samting-diling agrimen na loging/maketing agrimen.

Wanpela arapela ripot *Wantok* i kisim long Provinsal Fores opis long Wewak i tok ol provinsal forestri opisa i no bin save olsem SRDC i sainim agrimen namba wan taim wantaim ol papagraun long 1989. Na bai bringim olpela divelopa kampani Mosko Lumber i go insait long Angoram/Turubu eria.

Ripot ya i tok Provinsal Fores opis i no save tu long woking (wok) na envairomental plen bilong olpela divelopa kampani na tu bilong nupela divelopa kampani-Hyebridge.

Angoram/Turubu timba projek, dispela ripot i tok, i bungim hevi long stat bilong ol wok kamap

bikos SRDC i no bin bihainim stretpela rot long sainim agrimen taim em i laik bringim olpela divelopa kampani go insait long dispela timba projek eria.

"Mipela i no bin save long dispela timba projek. Mipela i no bin save olsem SRDC bai bringim divelopa kampani go insait long Angoram/Turubu eria. Mipela i save long dispela timba projek bihain tasol long ol lain long hetk-wata long Mosbi sainim agrimen long 1989," dispela ripot bilong Provinsal Fores opis i tok.

Ripot ya i tok moa olsem: I tru olsem dispela timba projek i kam aninit long Lokol Fores Eria (LFA). Dispela i min olsem ol papagraun na papagraun kampani ken kisim divelopa kampani long divelopim dispela timba projek. Tasol long abrusim hevi na ol arapela samting, Provinsal Fores opis i mas save long dispela samting.

## Nogat moa niuspepa long ol trefik lait

### EMILY MATASORORO i raitim

LONG pinis bilong mun Ogas, bai ol manki i no inap salim moa niuspepa long ol trefik strit lait insait long Nesenel Kepitel Distrik.

Dispela em long ol tripela trefik lait long Taurama, Foa Mail na faiv Mail. Tasol ol rita i ken kisim niuspepa long ol nupela hap em ol manki bai salim.

Ol manki bai salim niuspepa nau long ol bas stap, petrol stesin, ol supamakot na ol nius ajensi, husat save salim gut niuspepa.

Sauten Rijonal Komanda Asisten Komisina Philip Taku i tok i gat tambu long salim niuspepa long trefik lait bikos long tripela as. Bikos ol manki stapim ol ka long i go i kam. Na tu ol manki i ken kisim bagarap.

Em i tok plis i bin kisim planti komplek long ol manki salim niuspepa long trefik lait. Olsem na dispela senis i kamap.

Metropolitan Superintenden Joseph Kupo i tok, "I gat ripot we ka i

pamim ol manki salim niuspepa, o ol manki kisim bagarap. Sampela taim ol manki save resis long salim niuspepa. Mekim na dispela save pretim stret sampela draiva long pamim ol manki," Em i tok ol plis bai sekim long lukim olsem ol manki noken salim moa niuspepa long ol trefik lait.

Jenerel Menesa bilong Word Publishing kampani, Ian Fry i luk-save long wanem as na plis i mekim olsem.

Em i tok i tru olsem ol manki i givim hat taim liklik long ol ka.

## 439 Morobe pipel bungim birua

### SAMSON BONAI i raitim

MOA long 439 manmeri i lusim haus bilong ol insait long bikpela bagarap bilong ren, na wara long Wau na Bulolo eria long las wik i kam.

Man i go pas long stretim ol samting insait long dispela bagarap long Bulolo, Deputi Seketeri bilong Morobe provins, Manasupe Zurenuoc, i tok Morobe Disasta na Imejensi i gat liklik pawa long lukautim ol manmeri long dispela bagarap. Tasol sapos ren i pundaun moa, na moa man i kisim bagarap yet, bai grup bilong em i ken bungim hevi.

Insait long wok painimaut long ol bagarap ya, no gat wanpela man i lusim laip bilong em tasol ol kaikai long gaden tasol i bagarap olgeta long bikpela wara.

Wara i tait na go insait long Karanas kompaun, simen bris na Niukem eria we samting olsem 90 haus i go daun long wara.

Provinsal Disasta na Imejensi grup i bungim ol manmeri long tupela grup insait long Bulolo na Woks i wok long mekim bikpela wok long ronim wara i go long narapela sait.

Dispela hevi i kamap bihain long bikpela ren i stat pundaun long Wau, Bulolo na Watut eria we wara i tait na go insait na bagarapim ol haus na kaikai bilong ol manmeri.

Mista Zurenuoc i mekim bikpela tok amamas tru i go long ol lain bilong Bulolo Fores Prodak long givim helpim long ol manmeri husat i kisim bagarap long ol dispela bagarap.

Pasifik Helikopta tu i wok long karim ol manmeri long narapela sait bilong wara i go insait long Bulolo taun.



**Wewak long poto • (antap) -** Praim Minista Paias Wingti (fran-sindaun namba 5 long raithan) wantaim Helt Minista Francis Koimanrea (fran-sindaun namba tri long raithan) i bung wantaim ol nupela bod bilong Boram jenerel haus sik.

• (raithan) - Nupela ka bilong Iektorel Komisen opis long Wewak i pam antap long Kreer Heights. Ol poto: FUZO PAUL.



## NEC saspensim Taureka Nogat save yet long Disisen bilong Oposisen vs Wingti kot

KABINET i tokorait pinis long saspensim bilong Menesing Dairekta bilong Pos na Telekomunikesen Isikeli Taureka long aste (Trine) apinun.

Bod bilong PTC i bin saspensim Mista Taureka long las wik bihainim sampela toktok we i tok olsem Mista Taureka i no mekim gut wok bilong em long ranim PTC.

Minista Bilong Infomesin na Komyunikesen, Martin Thompson i tokaut olsem i gat gutpela as na PTC bod i saspensim Mista Taureka long wok.

Mista Thompson i tok Mista Taureka bai stap yet long saspensim inap ol i putim kamap wanpela komiti long sekim ol toktok bilong em (Taureka) i no karim aut wok bilong em gut. Dispela komiti bai sekim tu wok bilong Postal Sevis jenerel menesa John Wagambie na Telekomunikesen jenerel menesa Stan Basiou.

NARAPELA bung bilong palamen bai stat long Tunde Ogas 30 apinun neks wik. Na wanpela bikpela samting i mas kamap pastaim bipo bung i stat.

Em ol pipel long kantri i mas save long fainal disisen bilong kot we oposisen lida Chris Haiveta i kisim Praim Minista Paias Wingti i go long kot long samting we i kamap long Septemba 23 na 24 las yia, we Mista Wingti i risain olsem praim minista bilong kantri long Septemba 23 na kisim bek wok hariap long

neks de, Septemba 24.

Oposisen i bilip strong olsem Mista Wingti i no bihainim stretpela pasin long kisim bek wok. Na ol i kisim em i go long kot. Long Ogas 9 na 10, Suprim Kot i harim ol loya bilong tupela sait i paitim toktok long makim tupela lida. Na Sief Jastis Arnold Amet i bin tok kot bai i givim fainal disisen bilong em long dispela samting bipo long Ogas 30.

Bikos Ogas 30 i kam klostu nau, planti pipel long kantri i laik save long disisen bilong

kot. Sapos sait bilong Mista Wingti i win, nogat senis bai kamap long gavman. Mista Wingti bai i stap yet olsem praim minista.

Tasol sapos kot i egensim gavman na oposisen i win, em bai narakain stori yet.

*Wantok* i kisim sampela toktok long Tunde olsem kot bai givim fainol disisen long dispela samting tude. Ripota i ringim sampela bikman long kisim trupela toktok long dispela samting. Na i painimaut olsem ol toktok ya i no tru.

Opis bilong oposisen i

tokaut olsem ol i harim dispela toktok tu long Tunde. Na taim ol i ringim kothaus aste, ol i tokim ol olsem samting ya i no tru. Bikos ol no kisim yet toktok na de we kot i givim fainol disisen bilong em long dispela samting.

Orait, *Wantok* tu i ringim ol lain long Nesenel Kot long Waigani na askim ol sapos ol gat save long dispela samting. Na wanpela mausman long opis bilong sief jastis i tokim em i no kisim wanpela toksave yet.

# TU MINIT TINGTING

## MAN BILONG MUMUTIM OL WARI

LONG olgeta biktaun i gat wanpela ples we ol manmeri i save bringim ol rabis samting ol i no moa laikim, na ol i save tromoi ol dispela samting i go. Long tok Inglis ol i kolim dispela ples wanpela "tip". Ples ya i pulap long olkain masin i bagarap pinis, na ol hap kapa, na ol emti botol, na ol emti tin, na ol hap ain i ros pinis, na ol sia tebol samting i bruk pinis. Na long dispela kain ples yumi inap painim tu ol mumutman na mumutmeri. Ol i save bungim ol dispela kain rabis samting na salim na winim wan toea bilong ol.

Orait, long wanpela de, wanpela lapun i holim wanpela kopra beg i kamap long "tip" na ol mumutman i askim em, "Yu save bungim wanem kain samting?" Na lapun i tok, "Mi save bungim wari bilong ol pipel." Ol i harim dispela na ol i kalap nogut. Orait, nau lapun i klaim ol long wok bilong em.

Em i tok olsem: "Olgeta man na meri i gat sampela wari na

pen na hevi na trabel i save krungut laip bilong ol, na ol i laik rausim ol dispela samting nogut i go long mi; mi save mumutim na bungim kain samting olsem. Orait ol i givim long mi, na nau ol i pilim gutpela; i olsem wanpela hevi i bin tekewe long bel bilong ol."

Ol mumutman i no klia yet long wok bilong dispela lapun. Nau wanpela i go stil long lapun na i askim em olsem wanem na em inap bungim wari bilong ol pipel. Nau lapun i lukim na i tokim em olsem, "Ating nau tasol yu yet yu gat wanpela liklik wari long laip bilong yu, laka? Orait nau yu autim dispela wari long mi. Na bai mi kisim na putim wantaim ol arapela wari long kopra beg bilong mi."

Nau man i askim, "Na olsem wanem na dispela bai helpim mi? Sapos mi autim wari bilong mi long yu, yu inap mekim em i go longwe?"

Lapun i tok, "Nogat. Tasol



FRANK MIHALIC i raitim

sapos yu autim wari, em i save slekim bel bilong yu, na yu bai pilim moabeta. Goan, yu traim nau."

Orait, nau man ya i autim wanpela wari bilong em. Lapun i sindaun na i putim yau tasol. Toktok i pinis, nau lapun i opim tupela han bilong em na i mekim olsem em i bungim ol wari insait

long tupela han. Nau em i kap-saitim ol i go daun insait long kopra beg bilong em. Nau em i tanim long man ya na i askim, "Na nau yu pilim olsem wanem?"

Man ya i tok, "Bel bilong mi i slek na i isi nau. Nau mi pilim olsem mi gat strong inap long daunim dispela wari bilong mi. Tru tumas, lapun, yu bin helpim mi."

Orait, i no longpela taim na nius bilong wok bilong dispela lapun i save mumutim ol wari na trabel na sore samting, i flai i go nabaut; na planti pipel i kam lukim em long olgeta de. Nau em i gat planti mumutim bisnis tumas. Em i no save toktok planti. Nogot. Em i save daunim het na putim yau tasol na ol pipel, bilong ol yet, i kirapim toktok.

Long wanpela de wanpela lapun meri, husat i krungut olgeta long hevi bilong olkain wari, i kam long lapun na i tok save

long em olsem: "Man! Asples tru bilong planti wari na olkain hevi em i biktaun tasol. Lapun, yu westim taim hia long dispela liklik ples nating. Moabeta yu go helpim ol pipel long biktaun."

Orait nau long biknait lapun ya i ranawe stil na i wokabaut i go long biktaun. Ol pipel i harim dispela na ol i bel nogut tru. Bihain liklik, bel bilong ol i kol gen na ol i kibung na i tok, "I tru, lapun i no moa stap namel long yumi. Tasol em i bin skulim yumi gut. Yumi yet, yumi wan wan, yumi inap skruim wok bilong em i go. Mi inap bungim ol wari bilong yu; na yu inap bungim ol wari bilong mi. Na olsem tasol na yumi inap pinisim ol wari bilong yumi."

Bihain toktok na kibung i pinis, wanpela yangpela man i sanap long ai bilong ol na i tok, "Hia long ples yumi no gat planti wari moa. Mi laik go long biktaun na helpim lapun long wok bilong em long putim yau tasol na mumutim wari bilong ol pipel. Mi mas painim wanpela emti kopra beg tasol bilong pulimapim ol."

# Bisop Zurenuoc bilong ELC-PNG indai pinis

VERONICA HATUTASI i raitim

WANPELA sios lida bilong Evanjelikal Luteran Sios long Papua Niugini (ELC-PNG) i dai long las wik.


Man ya em Bisop Zurewe Zurenuoc. Em i gat 74 krismas taim em i dai long las wiken Sarere. Em i dai long Braun helt senta long Satelberg eria long Finsafen, bihain long em i sik long sampela taim.

Em i lusim meri bilong em, faivpela pikinini na 15 tumbuna. Wanpela pikinini man bilong em i bikman long gavman. Em Guao Zurenuoc, husat i holim wok olsem seketeri bilong trenspot wantaim Dipatmen bilong Marin na Trenspot.

Bisop Zurenuoc i bilong liklik ples Buckesuc insait long Satelberg eria long Finsafen, Morobe provins.

Long yia 1973, em bin kamap olsem namba wan asples bisop long kantri insait long Luteran Sios long PNG. Em i wok olsem seketeri bilong sios long Luteran Sios het opis long Ampo, Lae long planti yia.

Em tasol i as long strongim wokbung bilong Luterans Sios long kantri. Na kamapim nem olsem Evanjelikal Luteran Sios long PNG. Ol sios memba long Madang, Finsafen, Hailans rijon na Menyamyia i bung wantaim na fomim sios we yumi nau kolim



Sir Zurenuoc long Ampo het opis.

ELC-PNG. Long nau, i gat moa long 800,000 sios memba long kantri. Em i wanpela long ol lain husat i kirapim Melanesian Kausil bilong ol Sios, bihain oli senisim nem i go long Papua Niugini Kausil bilong Sios.

Long bikpela na gutpela wok Bisop Zurenuoc i mekim long sios na sosaiti, kwin i givim luksave long en. Na givim em medal i makim em olsem memba long Oda bilong Britis Empaia (OBE).

Long 1982, em i ritia o malolo long wok bilong em. Na em i go sindaun long asples misin stesin bilong em long Satelberg sekot. Long hap, em i kirapim wanpela komyuniti voluntia sevis, we em i go pas long en inap long em i dai las wiken.

Deputi Prais Minista na Foren Afeas na Tred Minista, Sir Julius Chan i salim bikpela toksore bilong em long



Bisop Sir Zurewe Zurenuoc i wok wantaim ol yut long wanpela projek.

famili bilong Bisop Zurenuoc.

Em tok em save gut long bisop long planti gutpela wok em i bin mekim long sevim ol pipel bilong dispela

kantri olsem wanpela sios lida.

Ol bai planim bodi bilong bisop long asples bilong em long Satelberg long dispela Sarere, Ogas 27.

## LWF laik kirapim Asia rijonal opis

SANANG ZAZORING i raitim

LUTERAN Wol Federesen (LWF) hetkwata long Geneva, Swisilan i gat tingting long kamapim Asia rijonal opis insait long wanpela long ol Asia kantri.

Bung bilong olgeta Luteran Sios lida makim 106 LWF memba sios i bin kamap long Geneva, Swisilan, long Jun, 1994. Bung iu lukluk long planti senis insait long Luteran Sios long wol.

Mekim Evanjelikal Luteran Sios bilong Papua Niugini long bung ya em Het Bisop Getake Gam. Bung i toktok long planti samting insait long dispela sios lida bung aninit long het tok, "Luteran Communion World Wide". Dispela em long strongim wok bung na poroman namel long olgeta Luteran Sios memba, na stap bung wantaim aninit long wanpela nem.

## Save bringim resis, griti na pait pasin

EDDIE SAUNDERS i raitim

LONG Julai 30, ol Katolik studen bilong Yunivesiti ov Papua Niugini long Waigani, Mosbi i bin holim wanpela bung lotu long namba wan taim. Planti manmeri na pikinini long siti i kamap tu long lotu ya.

Pater Martin Tovagira, Katolik Saplin bilong UPNG, i bin go pas long lotu. Pater Martin i tokaut long lotu olsem em i de bilong holi spirit. Na ol manmeri i mas tanim bel. Bikos wantaim dispela holi spirit, ol pipel i mas sanap strong namel long

hevi bilong graun, em kain kain senis i bringim i kam insait long kantri tude.

Pater Martin i tok planti saveman wok long kam aut long yunivesiti. Na dispela save i wok long bringim resis, griti na pait pasin namel long manmeri na sosaiti bilong mipela.

Em i tok mipela mas luksave olsem save i gat papa bilong en. Em God na save em spirit bilong tingting. Na save i ken bagarapim sindaun sapos mipela i no yusim gut.

Em i tok long gutpela sindaun, mipela mas i gat Jesus na holi spirit insait long mipela.

## Hahela peris tingim Santu Maria

LONG makim pestede bilong Santu Maria i go long heven (ol i kolim Not Solomons Our lady of the Assumption long tok Inglis), ol kristen manmeri long Hahela, peris i wokim bikpela lotu na kamapim tu ol pilai long Sande Ogas 14.

Plantu grup insait long Hahela peris, na tu long ol arapela peris

olsem Gagan na Hangan i stap long resis ya we ol i kamapim ol singsing kwaia resis, ol Solomon danis na string beu singsing.

Lagibut miks kwaia i kisim namba wan prais taim Sohano miks i kisim namba tu prais.

Ol jas i bin gat hat taim long skelim ol kwaia resis. Na makim

husat tru i win na kamap namba wan, tu na tri. Bikos planti grup i kamap gut tru.

Olsem tupela kwaia grup bilong Gagan na Hangan i kisim namba tu ples wantaim.

Long mekim dispela de i kamap gut moa yet, peris komiti i makim Pasis Wimens grup i kisim namaba wan prais.



• Ol studen bilong Holi Spirit semineri long Mosbi wokabaut long Kokoda Trail insait long wanpela wokaton bilong ol.

Wokabaut long Kokoda bungim tupela sios

WOKABAUT bihainim hap rot ol i kolim long Kokoda Trel we i karamapim Popondeta na Sentrel provins i gat mining long ol sumatin bilong Holi Spirit Seminari long Bomana ausait long Mosbi siti.

Namba wan long en em bilong tingim 50 yia bihain long Kokoda kempen o pait namel long ol soldia bilong Amerika, Australia, Nu Silan na Frans egensim ol soldia bilong Japan.

Narapela bikpela samting em long go hetim gutpela wokbung bilong tupela sios we i go het nau. Em long Katolik na Angliken Sios. Na las long en em long ol kristen manmeri long kantri i luksave olsem tupela sios ya i wok gut wantaim nau. Bikos tupela wantaim i gat planti samting long sios wok bilong tupela we i wankain namel long ol, sampela sumatin

bilong Angliken Sios i skul nau long Holi Spirit Seminari long Bomana. Katolik Sios i papa long dispela seminari long Bomana.

Pater Peter Moi husat i kamap pater bilong Angliken Sios las yia i bin kisim skul long Bomana. Long nau, tupela moa sumatin bilong Angliken Sios i skul long hap gen.

Presiden bilong koles na man husat i go pas long wokabaut bihainim hap rot bilong Kokoda Trel em Mark Mahe.

Em i tok 36 sumatin i bin stap insait long dispela wokabaut we ol i pinisim insait long tripela na hap de tasol. Ol makim tripela de tasol long ol i pinisim wokabaut, tasol ol i bungim bikpela ren long namba wan de inap long ol i pinisim wokabaut long las wiken Sarere.

Ol RI skul bai nau bihainim tumbuna pasin

EDDIE SAUNDERS i raitim

OLGETA Katolik RI tisa insait long kantri i bin kisim nupela kain kos long Lae. Kos ya i bin kamap long tupela las wik bilong mun Julai.

Tasol kos ya i narakain liklik. Bikos ol i bin lainim s.a.il bilong Afrika. Dispela em long givim skul long pasin bilong bihainim lotu.

Ol Katolik bisop insait long kantri ting em i gut-

pela skul kalenda na stail. Bikos Papua Niugini i gat sampela wankain kalsa o tumbuna pasin.

Ol saveman bilong RI insait long sios i redim dispela kos wantaim pasin tumbuna na kastom. Dispela em long mekim isi long ol manmeri, long skulim gut ol pikinini long lainim.

Planti RI tisa long kos ya i amamas tru. Ol i ken nau redim kos bilong ol yet. Bikos ol ken go bek na yusim save bilong ol wantaim eria o sosaiti ol i stap, lukluk long kastom, na hevi bilong ol, na traim kamap wantaim kos bilong ol yet.

Ol Katolik mama bai bung long Sept. 25

BIKPELA bung bilong Nesanel Katolik Wimens Federesen bai kamap long Mosbi long neks mun. Bung bai stat long Septemba 25 na pinis long de namba 30. Long wankain taim tu, Federesen bai amamasim 10-pela yia bilong em long las de bilong bung.

Samting olsem 2,000 meri i kam long 19 provins long kantri bai kamap long dispela bung. Ol bai makim daiosis bilong ol insait long ol provins.

Hettok long bung ya em " Gutpela Famili i

as long Kamapim Gutpela Kantri."

I gat foapela bikpela toktok we ol bai toktok long en long bung ya. Namba wan iong ol em: Ol sosel hevi we i karamapim sios na famili long dispela taim. Asbisop bilong Mosbi asdaiosis Sir Peter Kurongku bai toktok long dispela samting i go long ol meri. Ol hevi long pastoral sait we i karamapim famili em narapela toktok ol meri bai toktok long en. Paul Lokei, wanpela wokman long Katolik Komisen bilong Pis na

Jastis i toktok long ol meri long dispela samting.

Pater Michael Igo, husat i wanpela tisa long Holi Spirit seminari long Bomana bai toktok long ol hevi long bihainim gutpela pasin we i karamapim sios na famili long dispela taim. Na las long en em Sedo Atoni Jenerel na Memba bilong Wewak, Bernard Narokobi husat bai toktok long hevi bilong dispela graun we i karamapim sios na ol famili bilong tude.

Ol meri bai sindaun

na tilim tingiting long ol prea bung, glasim Baibel, na tu ol bai gat taim long pasim maus (ritrit).

Ol spika na ol risoses lain bai toktok wantaim ol meri long traim painim rot long daunim ol hevi we i karamapim sios na sindaun bilong famili tude.

Ol save holim dispela bung long wanpela taim long olgeta yia. Eksekutyutiv komiti bilong Federesen i save makim ples long holim bung.

**HILUX HERO 2.4D**

**Prais bilong draivim igo tasol!**

**K13,500**



★ Dispela prais i karamapim olgeta registresin na lokol Gavman takis nabaut. Diesel pawa ikam long Toyota ol lain isave wokim ol gutpela kar.

*Hilux Hero Diesel*  
*Hariap... Inoplanti*



PORT MORESBY : PH 229460 JAMES AGI-BRANCH MGR. PH 229441 TONY YOUNGMAN - SALES MGR. SALES REPRESENTATIVES PH 229400 • FAX 213703  
LAE : PH 422436 DES TURVILLE - BRANCH MGR. PH 425589 DENNIS REDDY - SALES MGR. SALES REPRESENTATIVES PH 422322 • FAX 422463  
RABAUL : PH 923228 RICHARD THURGOOD - BRANCH MGR. PH 921988 EXT:27 WESLEY KOPMAN - SALES MGR. SALES REPRESENTATIVES PH 921988 • FAX 921956

## Rasia laik sekim tred

GAVMAN bilong Rasia i laik kamapim sekyuiti bilong lukautim ol tred bihain long planti bisnisman bilong ovasis i mekim kisim bek mani long ol sea ol i baim insait long ol wok bisnis long Rasia.

Moa long 15 milion seaholda long ol wok bisnis insait long Rasia i laik kisim bek ol sea bilong taim ol i harim olsem Investmen Fan, MMM kampani bilong Rasia i laik salim olgeta nupela sea na baim bek olgeta olpela sea bikos long ol senis insait long takis.

Tasol ripot long Fainens Ministri na opis bilong takis i toh aut olsem MMM i no gat wanpela entaprais bilong bisnis na tu i no leysta long Fainens Ministri.

Dispela i min olsem gavman i no gat yet wanpela rot long helpim ol bisnisman insait i gat sea insait long MMM. Tasol planti investa ya i ting olsem wanem samting gavman i mekim bai i no inap kamap hariap na bikpela hevi bai bungim ol insait long maket bilong ol.

Tasol ol MMM kampani i putim planti tok-

save long televisen na tu ol i holim mas i go long rot na tokim ol manmeri long no ken pret nabaut bikos MMM i gat bikpela sea tru long wanpela bikpela Sevis Stesin bilong Rasia.

MMM woka i tok kampani i laik baim bek ol sea long pais olsem \$90 long wanwan sea.

Planti manmeri i sanap ausait long bikpela opis bilong

MMM long traim salim bek sea bilong ol bikos ol i ting MMM kampani i no gat mani nau long bekim bek mani bilong ol wantaim win moni. Ol i sanap ausait tasol bikpela dua bilong opis i pas inap tripela de.

Sampela i stat salim sea bilong ol long ol arapela husat ol i bungim long rot.

Wanpela seaholda i tok em i gat bilip long kampani olsem MMM

husat i wok long sanap strong long planti taim i kam. Wanpela man husat i bin baim 90,000 robel sea wantaim MMM Kampani.

Em i tok i gat tupela kain man. Wanpela i save putim olgeta mani bilong em i go insait long MMM sea na narapela i save laik pilai tasol wantaim mani olsem hap milion we i no bikpela samting tumas long ol.



A policeman calms the crowd outside MMM's headquarters — Reuters picture

# OL NIUS BILONG WANSOLWARA

## Vanuatu laik kirapim bikpela nesanel pak

**Vanuatu:** Vanuatu bai kirapim wanpela bikpela nesanel pak tru long lukautim ol diwai na plaua, ol kain abus na pisin samting bilong em. Dispela pak bai bikpela moa winim dispela we i stap pinis long ol arapela wansolwara kantri. Long kirapim dispela pak, ol i makim pinis hap graun we bikpela bilong em inap long 4,400 hekta long hap bilong Bik Be long ailan bilong Santo.

Environmen Yunit opisa, Russel Nari i tok ol i makim dispela eria long wok. Bikos hap ya i gat ol planti narapela kain diwai, pisin abus na wailap long en. Sampela abus na wailap ol i painim long hap i no stap long ol arapela hap long wol. Na sispela pisin i stap long dispela hap i no stap long narapela hap long wol tu.

Mani long kirapim dispela progrem bai kam long Saut Pasifik Baioadivesiti Konsevesen Progrem.

## Nupela buk long tokaut long hevi bilong pikinini

**Kwinslen:** Wanpela nupela buk we wanpela meri Australia i raitim i tokaut long ol hevi we ol tumbuna bilong ol wansolwara pikinini i bungim long laip bilong ol long Australia. Dispela em ol pikinini bilong ol lain long Vanuatu na Solomon Ailan, husat i stap nau long Kwinslen.

Ol lain long Kwinslen i bin kisim bubu bilong ol pikinini, na tumbuna husat i stap nau long Kwinslen long yia 1800 i kam long ol liklik ailan kantri long saut Pasifik. Em long wok long ol suga plantesin long hap.

Buk ya i tok ol lain tumbuna ya i no inap long kisim ol sosel sevis helpim olsem mani we ol lain Aborijini pipel long Australia i kisim. Long abrusim dispela na kisim helpim, ol tumbuna bilong wansolwara lain i hait long tokaut long ples klia long asples tru bilong ol.

Carol Gistitin i raitim kamap buk ya. Em i tokaut long ol taim nogut we wanpela long ol dispela komyuniti i bungim wantaim mani long sindaun na stap bilong ol.

## Man Samoa kalabus long 23 yia

**Samoa:** Wanpela man bilong Westen Samoa i go kalabus long 23 yias long kilim dai narapela man. Tasol em i no sindaun long kot i harim na skelim ol toktok. Nem bilong man ya em Jack Mataio Taleta. Em Plis tok em kilim dai Dan Kingzett long Februeri 11 1994 yia.

Samoa Nius i ripoti olsem Taleka i yesa long sispela bikpela asua pinis long kilim dai dispela man. Olsem na tupela loya bilong gavman na Taleka i pasim tok long salim em long kalabus wantaim nogat bikpela kot long en. Salim Taleka long kalabus i pinisim tambu ol i gat long putim aut nius long dispela kot.

Long tupela sait i tok orait long noken sindaun long kot na toktok long birua ya, ol i daunim sas bilong Taleka i go daun liklik. Em long go kalabus inap long 30 yia. Bikos dispela kain birua long kilim dai narapela man i save kisim sas long dai.

## Fiji i laik daunim namba long ol soldia long Midel Is

**Fiji:** Presiden bilong Fiji, Ratu Sir Kamisese Mara, bai toktok wantaim ol bos long Yunaited Nesens long traim daunim namba long ol soldia bilong em long Midel Is. Long nau, samting olsem 800 soldia bilong Fiji i helpim ol lain bilong Yunaited Nesens Pis Kiping fos long Midel Is. Sir Ratu bai i stap long Nu York, Amerika, hetkwata bilong Yunaited Nesens long taim em i mekim wanpela wokabaut i go long Lebanon na Sinai Peninsula long bungim ol soldia bilong em.

















Stat yet long 1967, ol soldia bilong Fiji i wok wantaim ol lain bilong Yunaited Nesens long lukautim gutpela sindaun long Midel Is. Long nau, UN i no baim yet samting olsem 16 milien Ameriken dola dinau mani i go long Fiji long ol sevis we ol soldia bilong em i mekim.

















## Yunaited Nesens man i kamap long Tonga


**Tonga:** Man husat i makim Australia, Nu Silan na ol liklik wansolwara kantri long wok bilong ol refuji long Yunaited Nesens i sat nau long Tonga. Em long toktok wantaim king bilong Tonga, ol gavman opisa na ol non gavman ogenaisesen long hap.

Ol bai toktok long hevi we ol lain refuji long wol i save bungim. Man ya em Pierre-Michel Fontane. Hevi long ol refuji i kamap wanpela bikpela samting long wol tude. Na UN Hai Komisen bilong ol Refuji i mekim bikpela wok long helpim ol wantaim kaikai, klos, marasin, ples long stap long en wantaim tu ol arapela plant samting moa we ol laikim.

Ol ripot i kam long PACNEWS



**10 WEEKLY DRAWS**  
**8:30 FRIDAY NIGHTS ON EM TV**  
**COMMENCING FRIDAY, JULY 29th**  
**UNTIL FRIDAY, SEPTEMBER 30th, 1994**

**HOW TO ENTER**

NAME: \_\_\_\_\_  
 ADDRESS: \_\_\_\_\_  
 TELEPHONE: \_\_\_\_\_ AGE: \_\_\_\_\_

SEND COMPLETED ENTRY FORM WITH 3 EMPTY 2-MINUTE NOODLES PACKETS IN A STANDARD SIZE ENVELOPE TO:

**MAGGI 2-MINUTE NOODLES**  
**K10 000 CASH SURPRISE**  
**PRIVATE MAIL BAG**  
**BOROKO NCD**

DRAWN UNDER POLICE SUPERVISION








## NATIONAL PROVIDENT FUND OF PAPUA NEW GUINEA

### B I P O


Ol Foto: kam long Nesenel Labren



Taim bipo, 1920. Tumbuna singsing na hamamas.

Long taim bipo insait long kantri bilong yumi, husat bai inap tingting long givim fainensol helpim long taim yu ritaia.

### N A U



Ol wokman bai putim olsem 5% (pesen) long gros pei bilong ol, na Kampani ol i wok long em bai putim 7% i go long NPF. Bai i gat interes long seavings bilong yu long pinis bilong wan wan yia.

### B I H A I N



SAPOS YU WANPELA MEMBA bilong National Provident Fund bilong Papua New Guinea, yu gat gutpela wei bilong sevim moni bilong famili bilong yu long bihaintaim.

# 300 wokman redi long kisim vot

## Morobe provinsal bai ileksen ripot

### YAKAM KELO i raitim

MOROBE Provinsal bai ileksen gat 300 wokman i redi pinis long go aut long kisim vot bilong ol manmeri insait long 6-pela konstituensi.

Ripot long Provinsal Ilektorel opis long Lae i tok bai ol opisa i go aut long Ogas 31 long holim vot. Na bai traim long pinisim olgeta vot na kam bek long Septemba 9. Bihain long dispela bai ol opisa i ken sindaun na stat kaunim vot bilong 6-pela konsituensi ya.

Tasol ripot i tok bikpela ren long Lae i ken holim dispela wokabaut bilong ol ilektorel opisa. Bikos bikpela ren i stap yet. Na ol wokman i wet tasol long em i pinis.

Bai ileksen bai kamap insait long Sab Manga, Ahi, Yabim Mape, Morobe, Mongi na Kote konstituensi.

Dispela em bihain long sampela memba i lusim na go long nesenel palamen. Na tu tupela arapela i bin bungim hevi na dai long dispela taim i kam.

Ol lain husat i bin lusim sia bilong ol na go long nesenel palamen em Jerry Nalau, Masani Tukape, Yaip Avini na Ginson Sounu. Tupela memba husat i bin dai em Tom Poang na Mista Kativa.

Rekot i soim olsem 64 man i gat nem pinis long resis insait long 6-pela konstituensi ya. Na Lae siti i pairap nau long ol singaut na kempen bilong ol kendidet ya.

Ripot i kam tu long Morobe Provinsal Gavman opis olsem nau yet i gat 29 memba tasol long Haus Tutumang. Bikos em i sot yet long narapela 6-pela memba long mekim ful haus wantaim 35 provinsal memba.

Olsem na Haus Tutumang i redi long gat ful memba long Septemba 21 taim dispela ileksen i pinis. Na 6-pela man i kamap long go insait na kisim sia bilong ol.

## Ami kisim ki long lukautim Lae siti

PRIMIA bilong Morobe provins, Titi Christian i givim ki pinis long Enjinia Batelion yunit bilong Igam Bareks long lukautim Lae, na Morobe provins long ol hevi na bagarap i save kamap.

Dispela grup bilong ami i holim wanpela mas i go long opis bilong primia long las

wik, na kisim dispela ki o pawa long primia long holim dispela wok.

Long dispela taim, Primia Titi Christian i tok em i amamas tru long kisim ami i kam olsem pikinini na wokman bilong Lae siti. Na dispela wok bai helpim tru Lae na ol manmeri.

Man husat i go pas long grup ya em Kenel

Ben Norrie, na namba tu bilong em, Mesa John Boino. Tupela kisim dispela ki long primia bihain long ol i mas long Eriku i kam antap olgeta long top taun.

Grup bilong CIS i go pas long pilai ben, na pulim lain ami ya i go long opis bilong provinsal gavman.

## Askim long kirapim tokples skul long Inoke

### SAPE METTA i raitim

ASKIM i go nau long Isten Hailans provinsal gavman long kirapim tokples skul long Inoke eria, Henganofi.

Dispela askim i kam long Iyauke Move bilong ples Inoke, Henganofi. Man ya i bin lusim Summer Institute of Linguistics (SIL) long Yuka rumpa, Kainantu, Isten Hailans long statim tokples skul bilong em yet.

Em i tok ol studen bai

drop aut long gred 6 na 8. Dispela em sapos ol i no statim gut komyuniti skul. Olsem na gavman noken tingting tasol long ol senis em mekim ol komyuniti skul i kamap hai skul, na hai skul i kamap nesenel hai skul.

Em i tok tokples skul i karim kaikai. Dispela em long stat lainim gut ol pikinini, bipo ol i go long komyuniti skul.

Mista Move yusim mani na samting bilong

em yet long kirapim 9-pela tokples skul long 9-pela komyuniti skul. Na faivpela tokples pri skul long komyuniti bilong em.

Em i tok tripela tokples skul bilong ol bikpela manmeri kamap, na ran gut nau long Inoke senses divisen. Dispela ol tokples skul i lainim ol pikinini na manmeri long tokples Inoke.

Insait long ol dispela skul, Mista Move i gat 560 pikinini na moa long 200 bikman na meri.

## Kibung glasim provinsal gavman

### EDDIE SAUNDERS i raitim

NEC i pasim pinis nupela ek bilong provinsal na lokol level gavman long las wik Fraide. Na wetim palamen long paitim toktok long en. Palamen bai bung long Ogas 30.

Tasol wanpela samting i no klia yet em long vot bilong nupela gavana. Dispela em sapos olpela i kisim wok minista long palamen.

Dispela kwesten i bin kamap long las wik Trinde. Dispela em long wanpela bung long Yunivesiti ov Papua Niugini long Waigani, Mosbi. Bung i bin kamap long pablik long givim tingting long senis bilong gavman.

Wanpela studen bilong Institut Pablik Administresen i askim ol opisa bilong CRA long wok bilong gavana.

Sapos gavana lusim wok bai ol pipel volim gen o gavman i makim.

Olpela primia bilong Nu Ailan, Pedi Anis i stap tu long dispela kibung. Em i sanap strong long tingting bilong ol Niugini Ailan primia. Em i tok provinsal gavman sistem i wok gut long ol ailan provins. Olsem na provinsal gavman i mas stap. Em i tok sistem i no bagarap. Em ol pipel na lida i bagarapim dispela gutpela sistem bilong givim gut sevis i go long ol pipel.

Reveren Pat Kila bilong Nesenel Kaunsil ov Sios i toku olsem ol pipel i mas senisim griti pasin. Bikos dispela pasin i bagarapim gutpela wok bilong ol provinsal gavman. Ol wokman i mas bel na lewa long givim sevis long pipel na noken griti, em i tok.

Head Office

Port Moresby :

Telephone: 25 9981 / 25 9910  
25 9731 / 25 9652

Facsimile : 25 5503

Lae:

Telephone: 42 4633  
42 1294

Facsimile : 42 5791

Goroka:

Telephone: 72 1294  
Facsimile : 72 2036

Mt Hagen:

Telephone: 52 3145  
Facsimile : 52 3134

Rabaul:

Telephone: 92 3044  
Facsimile : 92 3058

# BISNIS LONG PAPUA NIUGINI

Isten Hailans em gutpela turis provins

## Sel mani beng kirap long Rabaul

ISTEN Hailans gat planti gutpela samting bilong pulim ol turis. Na tu ol pipel i welkamim bisnis wok long kamap long provins.

Siaman bilong Isten Hailans Kapitela Atoriti, Steven Pupune i mekim dispela toktok. Dispela em long taim em i tokaut long ol nupela plen, em atoriti i laik kirapim long kamapim gutpela nem bilong Goroka na Isten Hailans provins.

Atoriti i givim mani na wokim pinis wanpela tu minit vidio piksa. Piksa save kamap nau long EMTV. Na i soim ol gutpela hap long Goroka olsem Yonki haidro pawa, ol bikpela bisnis wok olsem Menifo sip-sip senta, Kassam na Daulo pas, Gahavisuka pak, na klinpela Goroka taun.

Mista Pupune i tok i gat planti toktok olsem Goroka i no gutpela ples bilong wokim bisnis o lukluk raun. Bikos ol pipel i bilip rong olsem ol bisnis i pas.

WANPELA beng we i baim na salim sel mani bilong ol Tolai pipel i kirap pinis long Rabaul insait long Is Nu Briten provins. Ol i kolim dispela beng long Tok'U'Beng. Narapela nem bilong beng ya tu em "Tredisenel Eksens Welt Beng."

Beng ya i givim sans long ol Tolai pipel long baim telipon kad wantaim selmani. Ol i kolim selmani bilong ol Tolai long "Tabu."

Man husat i papa long dispela beng em Henry Tokubar. Em i wanpela memba long Is Nu Briten provinsal gavman.

Mista Tokubar i tok ol pipel long Is

Nu Briten provins i gat sans nau long yusim sel mani o Tolai tabu long baim telipon kad long ring nabaut. Ol pipel inap baim ol kad long hamas yunit ol i laikim. Dispela i min olsem ol i ken yusim samting olsem 1 param, 2 param o hamas long kisim wanem yunit kad ol i laikim. Em i givim eksampel olsem 1 param inap long baim 15 yunit kad long en.

I no longtaim wanpela lons long go hetim dispela samting long Rabaul i kamap namel long Provinsal Minista, Henry Tokubar na wanpela bikman bilong Pos na Telikomyunikesen.

## Not Wagi gat trakta bilong wok bisnis

JAMES SAKUL i raitim

OL pipel bilong Not Wagi, Westen Hailans i gat wanpela trakta na kain kain masin nau bilong brukim graun na planim ol gaden kaikai.

Nesenel Memba bilong Not Wagi, Imbal Aipe, i givim trakta i go long ol pipel long stat bilong mun Ogas. Prais bilong trakta na ol

masin i kos moal ong K40,000. Memba i yusim Iektorel Developmen Fan bilong em long baim trakta na ol masin ya.

Mista Aipe givim ki bilong trakta long ol pipel long wanpela bung, em ibin kamap long Banz distrik opis. Ol wokman bilong

Dipatmen bilong Praimeri Industri i kisim dispela ki. Ol bai lukautim trakta wantaim ol arapela masin, na helpim ol fama insait long Not Wagi eria.

Memba i tok kopi em bikpela kes krop bilong ol pipel askim ol pipel long yusim dispela masin na planim ol arapela kain kaikai olsem kumu gras, rais na muli.

## Ol Sepik tasol no save saping kafing

INO ol Is Sepik tasol save long saping kaping. Owen Porari bilong Popondeta long Oro provins save tu.

Tasol kas ya save long saping kaping bikos ol tambu i lainim em. Em i maritim long meri Is Sepik, na stap long Lae long 15 yia olgeta. Nau yet em i gat 35 krismas.

Long pinis bilong mun Julai, Owen kisim PMV bas na lusim Lae i go antap long Goroka. Bikos em laik salim kaping bilong em long hap. Em i tokim Wantok long Goroka olsem em save lukim ol tambu i saping kaping, na laik bilong em i kamap bikpela. Na nau em save saping ol kain kaping, bihainim ol tambu bilong em.

Long Lae, Owen save kisim PMV i go to long Madang, na ol arapela hailans provins. Na salim ol kaping.

Owen bungim pinis 7-pela arapela man husat save saping ol kaping. Ol i nogat mani. Tasol ol i gat laik long kirapim wanpela haus long salim kaping bilong ol long en.



• Owen Purari wantaim wanpela kaping em i bin saping long 4-pela mun olgeta. Em salim kaping ya long K280. Poto na stori: SAPE METTA.

### ASKIM LONG KISIM

### "Samting tru"

### NA SAVIM

YU MAS TINGIM, NA BAIM GENUINE NISSAN PARTS TASOL!



Wanpela trupela spea pats stua bilong yu.

# 30% DISCOUNT

## Long olgeta spea pats yu baim long kes mani long mun Ogas.



### GENUINE PARTS

### KISIM DISPELA ADVETISMEN I KAM WANTAIM NA BAI YU KISIM

# BOROKO MOTORS

THE GOOD GUYS FOR BEST BUYS

PORT MORESBY: 255255 LAE: 421144 RABAU: 922777 KIMBE: 935566 MADANG: 822433 MT.HAGEN: 521433 HIGATURU: 297175 ARAWA: 951566 TABUBIL: 589061

SELF CARE PHARMACY

# CITY PHARMACY

SELF CARE PHARMACY


## FATHER'S DAY



**FREE WALKMAN**  
for Purchase over K50.00  
(while stocks last)




OLD SPICE  
A/SHAVE 50ml  
~~K3.99~~  
**K2.99**



TOOL KIT  
17 pcs  
~~K7.95~~  
**K5.99**




WILMAN RAZOR  
& 5 Blades  
~~K3.40~~  
**K1.99**



BRUT DEODORANT  
SPRAY  
~~K4.20~~  
**K2.99**



SAMSONITE  
HAND CARRY BAG  
~~K7.95~~  
**K5.99**




WAIST BAG  
~~K3.95~~  
**K2.99**





TABAC A/SHAVE  
& TALC SET  
~~K12.50~~  
**K6.99**



KODAK FILM  
135/12 EXP  
~~K2.30~~  
**K1.99**



DESK SET  
~~K14.50~~  
**K9.99**



**GIFT PACKS**  
from **K4.95**



JÖVAN  
TE MUSK FOR MEN



**Great Prices... Good Health**

PORT MORESBY  
ALL LOCATIONS

LAE  
BEST BUY

MADANG  
STEAMSHIPS

GOROKA  
BEST BUY

MANUS  
STEAMSHIPS

MT. HAGEN  
BEST BUY



**LOOK!!**

*For the  
**New**  
Key at the  
bottom of the  
tin on quality  
products from*

**HUGO CANNING COMPANY**

# No ken tingim mani na salim kantri Taim i sot olgeta pinis

**Dia Edita,**  
Mi laik yusim dispela sans *Wantok Niuspepa* i givim mi long autim wanpela wari mi gat long kantri bilong mi Papua Niugini. Na ol arapela gutpela sitisen bilong PNG i ken ritim na skelim.

Mi lukim gutpela gavman bilong kantri bilong mipela i tingting tumas long mani. Na i lusim tingting long laip bilong mipela ol manmeri bai stap olsem long bihain taim. Gavman i wokim planti kontrak wantaim ol ovasis kantri long kirapim bisnis na helpim PNG. Em i gutpela bikos senis i mas kamap. Tasol inap long gavman i mas skelim ol kantri pastaim long em i wanbel long wok poroman wantaim ol. Na larim ol i stap insait long kantri na wok.

Sampela kantri i gutpela. Ol i ken bihainim

olgeta lo bilong mipela. Tasol ol arapela i no gutpela. Ol bai no inap long bihainim olgeta lo bilong mipela. Mi pret liklik long gavman i poroman wantaim Indonesia. Lida bilong PNG gavman i lukluk raun long Indonesia na bikman bilong kam lukluk raun long PNG. Planti arapela samting tupela kantri wantaim i wanbel na wokim.

Inap gavman bilong PNG i skelim laip bilong dispela kantri na man pastaim na poromanim ol long wok bisnis na ol arapela samting. Gavman i no ken tingting long mani tasol na i no tingting long laip bilong ol manmeri na rilisen bilong ol. Gavman i ting Indonesia inap pas gut wantaim PNG long Kristen rilisen. Indonesia inap strongim nem PNG i gat olsem "Kristen Kantri?" Nogut gav-

man i tingting long mani tasol na dispela kantri kam insait na givim hevi long manmeri bilong PNG.

Mi no amamas long gavman bilong PNG i wokbung wantaim Indonesia. Gavman i opim rot pinis na long nau yet, planti manmeri bilong Indonesia i wok long raun nating long PNG. Ol i baim graun na kirapim wok bisnis. Ol i marit long PNG. Nogut mipela i ting ol i baim graun na meri. Tasol bihain ol bai kirap na tok: Mipela i baim PNG pinis. Mipela kalap nogut tasol tu leit pinis. Mipela i kamap hap bilong Indonesia.

Ating gutpela piksa mipela i ken lukim em long ol brata na susa, wanblut na wanskin bilong mipela long Wes Irian. Ol i kisim kain kain hevi na taim nogut long han bilong

Indonesia. Ol i lusim gutpela graun na ples bilong ol i stap na ranawe i go stap olsem ol refusi long bus. Dispela hevi stap yet. Na nau PNG i laik sapatim dispela hevi na pasim tingting long wokbung wantaim Indonesia. Dispela i soim olsem gavman bilong PNG i laik wokim rot bilong ol wanblut bilong mipela i mas kisim hevi na taim nogut long han bilong Indonesia.

Mi sapatim tru toktok bilong Sandaun Provinsal Kaunsil Bilong ol Meri i bin kamap long *Wantok Niuspepa* namba 1042. Inap gavman bilong PNG i harim toktok bilong ol dispela meri. Na no ken givim tok orait long haiwe kamap namel long bungim tupela PNG na Indonesia. Nogut dispela rot bai bringim kain kain

laip nogut wantaim giaman bilip long PNG. Na dispela nem "Kristen Kantri" bai pinis.

Inap gavman bilong PNG i ken helpim ol brata na susa na wanblut bilong mipela long Wes Irian na askim gavman bilong Indonesia long givim independens i go long ol? Dispela haiwe i ken kamap bihain long ol lain wanblut bilong mipela i kisim independens bilong ol.

Mipela i no ken tingting tumas long mani bilong nau tasol na salim kantri bilong mipela i go long ol ovasis kantri. Wanem samting gavman i mekim, gavman i mas tingim laip bilong mipela ol manmeri long ol yia i kam bihain. Gavman i no ken tingim ol samting bilong nau tasol.

**M Degang  
FINSAFEN**

**Dia Edita,**  
Mi autim liklik tingting bilong mi long wanpela hap toktok i stap long buk bilong Jeremaia 46: 27-28. Dispela toktok i tok long ol manmeri bilong Isrel istap long olgeta hap graun i go bek long graun bilong ol stret long Isrel.

Dispela toktok i wok long karim kaikai nau. Bikos yu ken lukim long graun nau em planti manmeri wok long givim ol yet i go long bikpela Jisas Kraus.

Planti manmeri luksave long ol asua na krangi pasin bilong ol na stat long givim beksait long ol. Bikos ol i luksave olsem taim i sot nau bilong olgeta manmeri i mas go bek long dispela man husat i bosim olgeta samting.

Mi laik skruim hap toktok tu i go long ol arapela husat i no luksave long dispela samting. Na i stap yet long pasin nogut na tudak bilong dispela graun long lusim na go long Jisas Kraus.

Maski yu wanpela bikman o lidaman bilong dispela graun, wanpela taim bai yu joinim ol arapela liklik manmeri. Na sanap long lain i go long bikpela jas long traim winim kot bilong yu.

Em tasol na papa God i ken blesim dispela hap toktok i go long *Wantok Niuspepa*.

**Jole Kelap  
MENDI**

## Morobe mas gat nupela primia

**Dia Edita,**  
Mi laik komplem long primia bilong Morobe provins, Titi Christian long taim gavman bilong em i bin stap long saspensena Edministreta Clant Alok i bin lukautim provins. Long dispela taim, Titi Christian i mekim planti nais tumas long gavman long bringim bek Morobe provinsal gavman.

Titi Christian i toktok planti long nesanel gavman i mas givim moa mani long provins long stretim ol bikpela hevi nau i stap.

Tasol mi lukim olgeta dispela nais bilong primia Christian i olsem man i giaman mekim nais tasol long winim bek pawa. Bikos em yet i no inap long stretim ol bikpela hol nau i wok long kaikai olgeta rot insait long Lae siti.

I tru em i ken tok olsem dispela em nesanel projek. Tasol taim bikpela hevi olsem i kamap insait long provins bilong yu, yu mas go pas long ol pipel bilong yu na traim stretim long mekim ol pipel i gat bilip long lida bilong ol.

Mi ting dispela primia bilong Morobe i mas raus. Bikos em i save tasol long toktok planti na mekim nais. Wok tru nogat.

I gat ol gutpela lida miting i ken kamap primia em olsem memba bilong Garaina.

**Nelson Goya  
LAE**



## Long wanem rot bai yupela baim rispek na wokbung bilong ol manmeri long pablik

**Dia Edita,**  
Mi no amamas tru long sampela yangpela plisman long Madang. Long Fraide apinun long Ogas 5, long samting olsem 30 minit i lusim 5 klok, sampela yangpela plisman i spak na lusim banis bilong Plis Bareks na ol i go sanap long rot klostu long plis stesin.

Mi no wanbel long wanem samting ol i mekim long dispela taim. Ol i paitim nating sampela manmeri long pablik taim ol i wokabout long dispela rot. Mi tokim yupela dispela em pablik rot we ol manmeri na pikinini long pablik i gat rait long wokabout long en. Na ol ka i ron i go i kam long en.

Yupela ol yangpela plisman, no ken

kusai na soim strong bilong yupela taim yupela i spak. No ken bagarapim nem long planti gutpela plisman na plismeri husat i wok long Plis Fos long Madang. Bipo tru Madang i gat nem olsem "Beautiful Madang." Na yupela ol dispela yangpela plisman i stap we?

Plis tru ol lain bilong lukautim lo na oda, yupela i mas save olsem gutpela pasin bilong yupela tasol bai baim rispek na wokbung bilong ol manmeri long pablik. Bikpela samting tru em wok bilong yupela ol plisman na plismeri em long lukautim ol manmeri long pablik.

**Peith Galam  
MADANG**

## Wosera/Gawi no lukim yet lait bilong independens

**Dia Edita**  
Mi bilong hap bilong Wosera/Gawi long Is Sepik provins. Tasol long nau yet, mi stap long Wes Nu Briten provins.

Yes, mi gat bikpela sori tru long ol wantok na bratasusa bilong mi long Wosera/Gawi long Is Sepik provins. Kantri bilong mipela Papua Niugini winim pinis 19 yia long stap olsem wanpela independen kantri insait long Saut Pasifik. Tasol eria bilong mi Wosera/Gawi stap yet long pasin bilong ol tumbuna.

I tru olsem mi no stap long ples bilong mi. Tasol mi bin raun i go long ples na lukim olsem Wosera/Gawi no senis liklik. Taim mi raun i go long ples, mi ting olsem bai lukim

bikpela senis. Nogat tru ya. Nogat wanpela bikpela o gutpela senis i kamap long eria bilong mi.

Mi bin kalap nogut long lukim olsem nogat wanpela gutpela sevis bilong gavman i go insait long eria bilong mi. Olgeta samting i stap wankain yet. Ol pipel i nogat gutpela rot, bris, helt sevis na ol arapela developmen projek o wok.

Ol pipel bilong Wosera/Gawi gat bikpela tingting long kirapim ol liklik bisnis wok nabaut. Tasol dispela laik na tingting i go popaia nating. Bikos i nogat gutpela rot na bris. Sori tumas ol pipel long eria bilong mi. Mipela i stap wankain yet olsem ol tumbuna

bilong mipela. Bikos long dispela as na ai bilong mipela i pas na mipela i no inap luksave long makim gutpela lida long makim mipela long provinsal na nesanel gavman.

Tingim, 19 yia bihain long independens na mipela i stap long tudak yet. Mipela i lus olgeta long politik wok na gutpela lidasip. Mipela i gat ol lida tasol ol i no tingting long helpim mipela gut. Sapos mipela i gat ol memba, orait, wanem taim bai ol i luksave long ol hevi bilong mipela. Na wokim sampela gutpela disisen long bringim ol sevis bilong gavman i go insait long helpim mipela.

**Wosera/Gawi Nieng  
KIMBE**

## Papa Kela i gat kik

**Dia Edita,**  
Mi laik sapatim tru Sagothorns Ben bilong Lae long dispela singsing Kela we nau ol toktok i wok long kamap long rausim.

Ol manmeri tok singsing ya i no gutpela. Bikos i gat tok nogut insait long em.

Tasol mi laik tok stret olsem sapos yu les long harim, i moa gutpela long yu no ken baim o sanap na harim. Bikos ol arapela i laikim long harim na ol i baim o askim long i kamap long redio,

Long las wik Fraide, drama bilong dispela ben, Daniel Naroko bin tok tok long redio long as bilong dispela singsing. Em i tok dispela singsing i sut long wanpela lapun man husat i gat kela long het bilong em. Em i save airgris tru long wanpela yangpela meri nem bilong em Monica.

Daniel i tok lapun kela ya i save

askim laik tasol i hat olgeta. Olsem na em i wokim blak pawa na meri ya i kalap i kam long em.

Olsem na sapos yu husat i bin harim dispela toktok long last wik Fraide, ating bai yu kliia liklik long mining bilong dispela singsing.

Dispela i no wanpela singsing nogut. Dispela singsing i save kirapim tru bel bilong ol manmeri long danis na amamas long musik. Yu traim raun long ol hap olsem Mosbi, Lae, Madang, Wewak, Goroka na harim. Taim singsing kela i kamap, bai ol manmeri kirap ron long floa bilong danis.

Yu save singsing Papa Kela i gat kik na ol jeles manmeri tasol bai komplem long en long daunim I manki Sagotghorns long go het na rekotim moa kaset bilong ol.

**Sengie Palungs  
LAE.**

# TOKSAVE Mipela i laik go long Jayapura

Olsem Edita mi laik tok save long ol manmeri na pikinini husat i save salim nem i kam long penpren seksen olsem mipela i save kisim planti nem tru.

Bikos long dispela as, mipela i no inap long putim nem bilong yupela olgeta long wanpela wik tasol. Bikos i nogat inap spes long mipela i ken putim planti nem long wanpela wik.

Sapos yu wanpela man, meri o pikinini husat i salim nem bilong yu i kam na mipela i no putim harim, plis, mipela askim yu long stap isi. No ken belhat o kros long mipela. Mipela bai traim long putim nem bilong yupela long niuspepa.

Olsem Edita, mi mas tok klia long yupela olsem long nau yet, mipela i gat planti nem tru i stap yet. Na tu mipela i wok long kisim yet planti nem i kam long ol rida.

Em Tasol  
MI EDITA

**Dia Edita,**  
Mi laik komplem long ol lain i makim opis bilong Foren Afeas long Vanimo long pasin ol i wokim long putim strongpela lo we i tambuim ol manmeri long go long Jayapura.  
Mi ting ol lain long Foren Afeas opis i laik pretim nating ol pipel bilong Papua Niugini. Na ol i wokim ol giaman lo bilong ol yet. Sapos ol meri bilong ol yet na tu bilong ol bikman na ol minista i laik go long hap, ol i save lukluk gut long ol. Na ol yet tu i save go mekim nabaut long ol meri long Jayapura taim ol i go long hapsait. Mi

save bikos mi lukim dispela pasin long ai bilong mi yet. Na mi sem nogut tru. Lo bilong ol i save giaman long pretim ol pipel long PNG long no ken go nating long Jayapura.  
Sapos ol i lukluk gut long wokabaut bilong ol tumbuna, ol papa bilong mipela i bin i go i kam long dispela hap taim ol waitman i stap long Holandia.  
Mi no amamas tru long ol Foren Afeas opis long Vanimo i stapim mipela long go long Jayapura. Mipela i laik baim ol samting long stua long hapsait bikos prais bilong ol

samting i no dia tumas.  
Mi ting gavman i nogat strongpela tingting long developim kantri. Lukim, ol Indonesia i wokim rot i kam olsem long boda. Klostu ol bai kisim ples Wutung long boda mak bilong tupela kantri Papua Niugini na Indonesia.  
Pasin we PNG gavman i kisim ol lain Malesia i kam insait long kantri long katim ol diwai na wokim ol haiwe i soim olsem gavman yet i no inap long lukautim kantri em yet.

Selanton Ramani  
SANDAUN

## Ritim nius long tok Pisin na Inglis tasol

**Dia Edita,**  
Mi laik autim liklik wari bilong mi long ol wokmanmeri bilong Redio Mendi. Mi no save amamas na tu wanbel long ol anaunsa bilong Redio Mendi save ritim nius long tokples.

Dispela pasin i no gutpela. I gat 8-pela o 9-pela tokples long provins. Na i no gutpela long ritim nius long 3-pela o 4-pela tokples tasol. Moabeta yupela i mas yusim tasol Tok Pisin o tok Inglis we olgeta man bai harim. Na i no ol dispela wan wan tokples we planti pipel i no klia long ol. Mipela tu i laik harim wanem samting i kamap long provins na tu long ol narapela hap long kantri.

Mi autim dispela wari bikos long ol narapela redio stesen insait long kantri no save ritim nius long tokples. Ol i save ritim nius long tok Pisin na Inglis tasol.

Epia Mercy  
KOKOPO

## Memba i min wanem samting

**Dia Edita**  
Mi wanpela grasrut man husat i laik putim liklik tingting bilong mi long *Wantok Niuspepa* na ol arapela grasrut manmeri na ol lida bilong tude na tumora insait long kantri ken ritim na skelim.  
Wari bilong mi olsem: Watpo na mipela ol grasrut i save resis wantaim ol dok long painim ol pipia kaikai long ol ples bilong tromoi pipia i no save dai. Na ol lida husat i save kaikai gutpela kaikai na slip long gutpela haus i save dai?  
Tingim! Mipela ol grasrut manmeri insait long ol taun na tu long ples i no save slip long

gutpela haus, nogat gutpela helt sevis na tu ol arapela samting. Tasol mipela i no save painim bikipela sik na bagarap.  
Yupela ol lida bilong mipela ol manmeri bilong dispela kantri mas tingim mipela ol pipel husat i givim yupela ki. Na yupela opim dua bilong Palamen haus na go insait long dispela haus. Yupela i mas tingim dispela samting na bringim ol sevis i kam long mipela long ples, rurel eria na setelmen. Lusim hotel, gutpela kaikai, gutpela ka na tu ol arapela samting. Na kam long ples na luksave long wanem

samting na sevis mipela ol pipel i laikim.  
Mipela i no givim yupela ki long go insait long Palamen long kirapim bisnis wok bilong yupela. Yupela i ken kirapim. Tasol namba wan samting yupela i mas tingim mipela pastaim. Taim mipela i gat gutpela sindaun, yupela i ken go het na kirapim ol bisnis wok bilong yupela.  
I luk olsem mipela i save giaman na tok olsem kantri bilong mipela PNG emi wanpela Kristen kantri.

G J Woina  
GOROKA

## Redio Morobe gat ol tumbuna singsing bilong Finsafen eria o nogat?

**Dia Edita,**  
Mi laik komplem long redio stesin bilong NBC Redio Morobe.  
Olgeta taim mi save opim redio long 10 klok nait long harim ol tumbuna singsing. Mi no save harim wanpela singsing bilong Finsafen na Kabwum eria liklik.  
Olgeta taim ol wokman bilong Redio Morobe i save pilaim ol tumbuna singsing bilong ol Menyama na Aseki eria tasol. Mi save ting olsem ating mipela ol lain long Finsafen eria i nogat wanpela tumbuna singsing insait long redio stesin.  
Dispela i no gutpela tru long mi. Bikos mi save

olsem planti arapela manmeri bilong Finsafen na Kabwum distrik i no amamas tu long dispela pasin. Mi save olsem tupela krismas i go pinis mipela i save harim ol singsing tumbuna bilong Finsafen i kamap tasol nau i nogat.

Ating olgeta singsing ya i mas olupela pinis na Redio Morobe i tromoi ol kaset ya i go pinis o olsem wanem? Sapos nogat orait, inap yupela i go long Finsafen na Kabwum eria na rekotim ol nupela song bilong mipela?

Bokes Awa  
KIMBE

## Para Militari Fos bilong wanem?

**Dia Edita,**  
Mi laik komplem long dispela ripot bilong Nesenel Intalijen Oge-naisesen (NIO) i bin kamap long *National Niuspepa* long Ogas 11 long nupela ami bilong Niugini Ailan rijon.  
Dispela nupela ami bilong Niugini Ailan rijon we ol primia bilong ol i kolim Para Militari Fos i no wanpela gutpela tingting bilong lukautim na sapotim tru olsem man-

meri bilong dispela rijon.  
Mi lukim dispela tingting bilong kamapim Para Militari Fos olsem wanpela sekyuriti grup bilong bihainim oda bilong ol lain primia bilong dispela rijon na tu was long wokabaut bilong ol.  
Dispela nupela ami grup i no wanpela fos bilong lukautim na karim aut tru ol pipel bilong Papua Niugini. Na sapos dispela ami i

kamap, wanem lo tru bai ol i bihainim long lukautim ol manmeri?  
Mi ting i gat wanpela lo tasol insait long mama lo bilong kantri we i lukautim yumi olgeta manmeri bilong Papua Niugini i stap pinis long yumi strongim na bihainim.  
Mi ting dispela ami laik kamap long sapotim tingting bilong ol Niugini Ailan lida long bruk lusim Papua Niugini na kamapim nara-

pela kantri insait long Papua Niugini.  
Olsem na mi laikim bai dispela ripot bilong NIO i mas go insait long Palamen. Na ol lida i mas toktok long en na rausim hariap long ol primia bilong Niugini Ailan rijon i kamapim bikipela hevi we bai bagarapim tru gutpela sindaun bilong ol manmeri.

Sengie Palungs  
LAE

## Memba bilong Jimi no bihainim ol kempen polisi

**Dia Edita,**  
Mi laik askim memba bilong mipela Kimb Tai long em i mas bihainim stret kempen polisi bilong em.  
Bikos mi wok long lukim olsem dispela memba i wok long baim ka na givim i go long ol bikman we i no bihainim stret ol promis em i mekim insait long taim bilong kempen. Dispela ol ka i no stap insait long polisi plen bilong em.  
Bikipela toktok tru memba i bin mekim em long sapotim wok bilong yut. Olsem na nau mipela ol yut i singaut long em long helpim mipela na i no long baim ol ka na givim i go long ol man nabaut.  
Bikipela samting mipela ol yangpela

insait long Jimi distrik long Westen Hailans provins i laikim em long memba i mas stretim pilai graun bilong mipela. Mipela i gat pilai graun pinis tasol sampela wok moa i mas kamap long mekim pilai graun i level na mipela i ken pilai gut.  
Dispela ol pilai graun i stap long ol ples olsem Koinambe, Tsenga, Tsingoropa, Tabi, Karap, Olina, na Kol.  
Dispela em i wanpela hevi bilong mipela ol yangpela insait long ol dispela ples. Na sapos memba i ken tingim bek long ol tok promis bilong yu long helpim ol yut, dispela em singaut bilong mipela nau.  
Jimmie Kosdu  
HAGEN

## Basil Greg no wanpela kopiket man

**Dia Edita,**  
Mi laik bekim pas bilong brata ya Daley Gewero i bin kamap long *Wantok Niuspepa* bilong Julai 28. Bikos laik bekim pas bilong em bikos mi no wanbel long sampela toktok bilong em.  
Mi wanpela manki husat i save laikim tru long harim ol kaset bilong Basil Greg. Brata, mi tokim yu stret olsem Basil Greg i no kopim ol singsing

bilong Kales Gadegads. Em laik dediketim singsing long nem bilong Kales, famili na ol prén bilong em. Na ol bai save olsem singsing bilong Kales i no dai yet. Bikipela tru em long tingim man husat i go pas long Kales Gadagads husat i dai pinis-Sandie Gabriel.  
Brata, yu bin tok olsem Basil Greg i yusim nem bilong Kales Gadagads long

hapim nem bilong em yet. Na tu long wokim mani bilong em yet. Yu save long dispela samting olsem wanem?  
Long tingting bilong mi brata, mi save olsem planti singsing bilong Basil Greg, em yet i raitim. Wanpela tasol em bilong Kales Gadagads we em i singim long dediketim.  
Hilary Willie  
AITAPE

## Polisi bilong ol komesel beng hat tumas

**Dia Edita,**  
Mi gat bikipela belhevi long ol komesel beng insait long kantri. Bikos taim ol pipel bilong Papua Niugini stret i laikim helpim bilong wokim ol liklik bisnis bilong ol, ol komesel beng i no save luksave long hevi bilong ol pipel na givim helpim kwik.  
Mi gat sampela askim long ol komesel beng. Na mi laikim gutpela bekim long kliaim tingting bilong mi.  
Pasin long holim bek mani bilong ol pipel i no stret. I no gutpela pasin long planti askim tumas we yupela ol wokmanmeri long beng i save mekim taim mipela i kam askim yupela long helpim. Mi yet mi wanpela long ol lain husat i save go long beng long askim long kisim helpim.

Tasol yupela i no save toktok gut long mipela.  
Long buk bilong God em i tok: Man husat i gat planti samting olsem mani, kago na ol arapela samting bai painim hat tru long go insait long Kingdom bilong God. Yupela i mas ritim gut Baibel na save long tok bilong

God. Na yupela i ken mekim gut long ol man.  
Plis yupela i mas tingim, mipela ol pipel i laik kirapim ol liklik bisnis wok long helpim mipela yet. Mipela i laik helpim gavman long developim eria bilong mipela. Mipela i les long sindaun tasol na wetim gavman long mekim olgeta samting.

Mipela i laik yusim liklik risoses we mipela i gat long kamapim developmen long ples na komyniti bilong mipela. Tasol wanem rot bai mipela i kamapim developmen taim yupela i no redi long helpim mipela?

G Ron Otto  
LAE

## Hetkwata no tingim mipela

**Dia Edita,**  
Mi wanpela soldia husat i stap long duti long Bogenvil. Mi laik save wanem samting tru Minista Bilong Difens Paul Tohian na ol bikaman bilong Difens Fos long hetkwata long Mari Bareks i wok long mekim.  
Mipela ol lain long graun i laikim ol bikman

bilang Difens Fis i mas kam na sekim ol wokman bilong ol long i stap long duti long Bogenvil ailan. Na tu lukim long ai bilong ol wok na stap bilong mipela ol soldia long Bogenvil ailan i olsem wanem.  
We stap ol edministresin na lojistik sapot bilong ol sekyuriti fos?


Wanem gutpela samting yupela i wok long mekim long mipela? Mipela ol sekyuriti fos i no ol kalabus lain bilong yupela. Mipela i no kisim gutpela kaikai. Ol su, soks na yunifom bilong mipela i bagarap pinis.

Stormies  
BOGENVIL AILAN


# LOWER PRICES



ARNOTTS  
SAOBISCUITS  
250G WERE K1.27  
**K1.07**



GOLDEN  
CIRCLECORDIALS  
2LTRS. WERE K3.86  
**K3.26**




ILIMO  
CHICKENSIZE:13  
WERE K4.85  
**K3.99**



JUNIORBONGOS 20G  
WERE .18t  
**.15t**



J&J  
STAYFREEREGULAR  
10'S. WERE K1.98  
**K1.83**



LAMB  
BBQ CHOPS T/P  
700G. WERE K2.44  
**K1.99**


*Specials available from 15/08/94 until 30/08/94!*



WHITE  
MAGICBLEACH  
500MLS. WERE .81t  
**.72t**



REAL FRESH 1LTR  
DRINK WERE K1.43  
**K1.28**




ILIMO  
CHICKENBREASTS  
500G. WERE K2.22  
**K1.89**



OX & PALM  
CORNEDBEEF  
340G. WERE K1.56  
**K1.36**



CADBURY  
CHOCOLATES  
55G. WERE .76t  
**.59t**



ENGLISH  
CABBAGE  
**.99t** KG

**TRADING HOURS**  
MONDAY 8:30am to 6:30pm  
TUESDAY 8:30am to 6:30pm  
WEDNESDAY 8:30am to 6:30pm



THURSDAY 8:30am to 6:30pm  
FRIDAY 8:30am to 7:00pm  
SATURDAY 8:00am to 6:30pm  
SUNDAY 9:00am to 1:00pm



**STICK  
ON**

**OX & PALM<sup>®</sup>**

**AND**

**WIN!**

Yes! You have a chance to win a holiday for two to Manila including accommodation and K1,000 spending money, or many consolation prizes of K50.00.

From the first of September, until the 30th, simply purchase K5.00 or more of fuel or goods from your nearest Shell Service Station and you'll receive a big bright "OX & PALM" sticker.

Stick it on the bumper of your car and you than have a chance of being spotted by the OX & PALM spy snooping around all parts of the country.

Starting the 5th of September, if your registration number is announced during the Kalang FM Talk Back Show, send the copy of the registration papers to Kalang FM, and you automatically win K50 and get put in the draw for the trip to Manila.

The more stickers you have on your car, the greater the chance of being spotted by the OX & PALM spy and winning.



**Shell**

**Go to your nearest Shell Service Station now  
and be a part of OX & PALM winning team.**

# WANTOK


NIUSPEPA BILONG OL PAPIA NIUGINI STRET

# PABLIK NOTIS

Sapos yu laik advertais, telephon 25 2500 na askim long

Ph: Miri Aiōri Ext. 203  
 Jeffrey Maliou Ext. 216  
 Joe Naime Ext. 232

Happy Belated 15th  
 Birthday to JOANNE STELLA  
 MAKI of K.K.K. S (9D)



- B/day greetings from Makis of Koro, Glenda, Bart, Debz, Emz, Gilly, Mum and Dad
- Molas of Melbourn, Dusavas of Badili Hill, and auntys of Grail Haus Wwk
- Agatha, Crentia and Roberta.
- Lastly Big Y Girls Bevz Febz, Chiko, Miu, na Augie.
- May God bless you always!
- Joey no more heavy metal music.

**BUSINESS**  
 Phone: 25 2500

**Sports Weekend**  
 TENNIS BOXING SWIMMING  
 NEW! NEW! NEW!  
 HOCKEY Weekly SOCCER  
**SPORTS NEWSPAPER**  
 RUGBY LEAGUE  
 On sale **30¢**

**EXPAND YOUR MARKET**  
 YOU NEED TO AIM AT THE RIGHT TARGET  
**BUSINESS**  
 CRA tries to clear the air on Mt Kare  
 PNG Business, the country's only business newspaper, is published monthly with a circulation of 40,100 and is distributed widely to the business community both in PNG and abroad.  
 Among the many recipients are all of PNG's decision makers, managers and general managers as well as all major firms, business houses and overseas missions. This gives the paper a higher penetration of the business world than any other PNG publication.  
 PNG Business guarantees you the best coverage and provides you with all the details and information you want to know about happenings in the business community both in PNG and around the world.  
 CALL PNG BUSINESS PHONE: 252500  
**IT'S AS EASY AS 1, 2, 3.**  
 Call 252500 and make an appointment for our sales rep to visit your office.  
 He will establish your advertising needs and give you effective solution.  
**The rest is up to you!**



## TOK SORI

**I GO LONG MERI IAMUGIN, OL PIKININI NA FAMILI MEMBA BILONG HON. OSCAR TAMMUR, MPA.**

Long makim famili bilong mi, gavman bilong Is Nu Briten provins na ol pipel bilong provins, mi laik salim bikpela tok sori i go long meri lamugin, ol pikinini na famili memba bilong Hon Oscar Tammur, Provinsel memba na olpela memba bilong nesenel palamen long Kokopo Open. Mista Tammur em lida tru bilong ol pipel na wanpela pikinini tru bilong Papua Niugini na ol manmeri bilong Is Nu Briten provins tasol em i bin dai long Sande, Ogas 21, 1994 long 8.45 pm long Nonga Haus sik.

Leit Oscar Tammur bai i stap long tingting bilong ol manmeri long sevim ol insait long wok politiks na gutpela sindaun bilong ol manmeri long Papua Niugini na Is Nu Briten provins. Em i wanpela strongpela lida husat i bin sanap strong wantaim ol arapela lida bilong kantri long kamapim independens bilong Papua Niugini. Dai bilong em i kamapim bikpela hevi tu long lusim kain man olsem insait long dispela sevis em i mekim long yangpela kantri olsem Papua Niugini.

Taim yumi olgeta sori i stap, dispela i givim bikpela salens nau long ol lida bilong nau na bihain long bihainim. Laip bilong em i olsem wanpela bikpela piksa bilong laip na sindaun bilong Is Nu Briten Provinsel Gavman na Papua Niugini olgeta long bihainim.

**MALOLO WANTAIM BEL ISI**

**HON SINAI BROWN, OBE, MPA**  
 Primia bilong Is Nu Briten provins.

**WANTOK**

NIUSPEPA BILONG OL PAPUA NIUGINI STRET

**PABLIK NOTIS**


Sapos yu laik advertais, telephon 25 2500 na askim long

Ph: Miri Aiori Ext. 203  
Jeffrey Maliou Ext. 216**KAMBANG HOLDINGS LIMITED**  
**TOK SORI**

Bod, menesmen na wokman bilong Kambang Holdings Limited i laik salim tok sori bilong ol i go long Lady Reyu na pikinini na ol famili memba bilong Leit Zurewe Zurenuoc husat i bin dai. Leit Bisop Sir Zurewe Zurenuoc i bin nambawan Nesenel Bisop bilong Evenjelikel Luteran Sios bilong Papua Niugini.

Sol bilong em i ken slip wantaim bel isi.

Tenkyu....



**DON F RUTHENBERG**  
**EXECUTIVE DIRECTOR**

**TOK SORI**

Hetmasta, tisa na wokman na ol studen bilong Good Shepherd Luteran Hai Skul long Madang, i laik salim tok sori bilong ol i go long meri pikinini na famili memba na ol lain bilong Leit;

**Bisop ZUREWE ZURENUOC**

long soim sori na wari long dai bilong em.

Em i bin mekim bikpela wok tru long strongim wok bilong Luteran sios insait long Papua Niugini olsem nambawan Nesenel Bisop.

**BODI BILONG EM I KEN SLIP WANTAIM BEL ISI**

**WANTOK**

MUSPEPA BILONG OL PAPUA NIUGINI STRET

**PABLIK NOTIS**

Sapos yu laik advertais, telephon 25 2500 na askim long

Ph: Miri Aiori Ext. 203  
Jeffrey Maliou Ext. 216  
Joe Naime Ext. 232

Rt. Rev Getake S. Gam, Bishop

## EVANJELIKEL LUTERAN SIOS BILONG PAPUA NIUGINI TOK SORI

HET BISOP WANTAIM OL WOKMANMERI BILONG EVANJELIKEL LUTERAN SIOS BILONG PAPUA NIUGINI I LAIK SALIM BIKPELA WARI NA BELSORI BILONG OL I GO LONG OL FAMILI, WANTOK, WANPISIN NA PREN BILONG

### EMERITUS, BISOP SIR ZUREWE K ZURENUOC

PLANTI KRISTEN MANMERI INSAIT LONG PAPUA NIUGINI NA TU LONG OL OVASIS KANTRI BAI TINGIM OL WOK NA SEVIS EM I BIN WOKIM NA TU OLSEM NAMBA WAN NESENEL BISOP.

AMAMAS NA BELISI BILONG GOD I KEN STAP WANTAIM YUPELA OLGETA.


BODI BILONG EM I KEN STAP WANTAIM BEL ISI LONG MATMAT

**RT. REV. GETAKE S GAM**

HET BISOP

EVANJELIKEL LUTERAN SIOS BILONG PNG

## BCL SEVINGS & LOAN SOSAITI LTD ( STAP LONG SASPENSEN) NOTIS I GO LONG OL MEMBA



LONG ISI LONG PAINIM OL MEMBA, YUPELA OL MEMBA I MAS GIVIM OL DISPELA INFOMESEN ANINIT LONG AKAUN BILONG YUPELA. YUPELA MAS MEKIM DISPELA LONG 6-PELA MUN TASOL NA SALIM I KAM LONG:

P.O. BOX 6200, BOROKO, N.C.D.

NEM: \_\_\_\_\_ BCL PE NAMBA: \_\_\_\_\_

WOK PLES LONG BCL: \_\_\_\_\_

ADRES BILONG YU NAU: \_\_\_\_\_

**TOKSAVE KAM AUT ANINIT LONG LUKAUT BILONG KEA TEKA BOD**

LUKE MISA POLANGOU

OGAS 19, 1994 - MOSBI

# RAGBI LIG

## NIUS



### - Difens mas wokhat moa long fowat lain -

#### LEO WAFIWA i raitim

1993 PRIMIA tim bilong Mosbi Winfield Lig resis, Fairdeal Wes i lusim sans long winim gen taitel long dispela yia bikos ol fowat pilaia i no pilai strong.

Mekim na Hastings Deering Difens i winim ol 31-24. Dispela em bihain long Wes i bin go pas long skoa 20-18 long hap taim.

Ol fowat pilaia olsem Tati Ivra, Posa Levo, Gideon Mati, Isimel Marnapal na William Rumbia i no bungim stail wantaim. Na tu ol pilaia i ran wanwan we nogat wan pilaia i ran klostu oltaim, bai ol i ken autim bal.

Tupela pilaia husat i bin pilai strong tru em Posa Levo na Gideon Mati.

William Rumbia husat i bin stap long risev i pilai strong tru taim em i go insait long fil.

Ating bikos banis bilong ol soldia boi i sanap strong tumas.

Long beklain, Kumul faiv eit, Tuksy Karu, husat i bin pilai long senta i bin bikpela birua stret bilong Difens. Bikos long ol gutpela trik, kik na sait step we i paulim ol Wes pilaia planti taim.

Karu i helpim Wes long skoarim tupela trai, na wanpela em yet i



• Vue

skoarim namel long tupela gol pcs. Dispela em bihain long referi Michael Luff i givim penalti faivpela mita longwe long trai lain bilong Difens.

Karu tepim bal hariap na kwik



• Patimus

wan em i go skoa. Ol beklain pilaia i pilai gut. Tasol i bagarapim sampela gutpela sans long skoa. Yangpela hap bek Vicky Moses, faiv eit Vincent Eri, fulbek Ben Solomon, na



• Daple

tupela winga, Manso Oa na John Namaliu i pilai gut tasol banis bilong ol i no strong tumas. Dispela i givim gutpela sans long ol soldia boi long brukim na skoa.

Long Difens, lok fowat Oscar

Oksap, wanpela opisa tasol insait long tim i pilai strong tru. Oksap i kisim nambawan awot olsem top pilaia long gem. Prais mani i kam- PNG Bottle Industries.

Long Wes em Posa Levo i kisim prais olsem namba tu top pilaia long gem.

Long Difens, Oksap i go pas gut tru na ol arapela fowat pilaia olsem Simon Patimos. Kepten Ronald Vue long huka posisen i bin lukautim gut pilai long fran lain. Dispela em long givim gutpela bal long ol fowat pilaia.

Gutpela fowat pilaia bilong Difens, Johannes Kola i bin bungim bagarap liklik, na lusim fil long stat bilong pilai.

Long beklain em faiv eit Tony Daple, senta Luke Waldiat na George Kele wantaim tupela winga, James Miviri na Jack Uradok i pilai gut tru. Miviri na Uradok i ga nem long pilai long Kumul tim.

Long beklain em Waldiat i autim stret ai bilong ol sapota. Dispela em long spit na kiam rot bilong Kele na ol arapela beklain pilaia long skoa. Dispela wiken Difens bai bungim Dep Securities Tarangau long wanpela strongpela gren fainal pilai stret.

### Tarangau redi long autim taitel

MAINA primia tim bilong Mosbi Winfield Lig resis, Dep Securities Tarangau i redi tasol long autim 1994 primia taitel bilong Mosbi Winfield Lig resis egens Hasting Deering Difens.

Kosa Barry Forova tok ol win i kam olgeta, na nogat samting bai stapim ol. "Mi gat bikpela bilip long ol boi bilong mi," em i tok. Sapos dispela toktok i tru, em bai namba wan taim bilong Forova olsem kosa long karim wanpela sinia tim i go insait long gren fainal.

Forova i lainim planti gutpela samting long wok kosa aninit long nem lig pilaia na olupela Kumul kosa, John Wagambie. Forova i wok aninit olsem trenu bilong tim. Wagambie i bin kosim tim i go winim 1991 gren fainal egens Wes. Wagambie lusim tim long 1992 na Forova tekova olsem kosa.

Forova i no laik toktok planti long dispela. Tasol em i putim bikpela hatwok i go long ol boi bilong em. Bikos ol i go insait long fil, na save pilai. Na em bilong givim skul tasol.

Fowat lain bilong Tarangau bai paia aninit long lukaut



• Dabema

bilong James Naipao, Bill Kambao, Michael Mondo, Tara Korae, Mack Kele, Sipa Kule, na huka na kepten, Elias Paiyo. Paiyo i save pilai long faiv eit posisen. Tasol em i mekim nem nau long huka posisen, bihain long em pilai long dispela posisen long Kumul tim egens Fiji. Ol arapela fowat pila-




• Kele



• Mase



• Korae



• Mondo



• Avosa



• Wagambie

ia olsem Terry "FM" Longbut, Simon Kitingi na Anton Nanime bai sambai tasol.

Long beklain em faiv eit Soga Dabema na hap bek Mikes Avosa bai lukautim pilai arere long skram. Tupela bai givim bal long ol beklain pilaia olsem Richard Wagambie, Duffy Mase, Sibia Wabola, winga Imson Ivat na fulbek Darius Raki.

Wagambie i bin bagarap liklik na i no

bin pilai. Tasol em bai joinim tim dispela wiken.

Ol arapela gutpela beklain pilaia olsem Brian Oreke na Sine Sine bai sambai tasol.

Ol beklain pilaia bilong Tarangau save trik moa moa yet na ran olsem smok balus. Olsem na ol Difens pilaia olsem Tony Daple, Luke Waldiat, George Kele, Jack Uradok, na James Miviri i mas sambai gut tru.

#### POSIBEL 13 PILAIA LAIN AP:

##### Hastings Deering Difens

1. Pitiki Wanega
2. James Miviri
3. George Kele
4. Luke Waldiat
5. Jack Uradok
6. Tony Daple
7. Bille Sevoe
8. Simon Patimos
9. Ronald Vue ( kepten)
10. Johannes Kola
11. Steven Soki
12. Kes Paglipari
13. Oscar Oksap

Kosa: Galus Kula

fulbek  
lepwing  
ausait senta  
insait senta  
raitwing  
hap bek  
faiv eit  
prop  
huka  
seken rowa  
seken rowa  
prop lok

##### Dep Securities Tarangau

1. Darius Raki
2. Sibia Wabola
3. Richard Wagambie
4. Duffy Mase
5. Imson Ivat
6. Soga Dabema
7. Mikes Avosa
8. James Naipao
9. Elias Paiyo (kepten)
10. Tara Korae
11. Billy Kambao
12. Michael Mondo
13. Mack Kele

Kosa: Barry Forova

# Wes lusim gem long fowat

OL fowat pilaia bilong Hastings Deering Difens i mas wokhat moa sapos ol i laik winim 1994 Mosbi Winfield Lig primia taitel. Bikos birua bilong ol, Dep Securities Tarangau i gat ol strongpela fowat pilaia insait long ragbi lig resis insait long siti.

Kosa bilong Difens, Gaius Kula i luksave pinis long dispela. Bihain long win bilong las wiken egens Wes, em i tok, "Mipela amamas long go insait long fainal. Tasol long winim Tarangau, mipela ol



• Karu ... em pilai strong tasol nogat gupela sapat

fowat pilaia bilong mipela i mas wokhat 100 pesen moa."

Mista Kula tok tu

olsem insait long dispela wik trening, ol pilai bilong em i mas stretim tu asua bilong

ol long holim gut bal.

Las wiken Difens i winim gem long fowat lain. Bikos Wes i nogat ol strongpela fowat pilaia. Sampela fowat pilaia i bilasim tasol fil. Na wanwan tasol i pilai strong olsem Gideon Mati na Posa Levo.

Oscar Oksap em wanpela pilaia husat bai lukautim fowat lain bilong Difens wantaim ol strongpela ran bilong em. Narapela pilaia em i ken kisim gupela sapat em Johannes Kola. Kas ya i bin kisim liklik bagarap las wiken na i no pilai long ful

taim.

Sapos em i kisim fil gen, Tarangau i mas lukaut. Na noken lus tingting long Kes Paglipari.

Kepten Ronald Vue long fran lain bai lukautim pilai long huka posisen. Man ya em Kumul huka ya. Olsem na em bai trik na ran isi isi i go antap long setim ol fowat pilaia. Tarangau i mas banisim em hariap.

Long beklain em bikipela faiv eit Tony Daple bai tilim bal wantaim sapat bilong Kumul fulbek, Luke

Waldiat, husat bai pilai long insenta senta posisen.

Waldiat bai kliam rot

bilong ausait senta George Kele, na tupela winga, James Miviri na Jack Uradok long skoa.

## Eagles win long Buka

STRONGPELA gren fainel tru i bin kamap namel long Hagogoe Eagles na Tsitalato Warriors insait long Buka Ragbi Lig resis long Ogas 13. Tasol Hago Eagles i pilai strong tru na win long 9-8 skoa long ful taim.

Dispela i bin wanpela strongpela gem tru we tupela tim wantaim i no skoa inap hap taim bilong gem.

Long namba tu hap bilong gem tupela i pilaim wankain strong gen na tupela i wok hat tru i go tasol wanpela sans i kamap taim Soatseen Wewcetaus bilong hago Eagles i painim spes na go putim wanpela trai bilong Eagles. Tasol dispela i no daunim strong bilong Warriors na ol i kamapim narapela trai tu mekim skoa i go wankain.

Tupela tim wantaim i bin strong na long fultaim, skoa i bin kamap 8-8 olsem na referi i givim ol ekstra taim long pilai. Long dispela taim Hago Eagles i kisim wanpela fil gol na apim skoa bilong ol i go wanpela step antap long Warriors. Long dispela tasol Eagles i strongim banis bilong ol inap long fultaim bilong ekstra taim i pinis.

## Tigers winim Vanimo lig taitel

WORKS Tigers long Vanimo bai go insait long ragbi lig resis bilong Cambridge Kap long dispela yia.

Tigers i bin winim dispela posisen bihain long em i kamap namba wan long ragbi lig resis bilong Vanimo long dispela yia. Dispela bai nambawan taim bihain long planti yia i go pinis we Vanimo bai i gat wanpela tim bilong em i pilai insait long Cambridge Kap resis egensim ol arapela bikipela ragbi lig senta.

Gren fainel resis bilong Vanimo bai i no inap long kamap bikos i gat komplek i kamap long ol lokel klap yet long stap insait long fainel 5 tim.

Vanimo Lig opisel i bin makim Tarakum wantaim Royals long go insait long semi fainel long painim aut wina husat bai pilaim Works Tigers long gren fainel.

Tasol komplek i bin kamap we Hawks klap i ting olsem ol inap long stap insait long dispela semi fainel. Olsem na Hawks klap i tingting nau long kisim Lig opisel bilong Vanimo i go long kot bikos ol i ting opisel i no bihainim stret rot bilong pilaim ol top 5 tim long nokaut.

Tasol ripot long Vanimo i tok opisel i bin makim ol dispela tim bihainim ol namba bilong win na namba bilong poins skoa.

## Is givim hevi long Tigers

EAST ragbi tim i bin givim bikipela hevi tru long Tigers long las wiken gem long Wewak Lig long ai bilong planti sapota tru wantaim 14-6 poins.

Tupela tim wantaim i go insait long fil wantaim bikipela strong na pawa tru long brukim na bagarapim difens bilong narapela. Tasol tupela tim wantaim i redi gut tru long dispela gem olsem na olgeta seksen bilong beklain na fowet lain i strong na redi gut tru long stapim ol trai bilong narapela long kamap.

Tigers i yusim ol strongpela fowet bilong em olsem Charles Wilson, Mack Kuike, Bosted Labu na Willie Beare long traim brukim difens bilong East na kamapim sans bilong skoa. Tasol East i sanap strong yet.

East tu i yusim ol strongpela man olsem olpela Kumul, Roy Heni, Peter Manji, Paul Labu, Peter Smare na Cra Matagal long stapim ol dispela fowet bilong Tigers.

Pilai i go strong na Tigers i no tingting long ol liklik asua em bai kamapim long penalti samting. Olsem na em i kirap no gut taim referi i winim wisel long wanpela penalti klostu long trai lain bilong em yet. Na dispela i givim sans long East long kikim na kamapim 2 poins long brukim kiau na go pas.

Skoa i sanap East 2 na Tigers 0 na wisel i krai long hap taim.

Bihain long hap taim tupela tim i kam bek na stat tromoi bal i go i kam.

# Em hia!

# WHITE MAGIC!

## EM NUPELA STRONGPELA BLEACH!

**MEJIK  
EM WEI  
BILONG WOKIM  
WAIT I KAMAP  
WAIT!**

**MEJIK  
EM KILIM OL  
KAIN KAIN  
SIK!**

**MEJIK  
HAU EM  
SAVE MEKIM  
KALA BRAIT!**



# PANTHER POWER !




CLOCKWISE FROM  
LEFT: Canberra coach  
Tim Sheens and Mal  
Meninga - delighted with  
the Raiders' win against  
Illawarra; Allan Langer . .  
. failed to kick the  
Broncos home at Penrith  
last Sunday; Brisbane's  
Andrew Gee - crunched  
by Trevor Gillmeister;  
Saints' Scott Gourley . . .  
a menacing sight against  
the Eels last Sunday;  
Mark Carroll - a force for  
the Eagles against  
Cronulla.  
Photos: JOHN ELLIOTT,  
LOUISE RUTKIN, COL  
WHELAN






• Anda 20 skwat bilong Enga i bung na amamasim nambawan taitel bilong ol insait long resis bilong anda 20 long las wiken.



• Kepten bilong Enga anda 20 tim i wokabaut i go long fran long kisim nambawan prais bilong Enga insait long nesanel anda 20 sempionsip long las wiken. Ol poto ZEPH AIGAL




• Pilaia bilong Lahi i kisim hap pepa bilong go insait na senisim narapela pilaia bilong em insait long gren fainel resis bilong anda 20 egensim Enga. Enga i win 4-3 long penalti kik.



• Idris Kubrawah, tonamen dairekta i holim tropi long givim i go long ol tim. John Peka na maketing menesa bilong Nestle Milo i sanap lukluk long sait.



• Maketing Menesa bilong Nestle Milo i givim prais i go long ol tim bihain long resis bilong ol yangpela i pinis.



• Pilala bilong Lahi i laik trikim manki Enga tasol Enga i strong na autim anda 20 nesanel taitel long las wiken.



# Wewak basketbal resis bai kirapim paia stret

JACK FAVE i raitim

WEWAK taun bai kirapim paia taim ol biknem basketbal tim bilong man na meri i salens Ogas 28 long kamapim wina bilong 1994 resis.

Long A gret gren fainal resis, Celtics bai bungim Jokers long painim namba 1 na 2 ples insait long resis bilong ol man.

Celtics bai go insait long kot wantaim ol gutpela pilaia olsem Tore Posa na Jack Fave, husat bai pilai long gad. Francis Gabby wantaim Gabriel Minduwa, Steven Max, Peter Maru na Emmanuel Bobla long fowat bai traim long givim hevi long Jokers.

Tasol Jokers tu bai sanapim ol strongpela na gutpela pilaia olsem Terence Moka, Joe Posa, Farlane James, Jerry Wimban na Kalson Pinggah.

Tupela tim wantaim i gat ol yangpela na olupela pilai i stap. Tasol wina bai kamap taim wanpela tim i pilai strong, na soim tru olsem em i sempion

bilong Wewak basketbal resis long dispela yia.

Long namba 3 na 4 ples long A gret resis, Clippers bai bungim Elcom long wanpela strongpela gem tu.

Clippers bai go insait wantaim planti gutpela pilaia olsem Joe Moka husat i bin pilai insait long 1991 SP Gem, na Gedion Kas na Berry Kami long gad. Samson na Sam Kewa bai givim sampela hevi long Elcom. Bikos long strongpela gem bilong tupela. Tasol Elcom tu i gat pawa wantaim ol manki olsem Jerry Mala, Junior Keto, David Tunan na Gilbert Sarry. Na ol inap long givim bikpela wari long Clippers long kisim namba 3 ples.

Long A gret resis bilong ol meri, Jokers bai traim strong tru long autim tiket bilong PTC Pagers long winim namba 1 ples. Jokers bai yusim ol pilaia olsem Judy Moka, Lydia Mek, Magdalene Posa, Jacklyn, Christine Makias na Rhoda Wanuk. Tasol PTC tu i gat ol pilaia olsem Maiso Posa, Rosa Kovingre, Lucy Dambui, Maggie Jambary na Piah husat i ken givim bel pen long Jokers.

## Mumeng distrik redi long Septemba tonamen

MUMENG distrik insait long Morobe provins i gat Spot Kaunsil pinis. Na i wok long redi nau namba wan tonamen bilong em long Septemba 1994.

Morobe Provinsal Spot opis long Lae i bin go daun long Mumeng long dispela mun. Na bungim olgeta lain long kamapim dispela spot kaunsil. Olsem na dis-

pela spot kaunsil i no wet na karim nem nating. Ol i laik traim dispela samting long kamapim namba wan spot tonamen bilong Mumeng distrik long dispela mun Septemba.

Presiden bilong Mumeng Spot Kaunsil, Leo Jimmy, i tokim *Wantok* olsem em i redim olgeta dro bilong

pilai. Na ol ples insait long Mumeng i bekim pas i kam bek long em wantaim bikpela laik tru long dispela samting.

Leo i tok dispela tonamen bai karamapim piklai soka na basketbal. Ol meri bai pilai basketbal, na ol man bai pilai soka.

Long dispela taim yet i gat 14 tim i givim nem pinis long pilai. Tasol

presiden i tok i gat tupela moa tim i no kam yet. Dispela bai apim namba bilong ol tim go moa long 16.

Leo i tok ol tim bai kam long ol ples olsem Zenag, Patep Bris, Zenag Fam, Patep Munayu, Bundun, Parakris, Bupu na Yanta. Sampela ples bai i kam wantaim tupela na tripela tim.

## Ansa bilong ol nesenel soka selekta

### STORI BILONG PILAIA

YAKAM KELO i raitim

NEM: Nanai Dominic

PLES: Hap Milen Be na Sentrel provins

KRISMAS: 21

HEVI: 70 kilogram

LONGPELA: 170 sentimita

KLAP: Bilawawa Soka Klap

ASOSIESEN: Mosbi Soka Asosiesen (PMSA)

POSISEN: Straika

SKOARIM HAMAS GOL: 19 gol long PMSA soka resis. Dispela em long dispela yia tasol. Na i luk olsem em i winim olgeta fowat pilaia long skoarim kain namba bilong gol olsem.

WOK: Manki long haus

FEVERET PNG PILAIA: Ila llaita (olpela intanesenel pilaia)

FEVERET OVASIS PILAIA: Diego

Maradona bilong kantri Brasil

LAIKIM: Harim musik na pilai spot

DRIMAN: Laik kamap wanpela intanesenel soka pilaia long bihain taim.

STORI: Nanai i bin stat pilai soka long 1988 insait long Good Enough soka tonamen, em i save kamap long Mosbi long olgeta krismas. Long dispela taim, laik bilong em long pilai soka i wok long kirap na kamap strong.

Nanai em i wanpela manki husat i gat bikpela sans long kamap wanpela gutpela pilaia long bihain taim. Em i gat spit long ran. Na taim em i kisim bal long penalti eria, em i no save westim taim long skoa. Ol kik bilong em long umben i gat pawa. Olsem na planti fulbek i save painim hat long salens wantaim em.

Las wiken, em i kamapim tupela win bilong klap bilong em egensim PTC na GFC long Sarere. Nanai i bin skoarim tupela gol egensim PTC long moning. Na long apinun, em skoarim wanpela gol egensim GFC, we tim bilong em i winim tupela gem wantaim long wanpela de.



Ol stail bilong Nanai long pilai i pulim pinis ai bilong ol sapota na opisal long Bisini Soka Graun.

PNG nesenel tim i nogat top stre ka yet. Dispela em wanpela toktok bilong nesenel skoam Posman Kisakul. Ating boi ya i mas ansa bilong ol nesenel selekta.

# WINDSCREENS

*To suit most models*

FROM

# K250

Available at



## BOROKO MOTORS

**THE GOOD GUYS FOR BEST BUYS**



PORT MORESBY: 255255 LAE: 421144 RABAUL: 922777 KIMBE: 935566 MADANG: 822433 MT.HAGEN: 521433 HIGATURU: 297175 ARAWA: 951566 TABUBIL: 589061

**POM NETBALL ASSOCIATION DRAWS**  
(28/8/94)

<b>Major Semi Finals</b>	<b>Juniors</b>
A' Grade Time: 300pm	U/11 Time: 0930am
Raowai vs L/Telstar	L/Telstar vs St Peters
Div 2 Time: 200pm	U/13 A Time: 0930am
K Poti vs Paramana	Pitara vs L/Telstar
Div 3 Time: 200pm	U/13 B Time: 0930am
Trixie vs Raowai	Wardstrip vs St Pauls
Div 4 Time: 200pm	U/15 A Time: 1015am
4H/Delight vs W/Raiders	L/Telstar vs BB Kings
Div 5 Time: 200pm	U/15 B Time: 1015am
Gauvone vs 4H/Delight	Hagara vs Hohola
Div 6 Time: 200pm	U/17 A Time: 1015am
TST/Kempa vs Pelagai	A/Niugini vs S/BB Kings
Div 7 Time: 100pm	U/17 B Time: 1015am
P/Service vs Hi-Lift	Paramana vs M/Raicaone
Div 8 Time: 100pm	U/19 A Time: 1100am
Hi-Lift vs Mona	S/BB Kings vs Konepoti
Div 9 Time: 100pm	
Golo vs M/Kinikalana	
Div 10 Time: 100pm	
Atamasen vs P/Service	
Div 11 Time: 100pm	
Paramana vs Koboni	
Div 12 Time: 100pm	
Korobosea vs E/Eels	

NOTICE to Sunday competition clubs who are playing in the grand finals. The finals will be played next Sunday September 4, 1994.

**KAIRIRU ISLAND WOMEN BASKETBALL ASSOCIATION**  
Points Ladder for Rounds 1 and 2

Teams	P	F	A	W	L	D	F/F	P
Laulau Sisters	13	262	173	11	2			22
St. Xavier's	13	147	198	3	9	1		7
Medics	13	169	204	4	7	1		9
V Bees	13	156	165	3	6	1	2	9
Sarai	13	294	160	11	2			22
Lowek	13	167	149	6	3	1	2	17
Spring	13	167	185	4	6	2	1	12

**DRAW: Sunday 28/8/94**

Game One:	Lowek	vs	V-Bees
Two:	St. Xavier's	vs	Spring
Three:	Laulau	vs	Sarai

Medics: Bye.

**SYDNEY RUGBY LEAGUE**

**Last Weekend's Results**

Brisbane	17	Norths	0
Penrith	22	Balmain	10
Parramatta	40	Easts	13
Cronulla	26	Newcastle	4
Manly	38	Souths	10
St George	30	Gold Coast	20
Canterbury	26	Illawarra	16
Canberra	40	Wests	22

**POINTS LADDER**

Team	P	W	D	L	F	A	P
CANTEBURY	21	17	-	4	497	328	34
MANLY	21	16	1	4	587	290	33
NORTHS	21	16	1	4	469	269	33
CANBERRA	21	16	-	5	656	280	32
BRISBANE	21	12	1	8	503	310	25
Illawarra	21	10	3	8	464	373	23
Cronulla	21	11	-	10	390	401	22
Penrith	21	10	2	9	388	425	22
Souths	21	9	1	11	401	527	19
Newcastle	21	9	-	12	413	438	18
St George	21	9	-	12	364	449	18
Wests	21	6	2	13	427	610	14
Parramatta	21	6	1	13	427	610	14
Easts	21	5	1	15	314	485	11
Gold Coast	21	5	1	15	335	588	11
Balmain	21	4	-	17	287	601	8

**THIS WEEKEND'S DRAW**

Norths	vs	St George
Easts	vs	Gold Coast
Penrith	vs	Parramatta
Brisbane	vs	Balmain
Illawarra	vs	Newcastle
Wests	vs	Canterbury
Manly	vs	Canberra
Cronulla	vs	Souths

**COMBINED BANKERS RUGBY LEAGUE**

**Round Seven**  
Thursday August 25, 1994.

Time	Teams	Vs	Teams
6.30pm	WESTPAC	vs	AG Bank
7.30pm	BSP	vs	BPNG
8.30pm	INDOSUEZ	vs	PNGBC
*ANZ (Bye)			

**COMBINED BANKERS RUGBY LEAGUE SEASON 1994 RESULTS/LADDER**

RESULTS							
ANZ	32	bt	INDOSUEZ	16			
WESTPAC	11	bt	PNGBC	6			
AC Bank	20	bt	BPNG	14			
LADDER							
Teams	P	W	L	D	F	A	Pts
AG BANK	5	5	0	0	104	44	10
PNGBC	5	3	2	0	80	53	6
BSP	5	3	2	0	119	77	6
ANZ	6	2	3	1	100	138	5
BPNG	5	1	2	2	100	99	4
WESTPAC	5	1	3	1	63	95	3
INDOSUEZ	5	1	4	0	72	132	2

**KIUNGA LEAGUE GRAND FINALS Venue: Town Oval**

**Sun 28/08/94**

Time	Grade	Teams	Vs	Teams
1200pm	U/19	Magani	vs	United
0130	Res	Souths	vs	United
0330	A	Brothers	vs	Souths

All clubs to be ready to run on half and hour before scheduled kick off, so introductions and other formalities are not delayed.

**NCD BASKETBALL LEAGUE DRAWS (Round 3 Wk 4)**

**Mon 29/9/94**

6.00pm	P/Huon	vs	A/Niugini (Women)
7.00pm	P/Huon	vs	A/Niugini (Men)
8.00pm	B&H Jokers	vs	S/Chariot (Women)
9.00pm	B&H Jokers	vs	S/Chariot (Men)

**Wed 31/8/94**

6.00pm	V/Jets	vs	Bankers (Women)
7.00pm	V/Jets	vs	Bankers (Men)
8.00pm	OX & Palm	vs	Exodus (Women)
9.00pm	OX & Palm	vs	Exodus (Men)

**Wk 5**

**Mon 5/9/94**

6.00pm	B&H Jokers	vs	Bankers (Women)
7.00pm	B&H Jokers	vs	Bankers (Men)
8.00pm	P/Huon	vs	OX & Palm (Women)
9.00pm	P/Huon	vs	OX & Palm (Men)

**Wed 7/9/94**

6.00pm	A/Niugini	vs	S/Chariots (Women)
7.00pm	A/Niugini	vs	S/Chariots (Men)
8.00pm	V/Jets	vs	Exodus (Women)
9.00pm	V/Jets	vs	Exodus (Men)

**Wk 6**

**Mon 12/9/94**

6.00pm	V/Jets	vs	P/Huon (Women)
7.00pm	V/Jets	vs	P/Huon (Men)
8.00pm	Exodus	vs	S/Chariots (Women)
9.00pm	Exodus	vs	S/Chariots (Men)

**Wed 14/9/94**

6.00pm	A/Niugini	vs	Bankers (Women)
7.00pm	A/Niugini	vs	Bankers (Men)
8.00pm	B&H Jokers	vs	OX & Palm (Women)
9.00pm	B&H Jokers	vs	OX & Palm (Men)

**Wk 7**

**Mon 19/9/94**

6.00pm	B&H Jokers	vs	A/Niugini (Women)
7.00pm	B&H Jokers	vs	A/Niugini (Men)
8.00pm	V/Jets	vs	OX & Palm (Women)
9.00pm	V/Jets	vs	OX & Palm (Men)

**Wed 21/9/94**

6.00pm	Exodus	vs	P/Huon (Women)
7.00pm	Exodus	vs	P/Huon (Men)
8.00pm	Bankers	vs	S/Chariot (Women)
9.00pm	Bankers	vs	S/Chariot (Men)

**1994 NCD SCHOOLS JUNIOR VOLLEYBALL COMPETITION (Pre-match draw for weekend 28/08/94)**

Court	Under 13/14 Girls
8.00am	Hohola vs Tatana
10.00	Koki vs Kila Kila
12.00pm	Taurama vs Butuka

Court	Under 13/14 Boys
8.00am	Hohola vs Tatana
10.00	Koki vs Kila Kila
12.00pm	Taurama vs Butuka

Draw for matches on Court 3, 4, 5 will be made at the Court on payment of the normal Registration Fees.

**NATIONAL CAPITAL DISTRICT VOLLEYBALL ASSOCIATION**  
Venue: Sir John Guise Indoor Stadium  
Date: 20/08/4

**First Final: Qualifying Finals (2nd vs 3rd)**

Time	Division/Grade	Teams
9.00am	Womens - A/R	Lae Biscuits Lakers vs PTC Pages
11.00am	Mens - A/R	Lae Biscuits Lakers vs PTC Pages
01.00pm	Womens - A	Elcom Power vs NDC City Wara
03.00pm	Mens - A	Elcom Power vs Varsity

**PORT MORESBY TOUCH ASSOCIATION DRAWS**

**28/8/94**

FD1	Harbours vs Rebels	Mixed
FD2	Hyundai vs Dell	Mixed
FD	Defence vs Steelers	Mixed

FD1	B/Systems vs PA Ent	Mixed
FD2	Mobil vs Tigers	Mixed
FD3	Defence vs Steelers	Women

FD1	Dell vs SNHS	Women
FD2	PA Ent vs Rebels	Women
FD3	Harbours vs B/Systems	Women

FD1	Mobil vs Tigers	Women
FD2	Harbours vs B/Systems	Men
FD3	Mobil vs Tigers	Men

FD1	PA Ent vs Rebels	Men
FD2	Harbours vs B/Systems	Men
FD3	Defence vs Steelers	Men

**Round 6 Scores**

Mixed Women	Master Men
1. Dell - 43 points	1. S/Eagles - 44 points
2. Harbours - 40 points	2. Mobil - 41 points
3. PA Enterprise - 40	3. Harbours - 41
4. Hyundai - 33	3. PA Enterprise - 40
4. S/Eagles - 32	4. B/Systems - 35
5. B/Systems - 29	5. Tigers - 28
6. PTC - 23	6. Dell - 26
7. Steelers - 22	7. Hyundai - 24
8. Mobils - 19	8. BP - 23
	9. PTC - 23
	9. PNGBC - 22
	Steelers - 22

Master Mixed	O/Mens
1. Mobil - 44 points	1. Harbours - 37 points
2. S/Eagles - 36	2. Rebels - 36
3. Harbours - 34	3. B/Systems - 34
4. PA Ent - 33	4. Dell - 32
5. Dell - 29	5. Defence - 29
6. B/Systems - 29	6. Steelers - 28
7. Steelers - 24	7. PA Ent - 27
8. Tigers - 20	8. Hyundai - 24
9. Hyundai - 17	9. Mobils - 13
10. BP - 16	10. Tigers - 19
	11. SNHS - 17

Open Women	O/Mixed
1. Harbours - 38	1. Dell - 37
2. Hyundai - 37	2. Defence - 34
3. PA Ent - 36	3. Harbours - 31
4. Dell - 33	4. PA Ent - 30
	Rebels - 30
5. Rebels - 31	5. B/Systems - 28
6. B/Systems - 25	6. Steelers - 26
7. Mobil - 23	7. Mobil - 23
8. Tigers - 22	8. Hyundai - 19
9. Steelers - 21	9. Tigers - 15
10. Defence - 13	
11. SNHS - 17	

**AUSTRALIAN FOOTBALL LEAGUE DRAW**

North Melbourne v Fitzroy; Carlton v Richmond; St Kilda v Collingwood; Footscray v Melbourne; Geelong v Sydney; Brisbane v Hawthorn; Adelaide v Essendon. Bye: West Coast.

**POINTS LADDER**

Teams	P	W	D	F	A	Pts
West Coast	21	15	-	1961	1526	60
Carlton	20	14	-	2128	1646	56
Footscray	20	12	-	1949	1717	48
Collingwood	20	12	-	1867	1803	48
Richmond	20	12	-	1890	1835	48
North Melbourne	20	11	-	2097	1712	44
Melbourne	20	11	-	1952	1647	44
Geelong	20	11	-	2121	1910	44
Hawthorn	20	11	-	2020	1867	44
Essendon	20	10	-	1937	1942	40
Brisbane	21	9	-	1849	2093	36
Adelaide	20	8	1	1714	2035	34
St Kilda	20	5	1	1579	2225	22
Fitzroy	20	5	-	1550	2156	20
Sydney	20	4	-	1767	1167	16



• Stail bilong ol manki Kurti Andra na Sobou long las wiken gem bilong Mosbi soka resis long Bisini ska graun. Boi Kurta Andra (raithan) pulim nbal long lep lek i go daun long eria bilong Sobou. Tasol tupela boi Sobou i rere pinis long autim bal.

# 1994 pablik sevan soka gat senis

## YAKAM KELO i raitim

PABLIK Sevan soka resis long Mosbi i redi long kamap gen long dispela yia we NCDC tasol i rejistaim pinis tim bilong em. Dispela em i wanpela bikpela soka resis we i save bungim olgeta wokman na meri woka bilong ol gavman dipatmen, wantaim ol stetuteri bodi long taim sisen bilong soka i pinis.

NCDC i rejistaim nem bilong em pinis wantaim K300 afiliesen fi bilong em long traime bun wantaim ol arapela pablik sevan soka tim long dispela yia. Dispela pilai i save kamap long mun Novemba na go pinis long Februari bilong narapela yia.

Presiden bilong Pablik Sevan Soka Asosiesen (PSSA), Francis Kasau i tok PSSA bai traime pasim gut toktok wantaim Mosbi Soka Asosiesen (PMSA) long yusim Bisini Soka Graun long pilai.

## PSSA bai tambuim pikinini bilong ol pablik sevan woka long pilai

Taim pablik sevan soka resis i bin stat long 1990, pilai i save stap long soka graun bilong Klap Jemenia long Waigani. Tasol bihain long paia i bin bagarapim Klap Jemenia, dispela ples i no inap gutpela moa long pulim ol manmeri i go long pilai na tu long lukim pilai.

Kasau i tok PSSA i gat gutpela wok poroman wantaim PMSA. Na em i save olsem toktok bai go orait long pilai bilong PSSA i ken kamap long Bisini.

Long las yia, PNGBC Beng i bin winim dispela resis bilong ol man. Na PTC Telekom i autim taitel bilong ol meri. Olsem na tupela tim ya bai pilai hat gen

long winim bek dispela taitel long ol arapela klap husat bai traime hat stret.

PSSA i mekim pinis sampela senis long ol rul bilong dispela resis.

- PSSA i laikim bai tripela PMSA pilai long primia divisen tasol i ken pilai long wanpela gem. Ol arapela PMSA pilai long ol lowa divisen na wimens divisen i no gat lo i tambuim ol,
- PSSA bai tambuim pikinini bilong ol pablik sevan woka long pilai. Dispela em long givim moa spes long ol wokman na meri long pilai.
- PSSA bai givim 3 poin long tim i winim gem, 2 poin long tupela tim i dro wantaim skoa, 1 poin long tupela tim i dro na i no gat sko na nogat poin long tim i lus long gem.

Dispela pilai bai stat long Novemba 5 na go pinis long mun Februari long 1995. Bai i gat sisen propa resis pastaim. Na bihain olgeta tim bai go insait gen long PSSA Kap resis.

# Golo na Koupa no baim fi

GOLO na Koupa soka klap bai bungim bikpela hevi long fainal nokaut bilong Mosbi soka resis, sapos tupela i no baim hap fi i go long PMSA.

Golo na Koupa i stap antap long lata bilong primia 2 divisen. Na tupela i gat olgeta sans bilong go insait long nokaut long neks mun.

Na go insait tu long gren fainal.

Tasol rekot bilong PMSA i soim olsem tupela klap ya i no baim yet sampela fi bilong klap afiliesen, na pilaia rejistresen fi i go long asosiesen. Olsem na dispela hevi i ken bagarapim sans bilong tupela klap ya long pilai insait long ol nokaut

long neks mun.

Seketeri bilong PMSA, Moijek Selsel i tok husat klap i no baim yet rejistresen fi bilong ol pilaia, na tu hap afiliesen fi i mas stretim hariap long olgeta tim i go insait long nokaut. Sapos no gat, bai PMSA i rausim ol klap ya long fainal 5 tim. Na putim ol ara-

pela tim husat i stap bihain tasol na baim pinis ol fi long stap insait long fainal 5 tim.

Moijek i tok sapos ol arapela tim tu husat i no stap insait fainal 5 tim tasol i no baim tu ol dispela fi, bai ol i no gat sans long kam bek neks yia long PMSA resis.

# Soka kamap strong long ol liklik senta

NESENEL Anda 20 soka sempionsip las wik long Lae i bin soim tru olsem ol liklik soka provins i wok long kamap strong nau.

Ol liklik senta olsem Enga, Kimbe, Simbu na Popondeta i bin kamapim planti gutpela kik na stail tru insait long dispela sempionsip. Dispela kain pilai i givim hat taim stret long ol bikpela senta olsem Lae, Hagen, Madang na Mosbi long autim tiket bilong ol.

Seketeri bilong Papua Niugini Futbol Asosiesen (PNGFA), Don Sigamata, i tok em i amamas tru long lukim olsem ol liklik provins tu i wok long kamap strong. Olsem na ol i mas holim kain pilai bilong ol i stap.

Bikos ol bai kamapim gutpela senis long kantri bihain.

Sigamata i tok ol arapela senta olsem Morobe Kantri, Manus, Rabaul, Sentrel, Goroka, Wewak na Vanimo i mas bel kirap long dispela. Na traime long kamap long ol kain tonamen bilong junia long bihain. Bikos ol liklik senta tu i wok long kamap gut long pilai soka.

Dispela em i namba tu taim bilong Enga long go insait long kain gren fainal, na winim long namba wan taim. Dispela em i namba wan taim bilong Enga long winim gren fainal resis bilong Nesenel Anda 20 taitel long las wiken egensim Lahi.

Ripot i tok tupela senta ya i pilai long gren fainal i go long ful taim we no gat tim i skoa. Tupela i go long ekstra taim na nogat. Olsem na tupela i go moa long penalti kik.

Insait long dispela, Enga i autim tiket bilong Lahi 4-3.

Enga i kisim K600 prais mani long kamap namba wan. na Lahi i kisim K250 long kamap namba tu long tonamen.

Narapela senta em Simbu husat i kamap namba 3 long dispela tonamen. Em i kisim K150 prais mani. Simbu tu i soim planti gutpela stail na gem long dispela taim.

Narapela soka senta, Kimbe i bin kamap namba 4 long dispela tonamen bihain long em i kamapim planti gutpela kik na stail tru long autim tiket bilong ol arapela bikpela soka provins. Kimbe i lusim hap gem i stap. Bikos taim bilong ol long kalap long sip na go bek long Kimbe. Kimbe i kisim K50 prais moni wantaim wanpela tropi.

Arapela senta husat tu i kamap long dispela tonamen i kisim wan wan tropi long Nestle Milo, husat i sponsaim dispela tonamen bilong ol yangpela. Nestle Milo i bin helpim dispela tonamen wantaim K1,000. brukim long ol tim, na tu em i baim ol tropi.

# Gutpela long bungim Anda 20 tim long bihain

TINGTING bilong biknem soka pilaia na opisal bilong Sentrel rijon, Scot Vavine long bungim ol dispela manki insait long PNG Anda 20 skwat long ol yia bihain i gutpela. Scot ting olsem sapos skwat i stap wantaim long ol arapela yia bihain, bai ol i save gut long pilai bilong arapela, na tu ol bai kisim ol nupela trening.

Scot i ting olsem dispela tingting i mas kamap. Bikos kain rot tasol i ken kamapim strongpela tim bilong makim PNG insait long ol bikpela tonamen olsem Saut Pasifik Gem, Melanesian Kap na Osenia Tonamen long bihain.

Dispela em wanpela rot we ol arapela kantri olsem Solomon Ailan long Pasifik Rijon, Gana long Afrika na Ajentina long Saut Amerika na ol arapela kantri tu i save bihainim. Long dispela as, ol dispela kantri save kamapim gutpela na strongpela pilai.


Long dispela nesenel bodi

bilong soka, PNGFA i no sanap strong yet long kamapim tru olgeta tingting na plen bilong em. Sampela kain tingting olsem i stap, tasol rot bilong kamapim i no strong tumas.

Mi i glasim olsem taim biknem soka pilaia na opisal, Andrew Waho i dai, planti gutpela tingting na ol wok em i redim bilong PNGFA i karimaut i dai tu wantaim. Olsem na long dispela as, planti soka pilaia i no klia long wanem as tru na Benson & Hedges (B&H), kampani husat i save givim sponsa long PNGFA i stapim sponsa bilong em long dispela. Ating Andrew Waho i bin wokim sampela plen bilong karimaut long kirapim soka insait long kantri bihainim mak bilong dispela sponsa. Tasol nau olgeta dispela rekot i no stap moa.

Sapos PNGFA i laikim dispela tingting bilong Scot Vavine, em i mas painim rot nau long strongim na mekim em i kamap

## GLASIM PILAI



tru. PNGFA i ken makim wanpela hap tasol bilong holim trening kem. Na olgeta pilaia i ken bung long dispela hap we PNGFA i makim bilong trening i stap long en. Dispela i bilong sevim mani.

Narapela tingting tu em long nesenel kosa i mas raun long ol hap we skwat memba bilong em i stap. Na em i ken bungim ol, na givim trening long ol. Em i mas mekim olsem tupela taim long wanpela yia na narapela tupela taim gen, em i ken bungim olgeta pilaia long dispela hap PNGFA i makim long skwat i bung long trening.

Papua Niugini em i liklik kantri. Na i wok long go insait long planti nupela senis long wok bilong spot. Olsem na sampela bilong ol dispela senis, mipela i no ken larim i go lus nating. I gutpela mipela i traime na sapos mipela i no wokim gut long en, bai mipela i ken luksave long ol dispela asua na stretim gen long bihain.

Olsem na dispela tingting bilong kamapim wanpela nesenel skwat bilong anda 20, na holim ol pas long ol yia bihain i gutpela tingting, na rot bilong bihainim nau na kamapim sampela gutpela senis insait long wok bilong soka long PNG.

PNGFA i mas kamapim moa soka tonamen bilong ol junia insait long kantri yet bai dispela i kirapim tru bel na tingting bilong ol yangpela long pilai. Na kamapim gutpela pilaia long makim kantri.

Wanpela tonamen tasol insait


long wanpela yia i no gutpela tumas. Bikos taim ol yangpela i pilai pinis. Na i go bek long wanwan asosiesen bilong ol yet, laik bilong ol i pinis na ol bai stap nabaut na wetim gen neks yia long wankain tonamen bilong junia resis.

Nau em i taim bilong PNG tu long kamapim moa senis long level bilong ol kosa. Mipela i mas kamapim gutpela na nambawan kosa insait long kantri long bringim kamap sampela gutpela senis insait long wok bilong kosa.

Dispela em i bikpela samting tru long poroanim developmen bilong soka insait long junia level, wimens na sinia man. Gutpela kosa i ken kamapim gutpela stended na pilai insait long olgeta divisen bilong pilai insait long kantri.

Sapos dispela i kamap, bai yu ken lukim tru kaikai bilong ol dispela samting long taim bilong nesenel sempionsip.

# WANTOK SPOTS



## OL SEMPION BOI BILONG LAE



• Dispela em ol boi nogut husat i bin makim Lae Futbol Asosiesen (LFA) long Momase rijonal soka tonamen long Madang, las yla.  
 Ol i bin dro wantaim Madang. Na long ekstra taim, ol i win 1-0. Long dispela yia, ol i soim wankain stail na winim gen dispela taitel egens Lahi.

### PORT MORESBY SOCCER ASSOCIATION Saturday August 27, 1994.

Time	Teams	vs	Teams	Division
<b>Bisini No: 1</b>				
7.00am	Westpac	vs	Momase	U19/2
8.00am	Golo	vs	GFC	U19/1
9.00am	Defence	vs	Tarangau	W2
10.00am	PTC	vs	Sobou	W1
11.00am	Kuri-Andra	vs	Golo	D3
12.10pm	PS Roots	vs	Momase	D1
1.20pm	PTC	vs	Maset	P2
2.55pm	Rapatona	vs	Guria	P1
4.30pm	Cyclone	vs	B/Brothers	D2

Time	Teams	vs	Teams	Division
<b>Bisini No: 2</b>				
7.00am	Waliya	vs	Moukasi	U19/2
8.00am	Rapatona	vs	Guria	U19/1
9.00am	Togelu	vs	Blue Kumuls	W2
10.00am	Guria	vs	Wanzesi	W1
11.00am	GFC	vs	PTC	D3
12.10pm	Babaka	vs	Amazon Bay	D1
1.20pm	Moukasi	vs	Defence	P2
2.55pm	GFC	vs	Kuri-Andra	P1
4.30pm	Magi Rangers	vs	Nasemo	D2

### Sunday August 28, 1994.

Time	Teams	vs	Teams	Division
<b>Bisini No: 1</b>				
7.00am	Defence	vs	Dela Salle	U19/2
8.00am	Blue Kumuls	vs	PTC	U19/1
9.00am	Gerehu High	vs	Kuri-Andra	W2
10.00am	LSC	vs	Sunam	W1
11.00am	Guria	vs	Masters	D3
12.10pm	Batisalam	vs	STC	D1
1.20pm	Koupa	vs	Tarangau	P2
2.55pm	Uni	vs	Blue Kumuls	P1
4.30pm	Cloudy Bay	vs	Togelu	D2

Time	Teams	vs	Teams	Division
<b>Bisini No: 2</b>				
7.00am	Sobou	vs	Koupa	U19/1
8.00am	Masters	vs	STC	W2
9.00am	Murat	vs	Moukasi	W2
10.00am	GFC	vs	Keezhang	W1
11.00am	ni	vs	Waliya	W1
12.10pm	Hoods	vs	Keweh	D1
1.20pm	Wanzesi	vs	Golo	P2
2.55pm	Westpac	vs	Sobou	P1
4.30pm	Waliya	vs	Murat	D2

### Midweek Game

### Tuesday August 30, 1994.

Time	Teams	vs	Teams	Division
<b>Bisini No: 1</b>				
4.30pm	Kuri-Andra	vs	Magi Rangers	U19/2
<b>Bisini No: 2</b>				
4.30pm	PS Roots	vs	Bilwawa	D3
<b>Wednesday August 31, 1994.</b>				
<b>Bisini No: 1</b>				
4.30pm	Blue Kumuls	vs	Bisir	
<b>Bisini No: 2</b>				
4.30pm	Defence	vs	STC	
Bye: Uni	U19/1			
Sunam	D1			

# PNG U20 TIM

## YAKAM KELO i raitim

NESENEL kosa bilong Anda 20 soka skwat, Ludwig Peka i tok bai ol manki insait long PNG Anda 20 skwat bung long Mosbi long Septemba 9 long trening. Dispela trening bai i stap inap long Septemba 18 we ol bai kisim balus na go long Fiji. Na pilai insait long Osenia Anda 20 tonamen long Septemba 22.

makim skwat pinis bihainim wanwan seksen em i laikim bai ol i pilai long en. Na dispela em skwat i kamap bihainim gem plen bilong em. Olsem na em i amamas long dispela skwat. Na bai traim long bungim na wok klostu wantaim ol bihainim dispela plen. Ludwig i askim Papua Niugini Futbol Asosiesen (PNGFA) long traim toktok gut

## Nem bilong ol pilai:

Ol selekta i makim pinis 22 pilaia insait long bikpela nesenel sempionsip las wiken long Lae.  
**Abia Abia, 10. Morawa Gogoa, 11. Bob Tapap, 12. Tetac Panga, 13. Onne Geno, 14. Nasa Wangu, 15. Lambu Giayo, 16. Severan Menegas, 17. Robert Malwok, (straika) 18. Chris Katakah, 19. Harold Kwambara, 20. Mathew Apisah, 21. Steven Ludwig, 22. Fred, 8. Emmanuel Liosi, 9. Leslie Ikum.**

wantaim Nestle Milo kampani na holim dispela sponsa. Ludwig i tok Nestle Milo i bin soim pinis laik long sponsarim

nesenel anda 20 sempionsip las wiken long helpim junia spot insait long Papua Niugini. Olsem na PNGFA i mas toktok gut wan-

Lae wantaim K1,000 prais mani. Na ol tropi bilong olgeta senta husat i pilai long dispela tonamen. Dispela laik na interes

taim menesmen bilong dispela kampani na traim holim sponsa bilong ol long junia soka developmen insait long kantri, Ludwig i tok.

Ludwig i mekim i kamap pinis wantaim dispela kampani long bikpela tok amamas na tenkyu i go long Nestle Milo long luksave long dispela soka tonamen bilong ol yangpela na kam insait na givim helpim. Seketeri bilong PNGFA, Don Sigamata tu i mekim bikpela

tok tenkyu i go long Nestle Milo long givim helpim long dispela tonamen bilong ol yangpela long las wiken.

Sigamata i tok, toktok long bilong nesenel kosa bilong anda 20 i gutpela. Na em bai traim toktok wantaim PNGFA presiden, Peter Mommers, long stretim dispela rot. Bihain em i ken kam bek na tokaut long wanem samting PNGFA i traim long mekim long toktok wantaim Nestle Milo.

## Semi fainal bilong Goroka soka kamap gen

GOROKA soka resis i pinisim ol nokaut bilong em, na redi long go insait long gren fainal long Septemba 4, 1994. Las wiken, tupela biknem tim bilong Goroka, Rapatona na Kalibobo i go long semi fainal long painimaut wina bilong bungim Guria long gren fainal. Dispela gem i bin go strong tru. Na strong bilong tupela wantaim i go wankain. Rapatona i go skoa tasol Kalibobo tu i go na skoa. Taim Rapatona i skoarim namba tu gol bilong em, Kalibobo tu i mekim

wankain. Na putim bal i go insait long umben bilong Rapatona na skoa i go wankain 2-2 long ful taim. Tasol i bin gat liklik komplek i kamap. Na dispela pilai i no pinis gut long painim aut tru wina bilong go insait long gren fainel egens Guria. Presiden bilong Goroka Soka Asosiesen (GSA), John Wokenuwe, i tok bai eksekutiv bilong GSA i sindaun long dispela wik. Na stretim dispela hevi na larim tupela tim ya i pilai gen long dispela wiken.

John i tok dispela wiken em taim bilong pilai gren fainal bilong olgeta divisen. Tasol tupela prima tim ya i holim gen gem bikos long dispela hevi. Insait long semi fainal bilong prima risev, PTC i lusim telepon waia bilong Elcom wantaim 2-1 skoa long ful taim. Olsem na PTC bai traim katim telepon waia bilong lait haus bilong Kalibobo long Septemba 4 gren fainel. Long wimens divisen, Guria nekim Kalibobo 4-0. Na em bai traim long mekim

telepon waia bilong ol meri PTC i guria long gren fainel. PTC i wetim gren fainel tasol em i mas lukaut gut bikos no gut Guria i rausim waia bilong PTC. Anda 19 bilong PTC bai bungim Rapatona long gren fainal bihain long Rapatona i autim tiket bilong Kalibobo long las wiken. Rapatona i bin skorim wanpela gol tasol. Na em i autim tiket bilong Kalibobo. Olsem na em bai bungim PTC husat i bin go pas na sindaun wetim gren fainal i stap.

# PNG LAIPSTAIL

## Kas bilong kolples Goroka

SAPE METTA i raitim

NAMBAWAN ples long Hailans bilong Papua Niugini - Goroka, i gat planti gutpela samting em ol turis bai amamas long lukim. Ples tu i klo na i nais tru long stap amamas na raun we yu no inap long pilim hot.

Goroka taun yet i karim nem nau olsem wanpela klin taun insait long kantri tude. Na tu ol pablik samting bilong yusim ol rot bilong ka na bilong ol manmeri na pikini-ni long wokabaut, ol lait arere long rot, wantaim o, arapela samting i mekim Goroka i kamap nambawan tru.

Dispela em sampela samting i mekim Goroka taun i narakain tru long ol arapela. Narapela samting em taun i nogat ol bikpela raskol pasin olsem ol arapela taun i save bungim. Na dispela em i wanpela gutpela samting tru we planti manmeri i save laikim long kolples Goroka.

Dispela em kain piksa bodi i lukautim Goroka i laik kamapim bikpela moa. Na i laik salim long ol visita, turis na bisnis manmeri husat i laik go long Goroka. Astingting bilong dispela em long bringim moa laip i go bek long Goroka.

Nem bilong dispela bodi em Isten Hailans Kapitel Atoriti. Atoriti i stat pinis kempen long dispela.

Atoriti i les pinis long ol ausait lain na grup long kirapim na apim nem bilong Goroka. Olsem na em i go pas nau long mekim dispela wok.

I no longtaim i go pinis, atoriti putim aut wanpela tu minit vidio o piksa long Isten Hailans provins. Piksa i soim ol gutpela ples em ol turis i ken lukim, ol kain kain spot bilong pilai, tumbuna o kastom pasin, ol stail hap olsem Yonki hai dro pawa i go olsem long Kassam Pass.


Dispela edvetismen o piksa i save kamap long EMTV long promotiom piska bilong Goroka na Isten Hailans provins.

Siaman bilong atoriti, Steven Pupune tok, taim Talair balus kampani i pasim opis long Goroka, planti toktok i kamap olsem ol arapela bisnis tu i lusim Goroka. O ol il s long go bek na wokim bisnis long Goroka.

Het opis bilong Talair balus kampani i bin stap long Goroka.

Mista Pupune tok prais bilong EMTV edvetismen em samting olsem K1,000. Na bai kamap long 6-pela wik olgeta. Tasol dispela em i liklik mani sapos yu makim wantaim gutpela bekim dispela tu minit edvetismen bai bringim i go long ol pipel.

Mista Pupune i tok long planti bisnis kampani na grup, ol i kisim rong tingting o toktok. Bikos bisnis wok long Goroka i kamap strong yet. Na tu moa bisnis wok i kamap nau long Goroka. Dispela em bihain long Talair balus kampani i pasim opis.



• (antap-raithan) - Gavman i bin save na makim Goroka Tisa Koles long hap. Bikos ples i kol, na ol studen bai skul gut. Tisa Koles i kamap olsem namba tri yunivesiti nau.

• (aninit) - Ol Asaro graunman save pulim planti turis stret. Lukim ol long 1994 Goroka So, em klostu bai kamap.

Mista Pupune tok namba bilong ol liklik stua i kamap bikpela nau. Na tu ol stua bilong kukim ol kaikai na salim i planti nau. Ol arapela sapot bisnis na sevis i groa tu.

Em i tok prais bilong kopi i bin stap daunbilo tru long sampela yia i go pinis. Na dispela i mas stapim sampela bisnis wok long kamap bikpela. Tasol prais bilong kopi i kamap gutpela pinis. Na dispela i kirapim gen ol bisnis wok insait long Goroka taun, na ol arapela hap bilong Isten Hailans provins.

Long soim olsem dispela kempen i no long apim gutpela nem tasol, tasol piksa bilong trupela laip, Mista Pupune, i givim mani pinis long wanpela nupela viles progrem. Dispela em long bringim 9-pela ples arere long taun long kam bung wantaim aninit long lukaut bilong atoriti.

Dispela em progrem bilong kisim ol plisman bilong ples. Ol plisman i go traun nau na sasim ol pipel nusat i nogat toilet, na ol pipel husat i brukim lo olsem lukautim mariwana, salim bia long blak maket, na pilai laki long mani.

Ol dispela samting wantaim 6 tu 6 danis em atoriti i stapim pinis.

Mista Pupune i tok ol liklik samting we i save kamapim raskol pasin i mas stap pastaim.

Bai ol ausait manmeri i ken pilim olsem ol i pilim orait, taim ol i kamap long Goroka.

Long olgeta de, ol wokman save planim tu ol flaua arere long ol simen bilong wokabaut i go i kam long taun eria. Ol wokman i stretim ol hap bilong planim plaua.

Atoriti i toktok tu wantaim sampela pipel bilong ples. Dispela em long kisim sampela hap graun. Atoriti i laik opim taun i go bikpela. Bai ol bisnis kampani i ken lukim na go long Goroka.

Mista Pupune i tok sampela hai komisina o mausman bilong ol ovasis kantri long PNG i askim long graun. Bai ol bisnis i ken go wok long Goroka. Mista Pupune tok dispela i soim olsem Goroka i groa yet.

1994 em Goroka So yia tu. Na ol samting atori i mekim i bihain stret kempen bilong so komiti. Dispela em long pulim moa turis i kam insait long Goroka. Na bai senisim tingting na stap longpela taim long Goroka.

Mista Pupune i tok Goroka i nogat ol longpela haus olsem Mosbi, na tu ol maining projek. Tasol ol liklik senis i kamap i bilong givim sans long ol yangpela manmeri long painim wok, kisim mani na stap amamas.



# Las brata belhat na kilim man nogut

WANPELA taim 5-pela brata i bin stap long ples Kewe insait long Sauten Hailans provins. Ol dispela brata i save stap gut tru na ol i save wokim bikpela gaden na i gat planti kaikai bilong ol long kaikai.

Long wanpela taim, bikpela brata i tokim arapela 4-pela brata bilong em olsem em bai go long wanpela hap ples na wokim nupela gaden. Na ol arapela brata i redim ol kaikai, spia na bunara bilong em long karim i go.

Long bikmoning taim tru bikpela brata i kirap karim ol kaikai na samting bilong em na wokabaut i go. Em wokabaut i go long wanpela hap bus na em i lukim wanpela bikpela pisin. Bikpela brata i kirap redim bunara na spia long sutim pisin ya. Tasol pisin ya harim nais na kalap i go long narapela hap han bilong diwai.

Taim em i painim pisin ya i go, em i lukim wanpela liklik manki i wok long katim diwai stap. Bikpela brata i kirap na wokabaut i go klostu long em na askim em long em i katim diwai ya long wanem samting.

Liklik manki ya i tok

em i katim diwai long kisim ol binatang bilong diwai. Em i tok papamama bilong em i go long wanpela ples long wokim bikpela kaikai na em i les olsem na em i kam katim diwai long kisim ol binatang.

Nau liklik manki ya askim bikman ya long helpim em na subim han i go insait long hul bilong diwai ya na holim ol binatang. Bikpela brata i harim tok na subim han i go insait long hul bilong diwai. Tasol liklik manki hariap na lusim tamiok long diwai na diwai ya i kam bek na pasim han bilong bikpela brata ya.

Manki ya i go na tanim kamap bikpela man tru na taim bikpela brata ya i lukim olsem em i paul olgeta. Man ya holim tamiok tasol na brukim het bilong bikpela brata na em i dai. Em karim bodi bilong bikpela brata ya i go na kaikaim em.

Narapela 4-pela brata i stap long haus na wetim bikpela brata tasol em i no kam olsem na ol i salim namba tu brata i go long painim bikpela brata bilong ol. Namba tu brata i go na kamap long dispela hap manki ya i wok long katim diwai na painim

binatang i stap.

Nau manki ya i lukim namba tu brata bilong man ya na askim em long helpim em na putim han i go insait long hul bilong diwai na pulim ol binatang i kam ausait. Namba tu brata i harim tok na mekim. Taim em i putim han bilong em i go insait long diwai, manki ya hariap kwik-taim tru lusim tamiok na diwai kam bek na holimpasim han bilong namba tu brata na han bilong em i pas insait long diwai.

Manki ya giaman i go lonwe liklik na tanim i go kamap wanpela bikpela man tru. Na em i kam bek na kisim tamiok na brukim het bilong namba tu brata. Em kilim em pinis na kisim bodi bilong em i go na kaikaim.

Tripela brata i stap long ples i go nogat na ol i salim namba tri brata i go long painim tupela bikpela brata bilong ol. Em i go na kamap long dispela hap we manki ya i wok long giaman na painim binatang i stap. I no longtaim na manki ya i giamanim namba tri brata long wankain rot na kilim em. Na kaikaim bodi bilong em.

Namba 4 brata i lusim ples i go long painim

tripela bikpela brata na wankain samting i kamap tu long em. Em tu i dai na las brata tasol i stap long ples. Em i wetim ol bikpela bilong em i go nogat na em i plen long em bai go painim ol long arapela de.

Long bikmoning tru long arapela de, em i lusim ples na wokabaut i go long painim ol brata bilong em. Em wokabaut i go na em i harim wanpela nais. Em nau, em i wokabaut i go klostu na lukim wanpela bikpela man tru i wok long katim diwai stap. Dispela taim, man ya i no bin harim nais bilong las brata i wokabaut i go. Olsem na em i no tanim olsem liklik wanpela manki.

Las brata wokabaut isi tasol i go na kamap long man ya. Em nau las brata ya i askim bikman ya long em mekim wanem samting. Bikman ya i tokim em olsem em i wok long katim diwai na kisim ol binatang. Em askim las brata long helpim em na subim han i go insait long diwai na pulim ol binatang i kam ausait. Tasol las brata i tokim em olsem em liklik manki tumas na han bilong em i no inap long go insait long

diwai.

Man ya i toktok strong long em i mas helpim em. Tasol las brata i strong na bikman ya i subim han bilong em yet i go insait. Han bilong bikman ya i pas long wanpela hap bilong diwai na diwai ya i kam daun na pasim han bilong em. Em i taitim bun long pulim han bilong em i go i no inap na em askim manki ya long helpim em. Tasol manki ya i sotpela. Olsem na em i no inap long subim tamiok i go insait na hapim diwai. Bikos diwai bikpela na hevi nogut tru.

Olsem na bikman ya i kirap na tanim kamap olsem wanpela liklik manki long mekim las brata ya i mas helpim em. Long dispela taim las brata i lukim olsem dispela bikpela man i tanim kamap olsem wanpela liklik manki. Na em i kisim tingting olsem dispela man tasol i mas giaman olsem na kilim ol brata bilong em. Las brata kirap tasol na kisim tamiok na brukim het bilong man ya na em i dai olgeta. Na em i lusim bodi bilong man ya i stap ne em i ranawe i go long ples.

Nelson Goyana LAE



Kanage i bilong Sentral provins. Nem bilong em Lohia. Na nem bilong liklik brata bilong em Igo. Wanpela taim na pikinini man Lohia i stap long Buka i salim tok long tupela (Lohia na Igo) i mas go long Buka long lukim em. Em nau tupela baim tiket bilong balus na tekov i go long Buka. Balus i go kamap long Buka na tupela ausait na wokabaut i go long bas stap. Tupela kalap long wanpela PMV bas na go long taun. Long namel long taun na ples balus, taim draiva i kamap long ol bas stap, em i singaut "long hia" na ol pasindia i tok "igo." Taim bas draiva i askim "long hia", Lohia i tokim Igo olsem: Hei Tura, man ya kolim nem bilong mi ya. Taim ol pasindia i tok "igo", Igo i tokim Lohia olsem: Hei Tura, ol lain ya kolim nem bilong mi ya. Dispela pani samting i kamap olsem i go inap long taun. Bas i go kamap long taun na Lohia na Igo i bungim pikinini man bilong tupela na ol i go long haus. Taim ol i sindaun long haus i stap na stori, Lohia i tokim pikinini man bilong tupela olsem: Man, taim mipela kalap long bas long ples balus na ron i kam long taun, dispela bas draiva i wok long kolim nem bilong mi. Na ol arapela pasindia i wok long kolim nem bilong ankol bilong yu Igo. Pikinini man bilong tupela harim olsem na tokim tupela: Stap isi, em i no Mosbi siti. Dispela em Buka ya. San i save kamap hariap na i save go daun hariap.

Misus Kanage WEWAK


Kanage i bilong Wabeg na i save stap long 8 strit long Lae. Wanpela taim em i go sanap arere long wanpela stua bilong ol Wabeg ol i save kolim The WOK. Em sanap i stap na wanpela yangpela meri long Skul ov Nesing i wokabaut i kam na i go insait long dispela stua. I no longtaim na meri ya wokabaut i kam ausait. Kanage sanap lukluk long meri ya i go na em i pilim narakain olgeta. Tuhat i pulap long skin bilong em na em i pilim olsem em i laik dai. Nau Papa Kanage kirap na tokim meri ya olsem: Maski ya susa, yu kalim stlet ya. Meri ya tanim na tokim Kanage long tok Inglis olsem: Too bad my friend. Kanage harim em tok olsem na em i ting olsem meri ya tokim em long go long haus na wokim tupela bed. Em nau Kanage siksti go long haus na wokim tupela bed. Na em i ron i go bek na tokim meri ya olsem em i wokim tupela bed pinis. Taim em i tokim meri ya, meri ya kirap na tokim em: Ating yu no bin go long skul na wokim gred 1 o 2. Yu mas drop aut long Sande skul ya.

Papa Kela LAE

Kanage i save stap long Madang. Wanpela taim em i go waswas long solwara long masin gan nambis. Em waswas i stap na tupela meri Papua i skul long Madang Tisa Koles i limlimbur i kam. Kanage lukim tupela meri Papua ya na giaman singaut: Ai o, dispela kain stail na pasin tasol na mi save tok ya. Maski ya, prais bilong em winim prais bilong liklik tinpis yu ya. Tupela meri Papua ya save olsem Kanage toktok long tupela. Olsem na wanpela wokabaut i go long Kanage na tokim em: Bras, yu save pinis-Papua ya Papua. Sapos yu laik kisim, yu mas baim kain samting olsem bulldosa na balus. Kanage tingting i go na lap nogut tru na kirap tokim meri Papua ya olsem: Dispela em long yupela ol Papua yet. Sapos yupela traim mipela ol Momase, tripela wara wantaim (Makham, Ramu na Sepik) bai tait na yu bai painim hat stret long slip. Yu bai sindaun, sanap o slip na kalap i go i kam inap san i kam antap long narapela de.

Wantok Reader WEWAK

## SKRUIM TOK



31. Kasang.
34. .... skin.
35. Hap bilong bodi i gat wok long harim.
36. Ministri i lukautim ol diwai.
37. Mista (Tok Inglis)
38. Wanpela diwai.
40. Ples bilong ol klaut.
42. Yu no ken wari.
44. Taim sip i kam sua, ol i save tromoi dispela.
46. Wok bilong 13.
47. I no pas.
48. Ol ai nogut i save putim dispela.

### Antap i go daun

2. Dispela banana ya, kaikai bilong ... i mau pinis.
3. Ol pik i gat foapela na ol binatang siks-pela.
5. Kisim samting i no bilong yu.
6. Buresong, Guria na Fairdeal West em tripela.
7. .... bilong tok.
9. Difens Fos
10. Wanpela tul bilong kamda.
12. Yu no inap, em haus ... ya.
14. I no antap.
16. Kantri ol PNG man i save dia tru long raun long en.
18. Ol haus long taun i

gat wanpela bilong kuk, narapela long slip, na narapela long waswas.

20. I no yumi.
23. Ol manmeri i save flai long en.
24. Wanpela mun.
25. I no olupela.
26. Organisasi Papua Merdeka.
28. Em ya.
30. Daunim spet.
32. Najjira na Uganda i tupela kantri i stap long dispela hap.
33. Mista (Tok Kuanua)
37. Poro bilong meri.
38. Samting bilong katim diwai.
39. Gutpela (Tok Motu)
41. Samting long dring ti long en.
43. Faivpela i stap long plak bilong yumi.
45. Hap bilong bodi i gat wok long lukluk.

#####  
Lukim  
ol Ansa  
long  
pes 8  
#####

### Lep i go long rait

1. Ol kapul, pilai, na dok i gat dispela.
4. Taim Jisas i dai na kirap gen.
8. Trilip, Laki na Kingwin em tripela pilai bilong en.
11. Taim ol man i laik hangamap, ol i save

- raitimtaitim rop long dispela.
13. Bos bilong ol sumatin.
15. .... no save.
17. Ol Simbu i save ... ek.
19. Pairap.
21. Pomio i stap long dispela Nu Briten.
22. Stik bilong muvim

- kanu.
23. Snuka, ragbi, na soka i save yusim dispela.
24. Minista bipo husat pinis long kalabus nau tasol.
26. Olsem 20.
27. Wanpela distrik long Galp.
29. Minista bilong Plis.

# SPAKMAN MATIK

MI NOGUT, O?

KON-MAN!  
KUSAI MAN!

M.P!  
BIA PES!

JEK  
OF OL  
TRED!

SPAKMAN!  
SO-OFF MAN!

MERI BILONG MINISTA I TOK EM BAI WOK LONG OPIS BILONG MAIK... TASOL MAIK I LES...

TA-TASOL YU NO... SAVE LONG ER... WOK...

OH, PLUS! EM INOKEN KAM LONG OPIS... MI GAT OL PESENU SAMTING I STAP LONG OPIS!

YU TING MI NO SAVE SKUL, AH?!

... LONG WANEM, EM I GAT OL SAMPELA SAMTING WE EM I LES LONG MERI I LUKIM...

KAMON, MAI DALING... MASKI, LUS TINGTING... YU STAP LONG HAUS...

!?!

"PLIS! YU STAP TASOL LONG HAUS... BAI MI GIVIM YU MONI OLGETA TAIM... UUMNAYU! AI NID YU IN DA HAUS, YU SAVE...!"

BLARU BIKPELA KUSAI!!

OKE! OKE! BAI MI STAP LONG HAUS!

EM GRISIM MERI BILONG EM I GO NA MERI I TOK YES NA STAP BEK...

(WHEW!) KLOSTU EM PAINAUT!!

ORAIT! BAI MI STAP NA KAMAP HAUS-MERI!... TASOL TINGIM MIPELA OL MERI TU I GAT RAIT LONG WOK!!

NEKS DE MAIK I HARIAP LONG GO WOK NA LUSTINGTING LONG KISIM BRIF-KES BILONG EM...

OH-NO! STUPID MAN I LUSTING LONG BRIF-KES BILONG EM! MI MAS KARIM I GO!

HARIAP TRU EM KARIM BRIF-KES IGO LONG OPIS...

HALO, MINISTA MAIK HIA..

"YES, MINISTA, SEKURITI HIA..."

MI BISI, MASKI PUTIM OL KOLS IKAM TRU!...

... ER, NOGAT, MISIS BILONG YU I STAP ALTSAIT!!

MISIS?! OH-NO! TOKIM EM WET, MI KAM...



# BIK BRO REBO

NO WARIS, MAI BOI! YU GO REPRESENTIM P.N.G NA PILAI... LONG SEM-TAIM YU REPRESENTIM BENK BILONG YUMI TU, YU, SAVEZ?

EM ITRU! TENKS, BOS.. BAI MI LUKIM YU BUAIN!

NEKS DE OL BOD I SINGAUTIM REBO LONG GO KIBUNG LONG P.R.L (PAPUAN RAGBI LIG.) OPIS!!!

PAPUAN

EM BUNGIM PLANTI OL PORO BILONG EM LONG HAP...

REBO! MAN! LONG TAIM NO SEE!

DAROA! GUTPELA LONG LUKIM YU!

HEY REBO!

KAM, KAM! MI BAIM YU WANPELA BIA NA YUMI WETIM PRESIDEN.

UMN! GUTPELA AIDIA... WANPELA BIA INAP LONG MI!

NAU TUPELA SINDAUN NA STORI LONG TAIM BIPO...

... YU SAVE STAP WE NAU? MI NO SAVE LUKIM YU RAIN O YU GO SAMPELA HAP?

YES.. MI GO STAP LONG KIUNGA LONG TUPELA VIA OLGETA NA MI KAMBEK!!!

WAN AUA I GO PINIS NA PRESIDEN I GO KAMAP...

OH-HO! PRESIDEN I KAM NAU... BAI YUMI BUNG NAU..!!

MAN! JACK I NO SENIS LIK-LIK!

OKE OL BOIS! KAM LONG KON-PRENG RUM!



# HEY, WANTOK!!

Yu laik ritim niuspepa long tok ples bilong yu stret?

Orait, Baim.. **WANTOK**

NIUSPEPA BILONG OL PAPUA NIUGINI STRET

**40t**  
TASO!

Em Niuspepa bilong yumi ol Papua Niugini stret!





**Twisties**

**EM I NAMBAWAN  
KAIKAI BILONG P.N.G.**

**Train teis bilong  
Kakaruk na Sis.**

**BAM NAU!**

# MUSIK NA TELEVISIEN

## PAPUA NIUGINI



### "Musik em laip" bilong boi Kerema

PLANTI manmeri i no save tumas long dispela nem Julius Ivosa. Yangpela man ya i bilong ples Oalai long Galp provins. Em i nogat biknem tumas olsem ol arapela musik manmeri bilong Papua Niugini tude. Tasol musik bilong em i katim nau lewa bilong planti manmeri na pikinini.

Julius save laikim ol manmeri long kolim em Jahmahn.

Julius i lainim em yet long singsing na pilaim gita. Em save paitim gita long lephan. Long ol laip konset, man ya i gat nem ya. Em save pilai long planti laip konset long bipo yet i kam inap tude. Na tu em ib in helpim planti laip ben long katim kaset bilong ol wantaim ol musik studio.

Julius save toktok isi tasol. Na em i stat long laikim musik taim em i yangpela. "Mi save laikim musik long bipo yet," em i tok.

Long 1984, Julius stat long lukim driman i karim kaikai. Em stat lainim long paitim gita. Em i no ritim long buk olsem ol musik manmeri long skul save lainim. Nogat. Em harim tasol ol manmeri i paitim gita, na em bihainim.

Em stat lainim gita long Bereina, taim em i gat 18 krismas. Bereina em wanpela stesin ausait long Mosbi long Hiritano haiwe. Dispela em long taim

em i stap wantaim brata bilong em long hap.

Long sem hap tasol Julius i bungim wanpela man husat bai senisim laip na stail bilong em long musik. Nem bilong man ya em Basil Blitz Greg. Long wanpela yia tasol, Julius save gut tru long gita. Bikos em i lainim moa stail long Basil.

Long sem yia, Julius i go stap long Laloki. Na pilai wantaim wanpela ben ol i kolim Ogo Roots. Roots i katim kaset bilong em na Julius i pilai bekap lid gita long dispela kaset.

Long 1987, Julius joinim Okay Kampani ben em Basil Greg pilai insait long en. Ben ya katim wanpela kaset, na bihain ol memba i go i kam nabaut.

Julius tu i tekova na tingting long katim kaset bilong em wanpela. Em i laik katim kaset wantaim Kalang studio o CHM Supesaun Studio. Em i tok sapos olgeta samting i go stret, namba wan kaset bilong em yet bai kamap long stat bilong neks yia. Yangpela Julius i tok "musik em laip". Em i tok moa olsem long musik, em i wanpela we long kisim mani bilong mi, na tu long autim tingting bilong man."

Julius save pilai na singsing. Tasol em save laikim tu long harim ol arapela singsing.

### Komplen bringim Papa KELA long Sensasip Bod

PLANTI manmeri tok olsem dispela singsing bilong *Sago Thorns* ben ol i kolim KELA em i wanpela gutpela na stail singsing. Bikos planti manmeri laikim dispela singsing. KELA i go antap na stap long namba wan ples long PNG Top 20 musik progrem long Ogas 6.

Tasol long las wik Fraide long *Talk Back* progrem bilong Roger Hau'ofa long Redio Kalang, planti manmeri ring na komplem long dispela singsing. Ol i tok dispela singsing i gat sampela toktok na mak bilong pasin nogut.

Bikos long ol dispela komplem, dispela kaset bilong *Sago Thorns* ben we i gat dispela singsing long en bai go long han bilong ol opisal bilong Sensasip Bod. Na ol bai pilaim, harim na skelim ol toktok i stap long dispela singsing wantaim ol komplem em manmeri i putim kamap.

Wanpela opisal bilong Sensasip Bod i tokaut olsem sapos ol i skelim dispela singsing na wanbel bihainim komplem em ol manmeri i mekim, Sensasip Bod bai putim tambu long dispela singsing. Dispela i min olsem dispela singsing bai no inap kamap moa long redio na televisen.

Man husat i save go pas long PNG Top 20 musik progrem long Redio Kalang, Justine Kili tokaut i tru olsem sampela manmeri komplem long



• Willie Sebas, man husat i raitim na singim dispela singsing.

dispela singsing long las wik Fraide long *Talk Back* progrem bilong Roger Hau'ofa. Planti lain husat i komplem em ol meri. Tasol Mista Kili tokaut olsem planti manmeri save laikim tru dispela singsing.

Mista Kili tok olsem i nogat wanpela samting i rong o krangi long dispela singsing. Dispela singsing i soim stret, na tu makim stail bilong Sepik musik.

### I KAM LONG Ela Motors OL WIL BILONG NESEN

## AMERICAN TOP FORTY

AS AT 13/08/94

CUR.	TITLE	ACT NAME
1.	<i>I Swear</i>	All-4-One
2.	<i>Don't Turn Around</i>	Ace Of Base
3.	<i>I'll Remember</i>	Madonna
4.	<i>You Mean The World To Me</i>	Braxton
5.	<i>Stay (I Missed You)</i>	Lisa Loeb
6.	<i>Mr Jones</i>	Counting Crowe
7.	<i>If You Go</i>	Jon Secada
8.	<i>Baby I Love Your Way</i>	Big Mountain
9.	<i>Any Time, Any Place</i>	Janet Jackson
10.	<i>Anytime You Need A Friend</i>	Mariah Carey
11.	<i>Return To Innocence</i>	Enigma
12.	<i>The Most Beautiful Girl</i>	Prince
13.	<i>I'll Take You There</i>	General Public
14.	<i>The Sign</i>	Ace Of Base
15.	<i>Moving On Up</i>	M People
16.	<i>Misied</i>	Celine Dion
17.	<i>Shine</i>	Collective Soul
18.	<i>Wild Night</i>	Mellencamp
19.	<i>Crazy</i>	Aerosmith
20.	<i>Found Out About You</i>	Gin Blossoms
21.	<i>I'm Ready</i>	Campbell
22.	<i>Until I Fall Away</i>	Gin Blossoms
23.	<i>Can You Feel The Love Tonight</i>	Elton John
24.	<i>Always</i>	Erasure
25.	<i>Back And Forth</i>	Aslyyah
26.	<i>Come To My Window</i>	Melissa Etheridge
27.	<i>Prayer For The Dying</i>	Seal
28.	<i>Beautiful In My Eyes</i>	Joshua Kadison
29.	<i>Whatta Man</i>	Salt-N-Pepa
30.	<i>Meat</i>	B.C. 52s
31.	<i>Objects In The Rear View</i>	Meat Loaf
32.	<i>Regular Thang</i>	Ovis
33.	<i>Mmm Mmm Mmm Mmm</i>	Crash Test Dummies
34.	<i>Losser</i>	Back
35.	<i>I Wich</i>	Gabrielle
36.	<i>Without You</i>	Mariah Carey
37.	<i>Centsloop</i>	Us3
38.	<i>Now And Forever</i>	Richard Marx
39.	<i>Ain't Got Nothing If You</i>	Richard Marx
40.	<i>Fall Down</i>	Toad The Wet

## EMTV TELEVISIEN

## PNG TOP TWENTY

THURSDAY 25TH AUGUST, 1994		FRIDAY 26TH AUGUST, 1994		SATURDAY 27TH AUGUST, 1994		SUNDAY 28TH AUGUST, 1994	
5.57	STATION OPEN	12.30	NATIONAL EMTV NEWS REPLAY	12.57	GAMES DAY 8 MEDITATION WITH PASTOR WALO ARNI	1.00	STATION CLOSE
6.00	INT NEWS (G)	12.57	MEDITATION WITH PASTOR WALO ARNI	1.00	STATION CLOSE	6.57	STATION OPEN
6.30	DAY BREAK NEWS (G)	1.00	STATION CLOSE	6.57	STATION OPEN	7.00	COMMONWEALTH GAMES DAY 9
7.00	TODAY SHOW (G)	5.57	STATION OPEN	7.00	COMMONWEALTH GAMES DAY 9	12.30	NORTH QUEENSLAND REAL ESTATE
8.57	EMTV TOK SAVE (G)	6.00	ITN NEWS	1.00	WIDE WORLD OF SPORT	1.00	WIDE WORLD OF SPORT
9.00	THE COMMONWEALTH GAMES DAY 7	6.30	DAY BREAK NEWS	5.00	BONANZA (G)	5.00	BONANZA (G)
11.48	EMTV TOK SAVE	7.00	TODAY SHOW (G)	6.00	NATIONAL EMTV NEWS	6.00	NATIONAL EMTV NEWS
12.00	MIDDAY SHOW (G)	9.00	THE XV COMMONWEALTH GAMES DAY 8	6.30	HEY HEY IT'S (G)	6.30	HEY HEY IT'S (G)
2.00	KIDS KONA (G)	12.00	MIDDAY SHOW (PGR)	8.30	SATURDAY NCDC NEWS (G)	8.30	SATURDAY NCDC NEWS (G)
2.30	FRANKSTEIN JUNIOR & THE IMPOSSIBLES	1.30	SESAME STREET (G)	8.50	EMTV TOK SAVE (G)	8.50	EMTV TOK SAVE (G)
3.00	THE COMMONWEALTH GAMES DAY 7	2.00	FRANKSTEIN JUNIOR	9.00	BURK'S BACKYARD (G)	9.00	BURK'S BACKYARD (G)
5.00	WONDER WORLD	2.30	THE COMMONWEALTH GAMES DAY 8	10.00	COMMONWEALTH GAMES DAY 9	10.00	COMMONWEALTH GAMES DAY 9
5.27	EMTV TOK SAVE	5.00	WONDER WORLD	12.57	MEDIATION WITH PASTOR WALO ARNI	12.57	MEDIATION WITH PASTOR WALO ARNI
5.29	EMTV NEWS BREAK	5.27	EMTV TOK SAVE	1.00	STATION CLOSE	1.00	STATION CLOSE
5.30	HOME AND AWAY (G)	5.29	EMTV NEWS BREAK	1.00	STATION CLOSE	1.00	STATION CLOSE
6.00	NATIONAL EMTV NEWS	5.30	HOME AND AWAY (G)	6.57	STATION OPEN	6.57	STATION OPEN
6.30	A CURRENT AFFAIR (G)	6.00	NATIONAL EMTV NEWS	7.00	COMMONWEALTH GAMES DAY 10	7.00	COMMONWEALTH GAMES DAY 10
7.00	SALE OF THE CENTURY (G)	6.30	A CURRENT AFFAIR (G)	11.00	WIDE WORLD OF SPORT	11.00	WIDE WORLD OF SPORT
7.33	NEIGHBOURS (G)	7.00	SALE OF THE CENTURY NEIGHBOURS	12.00	THE FOOTY SHOW	12.00	THE FOOTY SHOW
8.00	FIZZ (G)	7.56	EMTV TOK SAVE	1.00	COMMONWEALTH GAMES DAY 10	1.00	COMMONWEALTH GAMES DAY 10
9.15	EMTV TOK SAVE	8.00	AUSTRALIA'S FUNNIEST HOME VIDEO SHOW				
9.25	THE COMMONWEALTH GAMES DAY 7	8.30	RUGBY LEAGUE				
		10.30	THE COMMONWEALTH GAMES DAY 7				



GAMES DAY 10	
6.00	NATIONAL EMTV NEWS
6.30	WINFIELD CUP RUGBY LEAGUE
7.30	60-MINUTES (G)
8.28	EMTV TOK SAVE
8.30	SING WITH JOY
9.00	SUNDAY MOVIE: "Stepkids"
10.27	CHIT CHAT WITH SIR PAULIAS MATANE
10.30	COMMONWEALTH GAMES DAY 10
12.30	NATIONAL EMTV NEWS REPLAY
12.57	MEDITATION WITH PASTOR WALO ARNI
1.00	STATION CLOSE

AS AT 20/08/94

NO.	SONG	ARTIST
1 (2)	<i>Kela</i>	Sagothorns
2 (1)	<i>Sidaun I bagarap</i>	Sauga Band
3 (3)	<i>Kiss Me</i>	Jr Pullmates
4 (6)	<i>Under The B/walk</i>	Wong/Doi
5 (4)	<i>Local Turist</i>	C Kuskus
6 (5)	<i>Oh Mummy</i>	Shutdown
7 (8)	<i>Lukluk Raun</i>	L. Kania
8 (10)	<i>Mi Lavim Yu</i>	C. Kivovon
9 (9)	<i>Blue Ribbon</i>	J. Kopex
10 (7)	<i>Judie</i>	Shutdown
11 (11)	<i>Daddy</i>	A. Paska
12 (15)	<i>Manus Island</i>	K. Lucas
13 (13)	<i>Serah</i>	H. Kuskus/Telek
14 (17)	<i>Kolwin</i>	L. Kania
15 (19)	<i>My Love</i>	L. Kania
16 (12)	<i>Sailor</i>	Navigators
17 (14)	<i>Mi Lonely Nau</i>	Kopex
18 (16)	<i>Em Ino Isi</i>	B. Greg
19 (18)	<i>Honiara</i>	B. Greg
20 (0)	<i>Tiko Tiko</i>	A. Paska

• Ratings based on requests on Radio Kalang and not cassette sales.

## ELA MOTORS - OL WIL BILONG NESEN

# 1994 BUSINESS AWARDS MAJOR SPONSORS



**THE TIMES**  
OF PAPUA NEW GUINEA

**Travelodge**  
PAPUA NEW GUINEA

**BUSINESSMAN -**

**Sponsored by :-**

Ela Motors

**Ela Motors**

**BUSINESSWOMAN -**

**Sponsored by :-**


Steamships Trading company

**Steamships**

**SMALL BUSINESS -**

**Sponsored by :-**

Australia - Papua New Guinea Business Council



**EXPORT AWARD -**

**Sponsored by :-**

Shell Papua New Guinea



The **BUSINESSMAN OF THE YEAR** will receive return tickets to Sydney with four nights accommodation Courtesy of Qantas and Travelodge and a trophy plus K1,000 worth Ela Motors products donated by Ela Motors.

The **BUSINESSWOMEN OF THE YEAR** will receive return tickets to Sydney with four nights accommodation courtesy of Qantas and Travelodge and a trophy plus K1,000 worth steamships Hardware products and access to Steamships Training Program.

The **SMALL BUSINESS OF THE YEAR** will receive return tickets to Brisbane with four nights accommodation Courtesy of Qantas and Travelodge and a trophy plus an appropriate training course sponsored by Australian Papua New Guinea Business Council.

The **EXPORTER OF THE YEAR** will receive return tickets to Brisbane with four nights accommodation courtesy of Qantas and Travelodge and a trophy plus K500.00 cash donated by Shell Papua New Guinea.

All awards winners will also receive a certificate from *The Times of Papua New Guinea*.  
Nominations for these awards should be made on the form below.

All nominations will be treated by the panel of judges in the strictest confidence.  
" **Businessman, Businesswomen, Small Business and Export Award.**

Name of the Business person:..... Name of Business he or she operates:.....  
Address of the Business he or she operates:..... Telephone:.....  
Time since business commenced..... years. Nature of business:.....

Your reason for nominating he or she to be **BUSINESS PERSON OF THE YEAR**  
(eg: Created new job, created new export market, found new uses of local produce and mention all special achievements)

.....  
.....  
.....

(1) **Businessman**

(2) **Businesswomen**

(3) **Small Business**

(4) **Export Award**

Nominated by

Name:..... Address:..... Telephone:.....

Note: THE PAPUA NEW GUINEA EXPORT AWARD IS OPEN TO EXPORTING COMPANIES WITH AT LEAST 51 PERCENT NATIONAL OWNERSHIP.

**WHAT TO DO:** Provide supporting details of your company's export achievements in 1993, eg. volume percentage increases, new markets, new products, etc. Growth in turnover profitability employment and the type of business are essential considerations. So be specific when nominating.

**ENTRIES CLOSING DATE 5th OCTOBER 1994**

Send your details or enquires to:  
THE MARKETING MANAGER,  
MR WILLIAM KOTSON,  
TIMES OF PNG,  
P.O. BOX, 1982,  
BOROKO,  
NCD.  
TEL: 252500, FAX: 252579

THE AWARD DINNER WILL TAKE PLACE ON THURSDAY 20th OCTOBER AT THE PORT MORESBY TRAVELDGE ATTENDED BY  
THE GOVERNOR GENERAL SIR WIWA KOROWI.

# Pasin bilong egensim kastam bai sotim laip o nogat

# Kas bilong Hailans Rijon Okid Senta



## Dia Laiplain,

Planti kastam na pasin tumbuna bilong ples i save mekim mi paul. Na mi brukim o egensim sampela bilong ol dispela kastam na pasin tumbuna pinis. Wanpela bilong dispela kastam na pasin tumbuna i pulim mi go i kam long kain kain rot.

Taim wanpela meri gat sik mun, em i no inap givim kaikai long mipela insait long 7-pela de. Na tu em i no inap slip wantaim man na mekim pasin nogut. Taim meri bilong mi bin kisim sik mun bilong em, mi brukim dispela kastam pasin.

Nau ol pipel long ples bilong mi tokim mi olsem i no longtaim mi bai dai. I tru olsem em i nogut long kisim kaikai long han bilong meri na kaikai na tu long slip wantaim em na mekim pasin nogut taim em i kisim sik mun bilong em.

## THREATENED

Dia Pren,

Mipela i luksave long hevi yu gat bihainim kastama na pasin tumbuna bilong ples na tu pasin na tingting bilong ol waitman.

Ol bikmanmeri long ples bilong yu em ol savelain

bilong ol kain kain kastam na pasin tumbuna bilong ples. I luk olsem ol i tok klia long yu wanem samting em ol i ting i gutpela na tu i no gutpela long samting o pasin yu mekim.

Ol dokta i gat bikpela save long ol kain kain samting na tingting bilong ol waitman. Na wanpela i tokim mipela olsem i nogat rong long wanpela meri long kukim kaikai na givim long man bilong em na ol pikinini taim em i kisim sik mun bilong em. Tasol em i mas wasim gut han bilong em taim em i redim kaikai na kukim. na tu i nogat rong long wanpela meri husat i kisim sik mun bilong em long slip wantaim man bilong em na mekim pasin nogut.

Tasol planti meri save pilim pen long skin bilong ol taim ol i kisim sik mun bilong ol. Olsem na ol i no save laikim long slip wantaim man bilong ol na mekim pasin nogut. Yu bin askim meri bilong yu long kisim tingting bilong em tu o nogat? Em bai luksave long tingting na wari bilong yu.

Ating i luk olsem meri bilong yu i gat bikpela tingting na laik long bihainim ol kastam na pasin tumbuna bilong ples. Sapos yu brukim dispela ol kastam na pasin tumbuna, yu bai mekim meri bilong yu i wari na pret.

Sapos yu gat tingting o plen long stap long ples bilong yu na yu laikim ol lain long ples i laikim yu, yu mas tingting gut long dispela samting pastaim long yu brukim o egensim ol kastam na pasin tumbuna bilong ples.

## LAIPLAIN

**Salim ol hevi na wari bilong yu i kam long LAIPLAIN, P.O.Box 6047, Boroko. Yu ken ringim mipela tu long telipon namba 260011. Mipela i no inap autim trupela nem bilong long hia**



• Peter Samaka soim wanpela okit bilong senta.

## RAPHAEL SEMEL i raitim

OKID em i wanpela plawa we planti manmeri i save laikim tumas. Na Papua Niugini em i wanpela laki kantri tru long i gat planti kain okid long ol bikbus bilong em.

Long namel stret bilong Enga provins, wanpela senta we i lukautim ol okid bilong PNG na ol ausait kantri i stap. Ol i kolim dispela senta long Hailans Rijon Okid Senta. Na em i stap long Laiagam distrik 50 kilomita long we long Wabag taun.

Bos long senta ya em

Peter Samaka. Em i no kisim skul long lukautim ol diwai na plawa samting. Tasol save bilong em long lukautim ol okid i moa yet. Bikos em i wok wantaim wanpela saveman long ol diwai na plawa. Nau Mista Samaka i ken raitim ol buk long ol plawa na skulim tu ol man long lukautim ol.

Orait, Okid senta long Enga i gat moa long 900 okid plawa bilong PNG i stap long en. Em i lukautim tu 45 okid i kam long ol kantri olsem Australia,

India na Brasil. Ol i kisim ol okid ya long wan wan provins. Na lukautim long dispela senta ya.

Wanpela long ol okid long Enga i narakain olgeta. Nem bilong en em "Dendrobium Engae". Mista Samanka i bilip olsem ol narapela kantri long wol i nogat dispela kain okid.

Ol i kolim okid bilong Brasil long Cuttley na Loddigest. Na bilong India em Dangerso Mobile.

Mista Samanka i tok wan wan okid long planim i kos K4.50. Ol i bin salim planti long ol plawa ya long Japan, Amerika na Australia.

Long ol yia i go pinis, senta ya i save kisim samting olsem 210 turis insait long wan wan yia. Na pulim profit mani inap long K12,000.

Tasol em i tok gavman bilong Namaliu i stapim ol long salim ol okid i go ausait long kantri. Na dispela pasin i stapim moa turis long kam long senta, em i tok.




Em i tok moa tu olsem wanpela save meri tru long okid plawa na ol arapela kain plawa moa em Andre Millar.

Em i strongim tingting na laik bilong planti pipel long kantri long lukautim gut ol plawa.


Em i tok tu olsem ol pipel long kantri i mas amamas long i gat ol kain okid na plawa long bus bilong ol.

# PAWA WANTAIM OL PIPEL

F.G. Wilson ol i nambawan save lain long desain na wokim gutpela disel jenerator inap 5Kva to 5000Kva.



► Toksave long lokol ejent bilong yu, Morgan Equipment long sels, Pats na Sevis.



A member of the UUM Group of Companies

## MORGAN EQUIPMENT PTY. LTD.

LAE Aircorps Road Phone: 42 2444 Fax: 42 3342  
PORT MORESBY Morea Tobo Road Phone: 25 5766 Fax: 25 0805  
RABAUL Airport Road Phone: 92 2488 Fax: 92 2482

## Ansa bilong Skruim tok

### Lepi go long rait

1. Tela
4. Ista
8. Kat
11. Pos
13. Tisa
15. Mi
17. Karim
19. Nois
21. Is
22. Pul
23. Bal
24. Faminan
26. Ol
27. Ihu
29. Muliap
31. Pinat
34. Putim
35. La
36. Fores
37. Mr
38. Aran
40. Skrai
42. Maski
44. Angka
46. Tisim
47. Op
48. Aiglas

### Antap i go daun

2. Em
3. Lek
5. Stilim
6. Tim
7. As
9. Ami
10. Sisil
12. Kapa
14. Aninit
16. Pilipins
18. Rum
20. Ol
23. Balus
24. Fun
25. Nupela
26. OPM
28. Hia
30. Aigris
32. Afrika
33. To
37. Man
38. Akis
39. Namo
41. Kap
43. Sta
45. Ai

# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.